


CIMELIA


0

644

Kalkoppi



Biblioteka Jagiellońska.




IV. a. 2.

W.a. 2.

Biblioteka Jagiellońska



stdr0015301



644

CIMELIA

G. V. 69 b

Hist. 497-

V. 7. 39.

# DE SIGIS

MVNDO, PRIMO

REGE POLONIÆ, &c. DVO

*Panegyrici funebres, dicti Cracouie*

*in eius funere, Nempe,*

SERMO SAMVELIS

Episcopi Cracouiensis, & Res

gni Poloniae Can-

cellarij.

ORATIO MARTINI

Cromeri, Canonici Cracouiensis, &

Oratoris Regij.

ECCLES. XLVII.

*Christus purgavit peccata ipsius,*

*Et exaltauit in æternum Cornu eius.*

*Et dedit illi Testamentum Regni,*

*Et sedem gloriæ in Israël.*

EX OFFICINA FRANCISCI

Behem Typographi. Anno

M. D. L.

CVM GRATIA ET  
Priuilegio Sacrarū Maiestatum,  
Cæsaris ac Regis Rom. Duoꝝ  
rum fratrum, Ad  
Septennium.



Cim. O. 644.

1  
REVEREN

DISSIMO IN CHRISTO

PATRI AC DOMINO, DOMINO

Ioanni DV BRAVO, Episcopo Olumucensi  
in Moravia, Principi in Regno Bohemia,

Domino & Patrono suo Colen-

disimo, Ioan. Cochleus

S. P. D.



*ET SI* non dubito, Re-  
uerendiss. Dominationi  
tuæ probè notum et com-  
pertum esse, q̄ piè ac magnificè per-  
actum sit laudatissimi Regis SI-  
GISMVNDI celeberrima  
parentatione funus, in Am-  
plissima ciuitate Cracouiensi, quæ  
ciuitati tuæ uicina est.

*A ij Vbi*

## EPISTOLA

Celeberrima  
Parentatio.

Vbi tot fuere præsentēs Heroicæ Personæ utriusq; sexus, ac tot Regum et Principum Clarissimi Oratores, unicum splendidissimo Senatorum, Palatinorū, Castellanorum, aliorumq; Procerum & Nobilium, Equitumq; totius Regni Poloniae coetu, qualem sane ac quantum antea nunq; (ut existimo) uidit POLONIA: Quemadmodum conijcere licet ex funebribus multorū Orationibus, quarum bona pars per Typographos Cracouæ euulgata est.

Thesaurus  
uirtutum.

Mihi tamen, pro tanti Regis uirtutibus & meritorum gloria, & bonorum operum fideiq; imitatione, dignum & operæ precium uidetur, ut tantus uerarum uirtutum thesaurus,



rus, non sub unius Regni aut Pro-  
 uinciæ medio absconditè ponatur:  
 sed positus potius super candela-  
 brum Catholicæ Ecclesiæ, luceat  
 omnibus, qui in domo Dei sunt, ut  
 uideant tanti Regis opera bona,  
 quæ optima fide in hisce duobus Pa-  
 negyricis referuntur: Et glorificent  
 Patrem nostrum qui in cœlis est,  
 apud quem non est barbarus & Matth. 5.  
 Scythia, non seruus & liber, sed om- Coloss. 3.  
 nia & in omnibus Christus.

Fuit quidem olim in Polonia quoq; Scythica  
 Scythica barbaries, ut fatentur om- barba-  
 nes Cosmographi: sed per hunc Re ries elimi-  
 gem, in Domino piè defunctum, & nata.  
 per patrem Auumq; eius, Reges  
 prudentissimos pariter ac fortissi-

A iij mos,

EPISTOLA

mos, ita instituti sunt Christiana  
 sapientia & fide atq; religione plæ-  
 riq; populi Septentrionales, literis  
 quoq; & moribus imbuti, ut longè  
 foelicius ibi floreant nunc bonæ lite-  
 ræ & diuersarum linguarū peritia,  
 quàm florent modo in omnibus Græ-  
 ciæ & Asiæ prouincijs. Hæc est  
 enim diuina & præclara laus Vla-  
 dislai aui, quod sese ac cunctam Lit-  
 uaniã religioni addixit Christianæ,  
 ditionesq; suas omnes, Poloniæ fœ-  
 dere sempiterno adiunxit: Qui in-  
 cicuranda & à prodigiosis (ut non  
 minus uerè q̄ eleganter hic refert  
 CROMERVS) Dæmonū su-  
 perstitutionibus, adueri Dei cultum  
 conuertenda gente sua, agresti &  
 barbara,

Vladis-  
 laus auus  
 Sigis-  
 mundi.

barbara, permultum laboris, operæ  
sumptusq; impendit. Nec indeco-  
rum sibi duxit præpotens Rex, Do-  
ctoris & Apostoli munere fungi  
apud rudem & uilem plebeculam,  
cum sacerdotes nostri, eius linguæ  
penitus essent imperiti. Hæc ille  
de auo. Patris autem eius Kazi-  
miri Regis quandam ego Episto-  
lam, unam inter serui historiæ Hus-  
sitarum, quam superiore anno ædidi,  
in qua ille pijsime inuitauit in re-  
gnum suum, admirabilem uirum,  
Ioannem Capistranum, inter cæte-  
ra his sane uerbis.

Kazimi-  
rus pater  
Sigif.  
lib. 10  
fol. 368.

Tu autem Pater mi, Bohe-  
micæ gentis reductione ( quantum  
fas erit ) expedita, ingredi & ui-

Epistola  
eius ad  
Io. Ca-  
pistranũ.

A iij sere

## EPISTOLA

fere Regnum nostrū Poloniæ non  
 graueris : sed per nos rogatus , decli-  
 na paululum , & nos filium tuum de-  
 uotum , precor & per misericordiam  
 Domini obtestor , ne prætereas . Est  
 nobis Regnum Poloniæ , tenaci fide  
 Catholicam religionem obseruans .  
 Est & Ducatus *LITVANI-  
 AE* , cuius populos Gemitor  
 noster clarissimæ memoriæ Vladis-  
 laus , Poloniæ Rex Christianissi-  
 mus , ab Idolorum cultura , ad unius  
 ueri Dei agnitionem reduxit . Vtri-  
 usq; dominij nostri populus , ma-  
 gnopere te gestit uidere , & tuam  
 præsentiam summo desiderio & sum-  
 ma prece exoptat . Sunt præterea no-  
 bis terræ *RVSSIAE* latissi-  
 mæ ,

ma, quæ etsi fidem profiteantur  
 Christianã, in sectam tamen Græ-  
 corum dudum pertractæ sunt. Ex-  
 tant multi, qui sola fama nominis  
 tui pellecti, renunciare ueteri sectæ  
 & ritui, & ingredi uia quam mon-  
 straueris, repromittunt. Hæc & id  
 genus multa Kazimirus pater.

Ipse uero Sigismundus Rex, Sigis-  
mundi  
Regis  
Edictum  
contra  
Sectas.  
 quanto zelo & studio restiterit no-  
 uis hoc tempore sectis, in primis Lu-  
 theranæ, multis declarauit Edictis.

In quorum uno (quod in Commenta-  
 rijs nostris recitatum nuper ædidi)  
 sic exorsus est. Audimus permul-  
 tos esse in Regno nostro factiosos,  
 & nouandarum rerum cupidos ho-  
 mines. Qui sectas, ab Orthodoxis  
 A v patribus

## EPISTOLA

patribus in *Vniuersalibus* Concilijs reprobatae, non in occulto solum sectantur, sed & publicè profitentur. Et post pauca. Quæ res (inquit) quàm foeliciter vicinis circumcirca regionibus ceciderit, nemini obscurum est. Videmus enim luce meridiana clarius, quantæ seditiones, quântæ cædes, bonorū direptiones, et quanta rerū omnium perturbatio, quanta pietatis ruina, quanta deniq; honestatis euersio ex his initijs excitata sit. Hæc & id genus complura Sapientissimus iste & in fide Maiorū Constantissimus Rex, ad subditos suos. Quemadmodum eleganter & copiose ad longum cōmemorauit de eo in suo sermone, Reueren-

uerendiss. Pater, Dominus Samuel, Samuel  
 Episcopus Cracouiensis. Quo equi- Episco-  
 dem sermone, nihil fide, et imitatu di- pus Cra-  
 gnus existimo. Quis enim suspicari couiensis  
 queat, tantum uirum ausum fuisse,  
 contra cor & conscientiam suam, in  
 conspectu & confesso tot Heroum,  
 Oratorumq; et Procerū totius Re-  
 gni, aliquid de hoc Rege affirmare,  
 de quo possit iure argui aut repre-  
 hendi, tanq̃ de mendacio, cum om-  
 nia tot testibus, qui uiderunt & au-  
 dierunt, probare facile potuisset?

Longe alia igitur est huius Pa- Panegy-  
 negyrici ratio quam aliorum, qui ricus de  
 quantumuis grauius & ornate di- uirtuti-  
 cti aut scripti fuerunt. Inter quos bus de-  
 sane præcellere mihi uidetur is, functi,  
 qui

EPISTOLA

qui à Plinio secundo dictus est ma-  
ximò ac potentissimo Imperatori  
Vlpio TRAIANO. Vbi  
dixit Consul in Senatu coram gra-  
uissimo & ueritatis amantissimo Prin-  
cipe, in consessu tot Consularium ac  
dignitate fulgentiũ & eminentium  
uirorum, quibus res gestæ & uirtu-  
tes Principis notæ erant & perspe-  
ctæ. In hoc autem Panegyrico  
Cracouiensi, dixit Episcopus, quo-  
uis Consule maior & eminentior di-  
gnitate. Dixit Pastor, eius gerens  
uices, qui in Euangelio dicit: Ego  
sum uia, ueritas, & uita. Dixit  
Cancellarius Regni, cui omnia  
Regis tam priuata quàm publica  
negocia, totiusq; uitæ acta perco-  
gnita

Panegy-  
ricus ser-  
mo fide  
dignus.



gnita erant. Et dixit ex animo, sine  
 omni fuco & adulationis figmento,  
 sine spe lucri aut mercedis tempora-  
 lis, sine ambitione altioris honoris  
 aut dignitatis, cum esset eo in loco  
 summus Pontifex. Et dixit ex certæ  
 ueritatis fiducia, fretus tot diuinæ  
 scripturæ testimonijs.

Ausim igitur dicere, nihil me in Tremenda  
 hanc usq; diem legisse aut uidisse, ad sententia  
 stabilendam Catholicæ fidei ueri- multo-  
 tatem, Ecclesiæq; authoritatem an- rum.  
 tiquam, aptius aut accommodatius  
 huius Episcopi & Cancellarij Pa-  
 negyrice isto. Quod si corda erran-  
 tium & ab unitate Ecclesiæ abhor-  
 rentium, non tetigerit, nec ad samo-  
 ra consilia conuerterit, signum est  
 profesto

EPISTOLA

profecto tremendæ illius sententiæ,  
 quæ in filios Eli summi Sacerdo-  
 tis prolata habetur in primo libro  
 Regum : Et non audierunt ( in-  
 quit ) uocem patris sui , quia uo-  
 luit Dominus occidere eos.

Spes edi-  
 ficatio-  
 nis mul-  
 torum.

Visum itaque mihi est , has pi-  
 as & doctas Orationes funebres ,  
 sub Clarissimi Nominis tui , Re-  
 uerende ac Generose Antistes ,  
 patrocinio , hinc mittere Mogun-  
 tiam ad Affinem meum Typo-  
 graphum , ut illic in corde & um-  
 bilico Germaniæ denuò excudan-  
 tur , & in uniuersum Orbem Chri-  
 stianum foeliciter dispergantur ,  
 non sine certa spe fructus & ædi-  
 ficatioe

IOAN. COCH:

7


ficationis multorum, quos Secta-  
rum nouitates multis iam annis in  
fide Ecclesie male conturbarunt.

Beneuale. Ex Vratislavia VIII.

Calendas Martias.

M.D.L.

SERENIS.

 SERENIS  
SIMO PRINCIPI ET  
DOMINO, DOMINO SIGIS-  
mundo Augusto, Dei gratia Regi Poloniae, Ma-  
gno Duci Lituaniae, Russiae, Prussiae, Masouiae, Sa-  
mogetiae, &c. Domino & heredi, Domino  
Clementissimo, Samuel à Macieiowice,  
Episcopus Cracouiensis, & Re-  
gni Cancellarius

S. D.



Vm habitū per me ser-  
monem in funere diui  
patris tui, cui tu pro tua  
pietate, perhonorificè,  
Regio sane sumptu &  
apparatu, iusta persoluisti, à pluribus  
expeti uiderē, quandoquidem ingens  
erat describendi labor futurus, operæ  
precium me facturū esse putauī, si typis  
eum excusum, in lucem prodire per-  
misisssem: Quem ad te, Rex Auguste,  
mittendum, nominiquè tuo dicandum  
esse

esse duxi. Cui enim dicarem rectius, Filio Re-  
gis dica-  
tus ser-  
mo. quam tibi, ad quem sicut hæreditatis  
paternæ successio, ita factorum etiam  
eius imitatio, propriè pertinere uide-  
tur: ut non Regni magis & fortuna-  
rum, quam uirtutū, & morum optimi  
Regis illius te successorem esse factum,  
intelligent & lætentur omnes. Neq;  
enim longius exempla te petere ne-  
cessè est, iustè cum fide, pietateq; uitam  
degendi, domi habes unde ea sumere  
possis. Nam, quæ magna tua fœlicitas,  
neq; postrema laus est, eo te patre na-  
sci, diuinitus tibi contigit, cui cum in  
omni alio uirtutum genere, tum præ-  
sertim pietate, religione, sanctimonia,  
nullum ætas hæc nostra similem Re-  
gem tulisse uidetur. Omni-  
uirtutum  
exempla  
a patre. Quamuis autem Dei mu-  
nera. hæc omnia, quæ laudem in eo appro-  
bationemq; hominū merentur, solius  
Dei sunt munera: Quid enim habet  
quisquam nostrum, quod ab eo non  
acceperit: aut quis est mortalium, qui  
aliud quicq; ipse possit ex se, quam  
B peccare.

EPISTOLA

Prospe-  
ritas ex  
Dei cultu

Bella  
ubiq;

peccare & tamen qui sua ipsius bona coronat in misericordia & miseratio- nibus, is hæc ipsa munera sua, has ipsas uirtutes, quibus patrem tuum affluen- ter ornauit, præmijs etiam afficere, atq; omni genere fœlicitatis, nō huius mo- do temporarię, uerū etiam illius eterne, cum cumulare dignatus est. Proprium enim hoc est, & perpetuum diuinę be- nignitatis, à quibus piē colitur, ijs pro- speros rerum omnium successus largi- ri. Sicut Dauid Regi, sicut Asa, Iosaphat, Ezechia, Iosia factum esse, sacra Regū narrat historia. Quos ita diuus pater tuus, uitam cum fide, iustitiamq; colendo expressit, ut neque mansuetu- dine, neque pietate, neq; fiducia erga Deum, cuiquam illorū secundus fuisse uideatur. Inde a deo contigit illi diuino beneficio, quod sicut mansuetus ille Rex, ita & noster hic Dauid, mor- tuus est in senectute bona, plenus die- rum, & diuitijs, & gloria. Quas non uidit ætas hæc nostra, passim in orbe toto

toto Christiano bellorum tempestates,  
 & procellas: quos tumultus: quas  
 non modo ciuitatum, oppidorum, ca-  
 strorum, uerum etiam terrarum, pro-  
 uinciârum, regnorum euerfiones, di-  
 reptiones, inflammationes: Non di-  
 cam de urbe Roma, non de Italia unâ,  
 uerfa, non de Gallia, de Anglia, de  
 Dania, de Scotia, deq; Suetie Regnis,  
 in quibus qui fuerint motus, quæ re-  
 rum conuerfiones, hoc æuo nostro,  
 quis est qui sine dolore & lachrymis  
 commemorare queat? De finitimis  
 tantû nobis nationibus dicam. In con-  
 spectu est nuper adeo florentissimum Regnum  
 Hungariae regnû, quod nunc in quàm Hunga-  
 durâ, & ipsa etiam morte acerbio- ria.  
 feruitutem, magna ex parte redactum  
 fit, uidemus. Proxima est nobis Ger- Mala  
 mania quoq; quàm ampla: quàm co- Germa-  
 piofa: quàm abundans uiris fortibus: nix.  
 Verum & illa sua laborans magnitudo  
 dine, suis ipsa uiribus fracta, quas cala-  
 mitates nō pertulit, proximis Superioribus

B ij ribus

EPISTOLA

Florens  
 Polonia.

ribus annis? quas clades non accepit?  
 quæ in ea hominū? quæ oppidorum?  
 quæ populorum strages æditæ non  
 sunt? Sola Polonia maximo maximi  
 Dei beneficio fuit in hunc usq; diem  
 ab ea calamitate immunis, quæ reliquas  
 orbis Christiani partes omnes propè  
 peruasisse uideretur. Quam autem eius  
 rei causam esse dicemus? num quod  
 hostes nobis defuerunt, qui nos for-  
 tunasq; nostras uexas, direptas, euer-  
 fas cuperent? Atqui si qua gens alia,  
 nostra præ cæteris, omni genere hosti-  
 um, & eorum quidem potentissimo-  
 rum circumsepta, & modo non cir-  
 cumsepta est. Viribus ergo illos, aut ar-  
 te aliqua, & ingenio superauimus?  
 Quamlibet nos amemus licet, tamen  
 neque numero Moschos, neq; robore  
 Scyrhas, siue quis Tartaros uocare ma-  
 lit: neq; calliditate Valachos, neq; sci-  
 entia rei militaris, finitimas nationes,  
 quibus cum bellum nobis fuit, supera-  
 mus. Sola fuit pietas, religio, fides in  
 Deum



Deum firma, stabilis, & inuiolata, Diui <sup>Fides &</sup>  
 patris tui, Regis nostri, preclare de no- <sup>religio</sup>  
 bis meriti, quæ nos, quæ fortunas no- <sup>patris.</sup>  
 stras, quæ statû huius Regni incolumẽ  
 conseruauit. Huic acceptum ferimus,  
 quod cæsis toties & profligatis hosti-  
 bus, diuturna pax & tranquillitas huic  
 Regno parta est: quod nõ modo que  
 creabatur discrimina, & pericula ab eo  
 propulsata sunt, uerũ etiam ne maiora  
 inferrentur, q̃ quæ sustineri aut arceri  
 possent, prouisum est. Quod Regnũ  
 hoc multò florētius ad te transmissum  
 est, nõ modo quàm ipse Diuus parens  
 tuus acceperat, sed etiam quàm fuit ali-  
 quando post hominũ memoriã. Ama-  
 uit Deus patrẽ tuum, & ornauit eum.  
 Amauit eius pietatẽ, amauit religionẽ,  
 amauit purã fidem & incõtaminatam,  
 quam ille qualem á maioribus suis re-  
 ligiosissimis Regibus acceperat, talem  
 ad extremum usq; uitæ suæ spiritũ reti-  
 nuit, tibiq; de manu in manũ tradidit,  
 te hæredem illius & successorem insti-  
 tuit.

B iij      tuit.

## EPISTOLA

Optima  
hæredi-  
tas reli-  
gio pa-  
tris.

Vt serue-  
tur reli-  
gio pa-  
tris.

tuit. Quam tu hæreditatem cum cre-  
ueris, libentius etiam, quàm aliam quamuis  
eam adire debes: si te, si regnū tuum, si  
nos fortunascq; nostras, saluas esse uis.  
Quæ nos omnia non alia spe, fidei po-  
testatiq; tuæ cōmissimū, quàm quod  
uestigia sancti patris tui, cū alijs in re-  
bus, tum in Deo illius exemplo piè co-  
lendo, te persecuturum esse persuasum  
habemus. Quam tu opinione de te no-  
stram, indies magis atq; magis confir-  
mabis, ut nō magis nomine, quàm uirtute  
pietateq; Christiana, diuum parentem  
tuum te referre uideamus, & eum in te  
uiuere sentiamus. Hæc sola est seruandi  
nostri, seruandiq; tui ratio. Nec est ex-  
tra hæc ulla alia, qua tu, qua nos quoq;  
salui esse possimus. Patrem piè in Deo  
colendo imiteris oportet, si paternæ  
fœlicitatis hæres esse uis. Ecce ego,  
quem suæ uoluntatis interpretē Deus  
esse uoluit, promitto tibi & spondeo,  
illius nomine, qui cum sit ueritas, falle-  
re nescit: omnia tibi tuta fore & trans-  
quilla,

quilla, neq; defuturā patris tui in rebus gerendis foelicitatē: si cuius filius, hæres & Regni successor es, eius iustitiam fueris & pietatē imitatus. Quod cum ultro facias, facturū etiam te deinceps semper spem nobis minimē dubiam ostenderis, currentē, quod aiunt, pluribus hortari necesse non est. Itaq; ad eū, de quo scribere cœpi, sermonē meum redeo. In quo (ut sunt uaria hominum iudicia) non deerūt fortasse, qui multa desiderēt. Artē aliq; in tractando, splendorē orationis aliq;, & uerborū elegantiam requirēt. Quibus nos paucis respondebimus: Non fuisse nobis propositū declamantis more, artē dicendi in sermone hoc nostro ostētare, quam illi ipsi, qui præcepta artis tradiderunt, celari ab oratore maxime in dicendo uolunt: sed artem potius bene uiuendi subiecto ante oculos domestico sancti Regis exemplo docere nos uoluisse.

De peruulgando uero sermone hoc, cum a nobis initio conscriptus fuisset,

B iij minime

Ars bene uiuendi proponitur, non ars dicendi.

## EPISTOLA

minime nos cogitasse: quando quidem uernacula lingua à nobis habendus erat, ita ut habitus etiam est. Quod si tum in lucem eum ædendum esse putauissemus, plus tamen curæ in eo exponendo posuissemus: quo illorum etiam auribus pro uirili nostra, satisfacere nobis licuisset, qui nihil ferre possunt, quod Latine, & quidem eleganter scriptum non est. Posteaquam uero sermo fuit à nobis habitus, grauisimis Reip. negocijs, quæ tua Maiestas non ignorat, occupatis, tantum nobis ocij non dabatur, ut quæ uel ad dispositionem eius, uel ad elocutionem pertinent, ijs diligentius expendendis uacare posuissemus: Cum præsertim qui nobis in eo exigendo molesti fuerunt, ij morâ longiorem ferre nequirent. Quare sicut initio scriptus à nobis fuerat, ita typis eum curauimus peruulgandum. Abs te peto, Rex inclyte, quicquid eius est, quod tibi per nos offertur, ut id grato animo accipias. Neq; semel audiuisse contentus

contentus, legas etiam iterū atq; iterum  
 qualiacunq; scripta hęc nostra: quorū  
 lectionem fructū tibi tamen aliquem  
 allaturam nobis persuademus. Quod Non sen-  
 tire patrē  
 obiisse.  
 superest Deum precor optimum Ma-  
 ximum, ut te nobis diu florentem &  
 incolumem cōseruet, ut cum sanctum  
 Regem patrem tuum nobis ereptum  
 esse, non scire non possimus: possimus  
 tamen non sentire, cum te uestigijs eius  
 incedentem uiderimus. Quod pro sua  
 magis ineffabili bonitate, quam pro  
 nostris meritis, pręstare nobis digne-  
 tur is, qui fons est & author bonorum  
 omnium, Dominus noster Iesus Chris-  
 tus. Quem etiam atq; etiam supplex  
 precor, ut diuturnam incolumitatem  
 & rerum omnium prosperitatem tibi  
 largiatur. Datum Cracouię XI.

Calend. Septembris, Anno

à Christo nato M. D.

XLVIII.

B v

SERMO

# SERMO

## HABITVS PER RE

uerendiss. in Christo Patrem, Domi-  
num Samuelem Maciejowski, Episco-  
pum Cracouiensem, & Regni Po-

loniæ Cancellarium, in funere

Serenissimi Domini Si-

gismundi primi

Regis Po-

loniæ.

Thema  
huius  
sermo-  
nis.



Eatus diues, qui in-  
uentus est sine macu-  
la, & qui post aurum  
non abiit, nec spera-  
uit in pecunia & thesauris: Quis  
est hic, & laudabimus eum, Ecc. 31.

Vetus hic mos est, et longo usu  
iam inde à multis sæculis in Eccle-

cia

fia Dei receptus, qui in fide & con-  
 fessione Christi obdormissent,  
 quibus memoria dignum aliquid  
 gessissent, eos ex loco superiore in  
 æde sacra laudandi: non solum  
 ut qui debebatur eorum uirtuti  
 fructus, is tributus uideretur, cum  
 aliam illi longe, quàm tempora-  
 riam hanc mercedem expectent,  
 quibus à Christo dictum est, *Mer-* *Matth. 5.*  
*ces uestra copiosa est in caelis: ue-*  
 rum etiam ut & consolationem ex  
 eorum obitu propinqui lugentes  
 accipiant, & ad eorū imitationem  
 accendantur, quos tam gratam  
 sui memoriam reliquisse uident.

Hoc Sapiens ille dixit: *Memo-* *Prov. 10.*  
*ria iusti cum laudibus, & nomen*  
*impiorum putrescet.* Sicut enim  
 umbra corpus, ita uirtutem laus &  
 gloria

SERMO SAMVELIS

**Princeps** gloria comitari consuevit. Quare  
**maxi-** cum obdormierit nuper in Chri-  
**mus in** sto sæculorum Princeps dignus  
**Israel.** memoria, nō tam dominus quàm  
 parens noster, patriæq; nostrę, Si-  
 gismundus Rex: quandoquidem  
 indignus ego pastoris in hac Eccle-  
 sia locum teneo, laudato mori sa-  
 tisfacturus, officij mei esse duxi, res  
 gestas illius & uirtutes, recensere  
 magis enumerādo, quantum tem-  
 poris breuitas patietur, quàm exor-  
 nare dicendo. De quo licet eadem  
 uerba mihi usurpare, quæ dixit  
 olim Dauid de Abner Principe  
 2. Reg. 3. militiæ: Num ignoratis, quoniam  
 Princeps & maximus cecidit ho-  
 die in Israël: Nam reuera cecidit  
 hodie, quod nemo uestrum igno-  
 rat, Princeps maximus in Israël,  
 Princeps



Princeps multorum populorum,  
 Princeps innumerabilium uirtu-  
 tum, Princeps consilij, clementiæ,  
 fortitudinis, iustitiæ, continentiæ,  
 pietatis, grauitatis, religionis, san-  
 ctimonie: magnus natalium splen-  
 dore, maior gestarum à se rerum  
 gloria, maximus omnis generis  
 uirtutum excellentia.

Hic itaque tantus Rex, neque  
 magis aliorum, quàm suipsius  
 & suarum affectionum Rex, Prin-  
 cept, moderator, omnium ma-  
 ximus in Israël, in populo Chri-  
 stiano, qui uerus est Israël, non  
 secundum carnem, sed secundum  
 promissionem, cecidit hodie. Et Rom. 9.  
 uenit illud, quod ab eodem hoc  
 Iesu Syrach dictum est: Rex ho-  
 die est, & cras morietur. Eccle. 10.

Cum

SERMO SAMVELIS

Cum enim homo morietur, hære-  
 ditabit serpentes, bestias, & uer-  
 mes? Vbi nunc maiestas eius? ubi  
 splendor? ubi gloria? Gloria eius,  
*1. Mach. 2.* sicut scriptum est, stercus et uermis  
 est. Hodie extollitur, & cras non  
 inuenietur, quia conuersus est in  
 terram suam. Ecce gloria Regum,  
 quatenus ad ea quæ sunt externa,  
 spectat. Ecce splendor Principum,  
*LUC. 12.* ecce pompa magnatum, Sicut fœ-  
 num quod hodie est in agro, &  
 cras in clibanum mittitur. Sed est  
 alia uirtutum gloria, de qua scri-  
 ptum est: Semen eorum & gloria  
 eorum non derelinquetur: Cor-  
*1. Mach. 2.* pora ipsorum in pace sepulta sunt,  
*Ecc. 4.4.* & nomen eorum uiuet in genera-  
 tionem & generationem. Sapien-  
 tiam eorum narrent populi, &  
 laudem

laudem eorū nunciet Ecclesia. De  
 hac gloria, de laude sancti Regis  
 nostri dicturus, hesternæ diei Epi-  
 stolam enarrandam sumpsi. Quæ  
 cum in memoriam sancti Marty-  
 ris Christophori lecta sit, recte ad  
 hunc nostrum accommodari po-  
 test: qui memor membra sua tem-  
 plum esse Spiritus sancti, quem ha-  
 beret à Deo, seque nō esse suum, sed  
 emptum precio magno: quod di- <sup>2. Cor. 6.</sup>  
 uum Christophorum fecisse legi-  
 mus, glorificabat & portabat De-  
 um in corpore suo: portabat Chri-  
 stum in mente sua, ut & ipse Chri-  
 stophorus recte uocari potuerit:  
 nō quod manibus aliquando suis  
 Christū gestauerit, sed quod nun-  
 quam illum ex animo suo elabi pas-  
 sus sit. Sed iam ipsum Iesum filium  
 Syrach

SERMO SAMVELIS

Thema-  
tis decla-  
ratio.

Syrach dicentem audiamus: Beatus, inquit, dives, qui inuentus est sine macula. Beati esse uolunt omnes, quid autem sit beatos esse, nesciunt omnes: ne inter ipsos quidem Philosophos, in quo beatitudo uera cōsisteret, conueniebat. Alij in corporis, alij in fortunæ, alij in animi bonis beatitudinem collocabant. Hinc sanctus David: Beatum, inquit, dixerūt populum cui hæc sunt, nimirum salus & incolumitas, diuitiæ & abundantia: At beatus, inquit, ille populus, cuius Dominus Deus eius. Beatum dicit David, non qui corporis, non qui fortunæ bonis abundat, sed qui detrimentum hæc omnia facit, & arbitrat ut stercora, dum Christum lucri faciat.

Psal. 143.  
Phil. 3.

Hoc

Hoc beatitudinis genere, Rex <sup>Bona</sup>  
 noster Sigismūduſ imprimis fuit <sup>corporis</sup>  
 beatus. Sed neq; cætera illi defue- <sup>& fortu-</sup>  
 runt, uel corporis, uel fortunæ, uel <sup>næ.</sup>  
 animi bona. Vidistis omnes quæ  
 fuerit corporis in eo plus quam  
 Heroica species, procul etiam Prin-  
 cipem ostentans, quæ proceritas,  
 quæ Regia oris dignitas. Vidistis  
 faciem, sic ex amabili quadam ue-  
 nustate pariter ac Maiestate tem-  
 peratam, ut neq; gratia minueret  
 reuerentiam, neq; dignitas office-  
 ret gratiæ. Vidistis talem oris ha-  
 bitum, qualem & hostes formida-  
 re, & uereri possent improbi; bo-  
 ni uero non possent non amare.  
 Sic augustum, ut nihil amabilius:  
 sic rursus amabilem, ut nihil esset  
 augustius. Vt sileam interim istos  
 C humeros,

SERMO SAMVELIS

humeros, ista latera, uires istas & robur, quibusuis Principe dignis muneribus obeundis par. Non illum frigus, non æstus offendebat, cum esset ualetudine quoq; firma satis, quoad ætas ferre potuit. Nam cum ad octogesimū annum propius accessisset, nihil iam restabat amplius, q̄ labor & dolor, itaq; nihil ei defuit in corporis bonis.

*Psal. 89.*

*Nobilitas Generis.*

Sed & fortuitis illis abundabat, inter quæ præcipuum habetur excelso loco natū esse: Quo nomine quid esse potuit Rege nostro beatius? qui Rex ipse, Regis fuit filius, quatuor Regum nepos, trium Regum frater, Regis & Reginae patruus, Regis socer, Regis & Reginae pater, Reginae magnus patruus: ut siue sursum uertas oculos,  
siue

siue deorsum, siue in quamcunque  
 partem flectas, nihil nisi Reges uis  
 deas. Nam & paternum & ma-  
 ternum genus à Regibus duxit.  
 Pater eius Cazimirus Rex fuit,  
 Vladislai Jagellonis Regis filius.  
 Mater Elisabetha Alberti Rom.  
 Hungariæ & Bohemiæ Regis fi-  
 lia, Archiducis Austriæ. Atque ita  
 utroq; auo Rege prognatus est.  
 Patruū habuit Vladislaum, Hun-  
 garia & Poloniæ Regem: Auun-  
 culum Ladislaum, Hungariæ &  
 Bohemiæ Regem: fratres Reges  
 tres: Vladislaum Hungariæ &  
 Bohemiæ, Ioannem Albertum &  
 Alexandrum Poloniæ: Nepotem  
 ex fratre Ludouicum Hungariæ  
 & Bohemiæ: neptem ex eodem  
 Annam Ferdinandi Rom. Hun-  
 C ij garia

SERMO SAMVELIS

garię & Bohemię Regis uxorem,  
 Generũ Ioannem Hungarię Re-  
 gem, cui filiam suam Isabellam col-  
 locauerat, cuius etiam antea foro-  
 rem uxorem duxerat: Proneptem  
 Elizabetam Polonię Reginam,  
 quę filio eius huic Regi nostro nu-  
 pserat, Ferdinandi Romanorum,  
 & c. Regis filiam. Habuit præ-  
 terea fratrem Fridericum Cardi-  
 nalem, & alium Cazimirum, pro-  
 pter insignem uitę sanctimoniam  
 in diuorum numerũ relatum, qui  
 hodie quoq; multis clarus est mi-  
 raculis: Adeo, ut ipsos etiam coeli-  
 tes arcta sibi necessitudine coniun-  
 ctos habuerit. Nam & ex mater-  
 no genere qui primus fuit Austrig  
 Dux, is primus Christianã fidem  
 professus, si Raphaëli Volaterra-  
 no



no credimus, Martyrij coronam accepit. Diuus quoque Leopoldus Austriae Dux, in diuorum album ascriptus, multa & ipse ædidi miracula. His ergo prognatus est maioribus, non generis magis nobilitate, quam uitæ morumque sanctitate claris. Nam & Auus Vladislaus quanto studio Christiana fide Lituanos, Idolis deditos, imbuendos curauerit, annales nostri loquuntur. Non erubuit uere Rex Christianissimus, ipsa etiam fidei rudimenta ex præscripto sacerdotum docere, apud quos interpretis officio fungi non putabat indecorum. Sorores habuit septem, quarum quæ maxima fuit natus, Heduigis, Georgio Duci Bauariæ, cognomento Diuiti, nupsit, Cuius

Vladislaus auus quintus fuit Rex.

C iij filia

SERMO SAMVELIS

filia Elizabeth, Ruperto Philippi  
 Palatini Rheni Electoris filio col-  
 locata est, ex qua duo filij prognati  
 sunt, Philippus & Otto Henricus,  
 qui fuit hic. Proxima Zophia  
 Friderico Brandenburgēsi Mar-  
 chioni in Matrimonium data est,  
 ex qua octo filij processerunt, Cas-  
 zimirus, cuius hic filius adest: Al-  
 bertus iunior, Georgius, Alber-  
 tus, quem præsentem uidetis, in  
 Prussia Dux: Ioannes, Fridericus,  
 Guilielmus Archiepiscopus Ri-  
 gensis, Ioannes Albertus, Gum-  
 bertus, filiaë quinque. Duæ uero  
 Elizabethæ uirgines decesserunt.  
 Quinta Anna Boguslao Duci Po-  
 meranię, ex quo tres filios, totidem  
 suscepit filias. Sexta Barbara, Ge-  
 orgio Saxonix Duci, ex qua tres  
 filij

filiū nati sunt, filię quinque: Septima  
 Elizabeth Friderico nupsit Duci  
 Lignicēsi. Habuit etiam ex priore  
 uxore filiam Heduigim, quæ con-  
 nubio iuncta est Ioachimo Mar-  
 chioni Brandenburgēsi Electori.  
 Atque ita præter etiā Imp. & Rom.  
 Regiam Maiestates, qui nullum  
 in terris habuerunt hoc Rege sibi  
 genere propinquiorē, nec in Ger-  
 mania Dux fere fuit aliquis insi-  
 gnis, quem non arcta sibi habue-  
 rit affinitate copulatum. His na-  
 talibus quid esse potuit illustrius?  
 quid hoc genere fœcundius? ex  
 quo, tanquā ex equo Troiano, tot  
 Reges & Principes prodierunt.  
 Quod si, ubi amici ibi opes, quid  
 esse potuit opulētius hoc Rege: tot  
 amicis tam potentibus circūsepto:

C iiii Sed

SERMO SAMVELIS

Diuitiæ. Sed neq̄ illæ opes ei defuerunt,  
 quæ diuitiæ uocantur. Scimus em̄  
 qui fuerit status Regū nostrorum  
 ante hunc: Non modo nullas opes  
 habebant recōditas, uerum etiam  
 perexigua fuit Regni portio, quæ  
 non ab alijs possideretur: cum  
 per eos, qui ante hunc ad Regni  
 gubernacula sedebant, tot Castra,  
 tot Oppida, tot Prædia pignori  
 obligata fuerint. Simul ut uero no-  
 ster hic Rex fuit designatus, unius  
 aut alterius anni interuallo cente-  
 na millia aliquot dissoluit, bona li-  
 berauit, pecuniæ tantum collegit,  
 quantum uix ullum unq̄ Polo-  
 niæ Regem habuisse cōstat. Quod  
 ego in laudibus eius recensere, &  
 in beatitudinis parte numerare nō  
 auderem, nisi beatū diuitem à Sa-  
 piente

piente dictum legerem. Nec enim  
 existimare debetis, malas esse diui- *1. Tim. 4*  
 tias, cū omnis creatura Dei bona  
 sit: sed qualis est usus earum, tales  
 sunt. Hoc est quod dicit Ambro-  
 sius, diuitie hominis ad redemptio-  
 nem anime debent proficere, non  
 ad destructionem. Et thesaurus est  
 redemptio, si quis eo bene utatur:  
 Et iterū laqueus est, si quis uti ne-  
 sciat. Sed uideamus qualem di-  
 uitem beatus Iesus Syrach: *Eccl. 31.*  
 Beatus, inquit, diues. Nunquid  
 omnis diues? Minime uero, sed *Diues*  
 qui inuentus est sine macula, qui *sine ma-*  
 post aurum nō abh̄t, qui non spe- *cula.*  
 rauit in pecunia. Primum ergo ut  
 sit beatus diues, requiritur, ut ha-  
 beat diuitias bene partas, deinde  
 ut possideat diuitias, non possidea-

SERMO SAMVELIS

tur ab illis: postremo, ut ne spem  
 in illis collocet. Primū illud ualde  
 difficile est, ut sit diues aliquis, &  
 inueniatur sine macula: ut nō dolo  
 aut fraude partas, ut nō ex rapina  
 & ex oppressione pauperum que-  
 sitas opes habeat. Hoc est quod in  
 eodem libro legitur: Si diues fue-  
 ris, non eris immunis a delicto.

*Eccle. 11.*

*Luce 16.*

Hoc est quod Christus uocat diui-  
 tias, Mammonā iniquitatis. Hoc  
 est quod dicit Hier. Diues aut ini-  
 quus, aut iniqui hæres. Quod si cui  
 hæc fœlicitas contigit, ut diues in-  
 ueniatur sine macula, sine fraude,  
 sine rapina, sine oppressione, non-  
 dum is beatus est: Necessè est præ-  
 terea, ut ipse post aurū non abeat,  
 sed aurū potius abeat post ipsum:  
 hoc est, ut ipse dominet auro, non

Post au-  
 rum non  
 abiit.

aurum

aurū ipsi: ne ppter aurū, quæ crea-  
tura dei est, relinquat creatorē, sed  
propter creatorē potius si necessis-  
tas postulat, relinquat aurū. Hoc  
quoq; p̄ difficile est. Nā qui uolunt <sup>1. Tim. 6.</sup>  
diuites fieri, incidūt in tentationē,  
& in laqueū Diaboli, & desideria  
multa & inutilia & nociua: quæ  
mergūt homines in interitū & per-  
ditionē. Radix em̄ omnium malo-  
rum est cupiditas. Neq; sine causa  
Poëta exclamauit:

*Quid non mortalia pectora cogis,  
Auri sacra fames?*

*Verg.*

Sed neq; tertium illud minus est  
difficile, non sperare in pecunia  
& thesauris. Vbi est thesaurus tu-  
us, dicit Christus, ibi est cor tuum. <sup>Matth. 6.</sup>  
Timotheum monet Apostolus: <sup>1. Tim. 1.</sup>  
Diuitibus p̄cipe non sublime sa-  
pere neq; sperare in incerto diuitia-  
rum,

SERMO SAMVELIS

rum, sicut sperabat diues ille, qui  
**LUCA 12.** dixit: Anima habes multa bona  
posita in annos plurimos, requie-  
sce, comede, bibe, epulare. Dixit  
autem illi Deus: Stulte hac nocte  
animam tuam repetent à te: quæ  
autem parasti cuius erunt? De ta-  
**LUCA 18.** libus diuitibus dixit Christus:  
Quàm difficile qui pecunias ha-  
bent, in regnum Dei introibunt:  
facilius est enim camelum per fo-  
ramen acus introire, quàm diuitem  
introire in Regnū Dei. Ac ne quis  
de omnibus habentibus pecunias  
id esse dictum putaret, alio loco,  
**MAT. 10.** quid uelit his uerbis explicat dicēs:  
Quam difficile est confidentes in  
pecunia, in Regnum Dei introire.  
Non omnis ergo diues à Re-  
gno Dei excluditur, sicut non om-  
nis



nis diues beatus dicitur : sed is tan-  
 tum, qui inuentus est sine macula,  
 qui post aurum non abiit, qui non  
 sperauit in pecunia. Talis autē di-  
 ues difficulter inuenitur. Quare  
 dicit Iesus Syrach : Quis est hic, & Prov. 10.  
 laudabimus eū. Quis est hic, cuius  
 substantia nō sit urbs fortitudinis  
 eius? Quis est hic, qui cum beato  
 Iob gloriari possit, quod non pu- Iob. 31.  
 tauerit aurū robur suū, quod nō di-  
 xerit : Obrizo, fiducia mea? Quis  
 est hic, & laudabimus eum? fecit  
 enim mirabilia in uita sua. Quam  
 est admirabile in igne uersari, &  
 igne non uri: tam est illud admi-  
 rabile, auro abundare, neq; uel ma-  
 lis artibus id adeptum esse, uel à re-  
 cto illius causa non deflectere, uel  
 fiduciam in illo suam non colloca-  
 re.

SERMO SÁMVELIS

Rex iste re. At de nostro Rege confidens  
 sine ma- ter dicere possumus, q̄ talis diues  
 cula di- fuerit uere beatus. Nam si quisq̄ di  
 ues. uitū, ille prę ceteris inuētus est sine  
 macula. Audiuistis in his, quę pro-  
 xime habita sunt, Comitij, eū Sa-  
 muelis uerbis uos alloquentē. Me-  
 ministis quę dixerit, presente Chris-  
 sto hoc Dei filio suo Rege nostro.  
 Nōne hęc illius fuit oratio? Loqui-  
 mini de me corā domino et coram  
 Christo eius, utrū bouē cuiusq̄ tu-  
 lerim, aut asinū: si quempiā calum-  
 niatus sum, si oppressi aliquē, si de  
 manu cuiusq̄ munus accepi: & cō-  
 temnam illud hodie, restituamq̄  
 uobis. Nonne taciti omnes assensi  
 estis, q̄ nihil eiusmodi fecerit? Nō-  
 ne testatus est ille Deum & Chri-  
 stum hunc eius in die illa, q̄ nō in-  
 ueneritis

1. Reg. 12.

ueneritis in manu eius quippiam:  
 Fuit Rex optimus, innocēs mani-  
 bus, & mūdo corde. Tantumq̄ ab <sup>Psal. 136</sup>  
 eo abfuit, ut alieni sibi quicq̄ usur-  
 paret, ut de suo cederet potius. Nā  
 quo fuit potentior, hoc diligentius  
 cauebat, ne quid per potentiam fe-  
 cisse uideretur: Nō modo ab iniu-  
 ria, uerū etiam ab omni specie in-  
 iurię abstinebat, memor eius quod  
 scriptum est: Ab omni specie mala <sup>1. Thes. 5.</sup>  
 uos abstinete. Itaq̄ cum nullo  
 mortalium gratior & iucundior  
 fuit, q̄ cum illo uicinitas. Ipse sub-  
 mouebatur potius, q̄ ut submoue-  
 ret quenq̄. Adeo ferre iniuriam  
 Regiū esse magis existimabat, q̄  
 facere. Inuentus est ergo iste diues  
 sine macula. Sed neque post au-  
 rum abiit, sed aurum potius post  
 ipsum. Ipse auro, non ipsi aurum

SERMO SAMVELIS

imperabat. Quodq; scriptum est,  
*Eccle. 10.* Pecuniæ obediunt omnia, in ipso  
 locum non habebat. Quin ipsi po-  
 tius obediebat pecunia, cum sem-  
 per illius loci memor esset: Diuitiæ  
 si affluant, nolite cor apponere.  
*Psal. 61.* Oblata  
 sibi Re- Itaq; ultro etiam oblatas sibi di-  
 gna recu- uitias respuebat. Quæ Regna ma-  
 fauit. gis abundant auro & argento, q̄  
 Hungariæ Regnum & Suetiæ:  
 utrunque tamen sibi delatum, itis-  
 dem ut & Bohemiæ Regnum re-  
 pudiauit, usq; eo fuit ab omni cu-  
 piditate remotus. Tanto magis di-  
 ues, quāto minus appetebat. Non  
 abiit ergo post aurū, sed neq; spe-  
 ravit in pecunia & thesauris. So-  
 nabat enim subinde in auribus  
*Matth. 6.* eius uox illa Christi: Nolite the-  
 saurizare uobis thesauros in terra,  
 ubi

ubi erugo & tinea demoliuntur,  
 & ubi fures effodiunt et furantur:  
 thesaurizate autem uobis thesau-  
 ros in cœlo, ubi neq[ue] erugo, neque  
 tinea demoliuntur, & ubi fures  
 non effodiunt nec furantur.

Omnem ergo fiduciam suam,  
 non in incerto diuitiarum, sed in  
 Deo uiuo collocabat, qui præstat  
 nobis omnia abunde. Memor illi-  
 us Prophetici: Beatus uir qui con- Hiere. 17  
 fidit in Domino, & erit Dominus  
 fiducia eius. Quare studebat esse di-  
 ues in bonis operibus, facile tri-  
 buebat, communicabat necessitas-  
 tibus sanctorum. Ideo nunc eius  
 Eleemosynas enarrat omnis Ec-  
 clesia sanctorum. Multa in templa Orna-  
 Dei ornanda, instauranda, nona menta  
 etiam ædificanda, multa in mini- Ecclesia-  
 stros rum.

SERMO SAMVELIS

stros eorū conferebat. Non longe  
 abire necesse est. Sacellum hoc in  
 proximo uidatis, quanto sumptu  
 exædificatum, deinde quanta cura  
 prouisum est ministris, ut pie Deū  
 in illo colerent. Quid dicam de Ec-  
 clesia Cathedrali Vilnæ: quæ cum  
 proxime cōflagrasset, ipsius opera  
 potissimum, & pecunia denuo est  
 exædificata: Vt interim alia tem-  
 pla silentio præteream, quæ ille si  
 non extruxit, ut extruerentur, uel  
 pecuniæ partem, uel materiam ta-  
 men suppeditando, adiuuit. Neq̃  
 uero minorem uiuorum Dei tem-  
 plorum curam gessit. Nam & in  
 ministros Dei sacerdotes, & in  
 pauperes quosuis, qua fuerit libe-  
 ralitate, scitis.

Interea tamen euenit illi, quod  
 scriptum

scriptum est : Alij diuidunt pro-  
 pria, & ditiores fiunt : Alij rapiunt PROV. 11.  
 nō sua, & semper in egestate sunt.  
 Sicut enim apud uicinos factum  
 uidetis, qui plurima rapuerunt  
 non sua, qui templa spoliauerunt,  
 qui ministros Dei suis fructibus  
 fraudauerunt, eos ad summam  
 tandem egestatem recidisse.

Sic contra noster hic, quo fuit li-  
 beralior in Ecclesias & earum mi-  
 nistros, quo plura tribuebat egen-  
 tibus, hoc abundabat magis, hoc  
 maiores opes reliquit. Adeo ue-  
 rum illud est : Foeneratur Domi- PROV. 19.  
 no, qui miseretur pauperis, & ui-  
 cissitudinem suam reddet illi.

Sed reliqua lectionis huius ui- Sancti  
 quidam  
 diuites.  
 deamus. Qui probatus est, inquit,  
 in illo ; intellige in auro, Diuitiæ

D n̄ enim

SERMO SAMVELIS

enim & potentia, dicit recte quidam, quamuis Ethnicus, certissimum faciunt morum experimentum: Aut enim meliores propter hæc, aut peiores sumus. Quod em̄ index auro, hoc aurum est homini. Illud enim indicat qualis quisque sit. Sic probati sunt in auro Melchizedech Rex, Abraham, Isaac, Iacob, Ioseph, David, & perfecti inuenti sunt. Sic post Christum quoq; natum, sancti Reges nonnulli probati sunt. Et inter alios Rex hic noster Sigismundus probatus est in auro, & perfectus inuentus est, uicit aurum, non est uisctus ab auro. Et erit illi gloria eterna. Hoc præmium accipiet, uel accepit iam. Audiuisse enim eum speramus iucundam illam uocem, &  
 omnibus



omnibus expetendam: Euge serue Matth. 25.

bone & fidelis, quia supra pauca fuisti fidelis, supra multa te constituam: intra in gaudium Domini tui. Sequitur in contextu: Qui

potuit transgredi, & nō est transgressus. Et quasi exponens quid sit transgredi, subiungit: Facere ma-

Qui potuit facere mala & non fecit.

la, & non fecit. His uerbis clarius etiam explicat Iesus Syrach, quomodo diues in auro probatus & perfectus inuentus sit. Nemo enim transgrediendi potestatem habet maiorem, quā qui diues, qui potens est, cui fluunt ad uoluntatem omnia. Pauper si uelit nō perinde transgredi potest, neq; enim parem habet facultatem: non desunt qui libere admoneant, qui prohibeant, qui metu etiam iniecto in

D iij officio

SERMO SAMVELIS

officio contineant, ut si minus uirtutis amore, saltem pœnæ formidine à peccato arceatur. Propterea pauperiam Augustinus Philosophiæ magistram uocat, Chrysostomus uero quandam esse dicit manu ductionem in uiam, quæ ducit ad cælum: Vnctionē Athleticā, exercitationem magnam & admirabilem, portū tranquillum. Opes *Ouid.* contra recte quidam uocauit irrita-  
*Eze. 16.* menta malorū. Nam & Sodomæ non alia memoratur iniquitas, nisi superbia, saturitas panis, & abundantia, & ocium. Neq; sine causa Poëtæ Plurū cæcum sinxerūt, non solum quod citra discrimen diuitiæ dignis contingūt aut indignis, uerum etiam quod quibus contigerunt, eos cæcos reddunt ac plæ-  
 runq;

runcq̄ dementant: accedente præ-  
 fertim turba assentatorum, qui ex  
 stultis insanos faciunt, qui ad gra-  
 tiam omnia loquuntur. Quorum  
 hæ nonnunquam uoces audiun-  
 tur, Licere Principi quod libet,  
 Esse Principem solutum legibus,  
 Quod Principi placuit uigorē le-  
 gis obtinere. Magna hæc est ma-  
 gnorum uirorū infœlicitas, quod  
 non fere ueritatem audiunt. Vnde  
 quidam dixisse fertur, Diuitum &  
 Regum filios nihil recte discere,  
 nisi equitare. Nam siue literas, siue  
 palæstram, siue quicquid aliud do-  
 ceantur, assentari omnes, cedere ac  
 submittere se, solum equum non  
 intelligentem priuatus ne sit sessor  
 an Rex, diues an pauper præcipi-  
 tare, si quis artem equitadi nesciat.

**Cæterum**

SERMO SAMVELIS

Cæterū quo difficilius est diuitem, & qui cum Imperio uersatur non transgredi, hoc est præclarus. Recte ergo beatū uocat Iesus Syrach diuitem, qui potuit transgredi, & non est transgressus, hoc est, facere mala, & non fecit. Nam uitium in transgressione, uirtus est in modo. Sicut enim sanum dicimus corpus, in quo temperatæ sunt qualitates, ut neq; frigus, neq; calor, neq; siccum excedat, aut humidum. Si quid autem horū transgreditur, morbum uocamus: Ita est sanitas quædam animi, quæ uirtus dicitur, quæ in mediocritate consistit, ubi temperatæ sunt affectiones. Est rursus morbus, qui uitium in transgressione, quæ nihil aliud est, quam declinatio uel in dextram

dextram uel in sinistram. Hoc est quod per Moysen præcipit *Deut. 5.* Deus: Via Regia ambulabis, & non declinabis, neq; ad dextram neq; ad sinistram. Via Regia temperata est, nec plus in se habens nec minus. Verbi gratia. Via Regia prudentia est: ad dextram declinat, qui plus sapit q̄ oportet: ad sinistram, qui minus quam necesse est. Transgreditur uterq; transgrediendo peccat. Via Regia incedit, qui modum seruat, qui sicut Paulus admonet, sapit ad sobrietatem. *Rom. 12.* Rex hic noster potuit transgredi, & nō est transgressus, non declinavit ad dextram, cum sciret scriptum esse: Noli altum sapere, sed time. Et rursus: Non plus sapias quam necesse est, ne obstupe-

D v scas.

SERMO SAMVELIS

Prudens  
apud se-  
ipsum.

Rom. 12.

Eze. 5.

Ioan. 9.

scas. Re uera si quisquam alius  
hic est grauisissimus animi morbus,  
si quis apud semetipsum prudens  
est, quod prohibuit Paulus dicens:  
Nolite esse prudentes apud uos-  
metipsos. Propheta quoque com-  
minatur talibus: Væ, inquit, qui  
estis sapientes in oculis uestris, &  
coram uobismetipsis prudentes.  
Inde hæreses, inde existunt schis-  
mata, dum se solum quis intellige-  
re, cæteros omnes desipere: sibi  
apertos oculos, cæteros in uniuersum  
cæcos esse putat. Sed audite  
quid dicat eiusmodi Dominus: Si  
cæci (inquit) essetis, non haberetis  
peccatum: nunc uero dicitis, quia  
uidemus, peccatum ergo uestrum  
manet. Quæ, malum, ista est cæci-  
tas mentis, cæteros omnes cæcita-  
tis

tis condemnare, sibi soli apertos  
 esse oculos existimare? Vnde Male  
aperti  
oculi.  
 autem ea oritur, nisi ex inobediens  
 tia? Sic primi parentes nostri,  
 postquam ab obedientia Dei re-  
 cesserunt, & de uetito ligno scien-  
 tiæ gustauerunt, dicit scriptura,  
 quod aperti sunt oculi eorum. Sic  
 & Ionathæ, cum contra sui patris 1. Reg. 14  
 interdictum de melle gustasset,  
 illuminati sunt oculi eius. Sed  
 uæ illis, quibus ad hunc modum  
 aperiuntur & illuminantur oculi.  
 Per hanc enim illuminationem  
 & Adam è Paradyso eiectus, &  
 Ionathas Regni successione priuas  
 tus est. Caueant ergo sibi, qui  
 ab Ecclesiæ obedientia cum re-  
 cesserint, apertos sibi esse oculos  
 gloriantur.

Irenæus

SERMO SAMVELIS

*Gene. 2.* Irenæus illum *Gene.* locum explicans: Ex omni ligno Parady si comedere, de ligno autem scientiæ boni et mali ne comedas: Ab omni (inquit) scriptura Dominica manducate, super elato autem sensu ne manducaueritis, ne uelitis esse sicut

*Eze. 14.* dñi, ne uelitis esse similes altissimo, sicut ille qui propterea de cælo deturbatus est. Ne uelitis solis uobis uerum scripturarum intellectum arrogare: Quæ bonæ quidē sunt, sed elatus sensus malus est. Elatus autem sensus, est sensus privatus, sensus singularis, sensus ab Ecclesiæ sensu dissidens, quando suum quis non Ecclesiæ spiritum sequitur, cuiusmodi Dominus comminatur, dicens: Væ Prophetis insipientibus, qui sequuntur spiritum suum,

Sapientia quæ dā mala.

*Eze. 13.*



suam, & nihil uident. Fugite per  
 Deum immortalem, fugite talem  
 sapientiam, quæ non est desursum  
 descendens, sed terrena, animalis,  
 Diabolica. Quis enim fructus eius *IACO. 3.*  
 nisi zelus amarus, nisi contentio,  
 cum ea quæ desursum est sapientia,  
 primū pudica sit, deinde pacifica,  
 modesta, suadibilis, bonis consensu  
 tiens, plena misericordiæ & fructi  
 bus bonis. Hanc diuus Rex noster  
 amplexus est, huic nitebatur. Non  
 est exaltatum cor eius, neq; elati *Psal. 130.*  
 sunt oculi eius: Non ambulabat in *Eccles. 3.*  
 magnis, neq; in mirabilibus super  
 se. Altiora se nō querebat, fortiora  
 se non est scrutatus. Non erat inter *Rom. 12.*  
 alta sapientes, uerum inter humi  
 libus consentientes: In captiuita- *2. Cor. 10.*  
 tem redigebat intellectum suum, in  
 obsequium

SERMO SAMVELIS

obsequiū Christi, & corporis eius  
 Ecclesiæ. Atq; ita non declinabat  
 in dextrā, ut saperet plus q̄ oportet  
 sapere: sed nec in sinistram declina-  
 bat, ut minus saperet q̄ necesse est,  
 et imprudētia peccaret, quod fit ab  
 ijs, qui temere agūt et præcipitāter.  
 Cum puer esset, sancte fuit à parētī  
 bus educatus, neq; leniter sacris bi-  
 blijs imbutus, & in Salomonis ac  
 Iesu Syrach scriptis diligēter v̄sa-  
 tus. Ibi legerat ante omnē actum:  
 Cōsiliū stabile præcedat. Via stulti  
 recta in oculis eius, qui aut sapiens  
 est, audit consilia. Qui agūt cuncta  
 cōsilio, regūtur sapientia: salus, ubi  
 multa consilia. Talibus præceptis  
 puer imbutus, quoniā nō priuatā,  
 sed publicā totius Regni se perso-  
 nam sustinere intelligebat, ut neq;  
 recte

Eccle. 37.

Pro. 12. et

13.

Pro. 11.

recte facere, nisi publico omnium bono: neque peccare, nisi publico omnium malo posset, non ulla de re sine consilio Senatorum quicquam statuebat, quin etiam leuissima de re questus, non nisi deliberatus respondebat. Memor eius quod scriptum est: Sit autem omnis homo uelox ad audiendum, & tardus ad loquendum, tardus ad iram. Quare sermones ad mensuram proferebat, examinatos libra iustitiae, ut esset in sensu grauitas, in sermone pondus, in uerbis modus. Videtis ergo, quomodo prudenter & sapienter omnia faciendo, Rex noster transgressus non est, quomodo uia regia incessit, non declinando in dextram, ut plus quam oportet sciret: neque in sinistram, ut minus scire uideretur, precipitanter aliquid agendo.

Nunc

SERMO SAMVELIS

Forti-  
tudo filia  
pruden-  
tia.

Eze. 11.

Nunc ad filiam prudentiæ forti-  
tudinem ueniamus . Nam quæ  
prudentia destituta est fortitudo,  
ea nomen fortitudinis non mere-  
tur . Propterea Propheta iungit  
hæc duo, spiritum consilij & fortis-  
tudinis. Destruitur enim (ut sancti  
illius uerbis utar) fortitudo, nisi  
per consilium fulciatur . Quia quo  
se plus posse conspicit, eo deterius  
sine moderatione in præceps ruit.  
Est ergo uia Regia fortitudo quo-  
que: Declinat ad dextram, qui re-  
merarius est & audax: ad sinistra, qui  
pauidus est & formidolosus.  
Diuiditur autem fortitudo in  
res bellicas & domesticas. Vtraque  
clarus fuit Rex noster. Bellica for-  
titudino quanta in illo fuerit tot uis-  
toriarum declarant, quas insignes de  
suis

suis hostibus reportauit. Fuit enim animo imperterritito, ut quoties necessitas postularet, obijcere periculis uitam suam non dubitaret. Atque ita in sinistram non declinabat: Multo minus autem in dexteram, nulla enim a re magis fuit quam a temeritate remotus. Pacis enim & tranquillitatis studiosus, propulsabat magis bellum quam inferebat, neque nisi necessitate compulsus, bella suscipiebat, quod quanta mala secum traheret non ignorabat, neque aliud in suscipiendo bello, quam pacem quaerebat. Non ille sui fiducia peccabat, quam praesumptionem uocant, multo minus pusillanimitate. Sed magno quodam & excelso cum esset animo, nulli

Pacis  
amator.

E neque

SERMO SAMVELIS

neq; homini, neq; perturbationi  
 animi, neq; fortunæ succūbebat.  
 Non metu frangebatur, nō pote-  
 state mutabatur, nō extollebatur  
 prosperis, nō mergebatur tristi-  
 bus. Idem in illo uultus, eadē sem-  
 per frons apparebat, cum nulla  
 mētis, qua uultus fingitur, fieret  
 mutatio. Philosophorū quorun-  
 dam est sentētia, Sapiētis animū  
 talem esse, qualis est supra lunam  
 mundi status, semper illic fere-  
 num est, nullæ apparent nebule,  
 nullæ pluuiæ, nullæ tempesta-  
 tes; talis erat animus Regis no-  
 stri, in quem nullæ propemo-  
 dum perturbationes cadere uisæ  
 sunt, ut non uerbo magis dicere-  
 tur, quam esset re ipsa Serenissi-  
 mus. Nam non modo tranquil-  
 lus

Serenissi-  
 mus.

lus ipse fuit, uerum etiam tranquillabat & serenabat omnia, nō suo modo in Regno, uerum & in alijs, ubicunque ciuile bellum excitari cognouerat, sedare pro uirili conabatur. Quanto labore, quāto sumptu suo, de Regno Rex pacificus. Hungariæ inter se armis disceptantes, Ferdinandum & Ioannem Reges, in gratiam reducere nitabatur? Quanto studio contendeat, ut inter Imperatorem & Galliarum ac Daniæ Reges, pacem conciliaret?

De sedanda uero seditione nuper in Germania coorta, credibile non est, quā sollicitus fuerit. Nec sumptibus parcebat ullis, quoties id aut Christianæ Reipublicæ necessitas, aut Re-

E ij gni

SERMO SAMVELIS

gni sui rationes, aut sua ipsius dignitas postulabat. Testantur hoc impensæ factæ in Legatos, qui de componendis Regibus Christianis, non semel missi fuerunt: & in eos, qui missi ad se essent liberaliter habiti. Testantur effusæ ex fisco pecuniæ in militem in finibus alendum, in sarcienda damna, quæ semel & iterum per latrunculos quosdam ex terris Maiestatis eius Turcis & Tartaris illata fuerunt: In Tartaros muneribus deliniendos, quo eos quasi in sua semper haberet potestate. Testantur soluta militibus stipendia, quæ à Ioanne Alberto & Alexandro fratribus debeban-

Dotes. tur. Dotes quatuor sororibus numeratæ, quæ à fratribus promissæ,



missis x, necque tamen missę fuerant, Filiabus uero duabus, quibus que Paraphernorum nomine addita fuere, dotem etiam propemodum superabant. Testantur tot insane substructiones in hoc Cracouiensi, in Vilenensi, in Sandomiriensi, in Camenecensi, Leopoliensi, Corcinenſi Castro, & alijs in multis locis: Nullus ut uno hoc in Polonia Regno fuisse Rex magnificentior uideatur. Quod quidem per hunc potissimum illustratū est, & celebrius factum, quam fuit unquam antea. Ipse splendorem in hoc Regnum, ipse politiam primus inuexit, cum inter barbaros antea numerati fuissimus. Fuit ergo Rex noster magno & excelso animo in rerum

Magnificę Itructurę.

D in externa

E

SERMO SAMVELIS

Patien-  
tia Regis

Ioan. 16.

Psal. 90.

Ephes. 6.

externarum despicientia, sed non minore in perferendis doloribus, & aduersis tolerandis, quibus nequaquã animus eius frangebatur. Nam siue à Deo immittebantur aliqua, ut morbi & grauissimi totius corporis cruciatus, quos sæpe sustinebat: non sine quadam admiratione, beati Iob in eo patientiã uidere licuit, non modo murmurare contra Deum auditus non est, sed ne uerbum quidem asperius contra quenquam aliquid proferre usus est. Siue etiam Satanæ insidijs tentaretur, forti atque infracto animo confisus in eo qui uicit mundum, qui conculcauit Leonem & Draconem: omnia tela nequissimi ignea, scuto fidei pro uirili

uirili sua extinguere conatus est,  
 Deo conatum eius adiuuante.  
 Siue homines etiam aliquando  
 persequerentur maledictis, iniu-  
 rijs, contumelijs incesserent,  
 non alio animo tulit hæc, quàm  
 tulerat olim Dauid, Semei sibi <sup>2. R. eg. 16</sup>  
 maledicentē, memor illius quod  
 scriptum est: Melior est patiens <sup>Prou. 16.</sup>  
 uiro forti: & qui dominatur ani-  
 mo suo, expugnatore urbiū. Re-  
 cti se conscientia consolabatur,  
 neque aliud maius & honestius  
 uindictæ genus esse persuasum  
 habebat, quàm ignoscere. Quod  
 in magni cuiusdam Imperatoris  
 laudibus positum acceperat, eum  
 obliuisci nihil solere nisi iniu-  
 rias: id ipse ita imitabatur,  
 ut etiam superior euadere co-

B iij naretur.

SERMO SAMVELIS

*Matth. 6.* naretur. Nam nō ignoscebat modo, uerum etiam diligebat inimicos suos, iuxta Christi præceptū : Et bene faciebat ihs, qui oderant eum. Non uincebatur à malo, sed uincebat in bono malum. Ac bona pro malis reddendo : Carbo-  
*Rom. 12.* nes ignis cōgerebat super capita persequentium se. Atq; una hac re testatum cunētis faciebat, se filium esse altissimi, qui benignus  
*Luca 6.* est etiam super ingratos & malos. Neq; uero in ihs modo rebus fortitudo eius lucebat, sed cum illud memoria teneret, non qui cœperit, uerum qui perseuerauerit usque in finem, saluus erit :  
*Matth. 10.* summa in eo fuit laus perseuerantiæ. Non ille ut paruulus fluctuabat, neq; circumferebatur omni  
*Eph. 4.* uento

uento doctrinæ : Non erat si- <sup>lac. 1.</sup>  
 milis fluctui maris, qui à uento  
 mouetur et circumfertur, sed cum  
 esset fundatus super petram, nul-  
 læ pluuiæ, nulla flumina, nulli  
 uenti irruentes dimouere eum de <sup>Matth. 7.</sup>  
 recto sensu, deq̄ uera Christi fide  
 potuerunt. Dicebat cum Hie- <sup>In fide</sup>  
 ronymo : Illam fenex tenebo si- <sup>constan-</sup>  
 dem, in qua puer natus sum. Sed <sup>tia.</sup>  
 & alijs omnibus in dictis factisq̄  
 suis, summa fuit constantia. Neq̄  
 transgrediebatur uel ad dextram  
 declinando, ut esset pertinax &  
 p̄fractus, quo uitio nullū potest  
 esse, in Principe p̄sertim, maius  
 uitium : Vel in sinistram, ut esset  
 mollior quàm oporteret. Dabat  
 ille locum rectis consilijs, neque  
 suo iudicio tantū tribuebat, quin

D v cederet

E

SERMO SAMVELIS

cederet cōsentiēti iudicio & uoluntati Senatorum suorum . De quorum cōsilio si quid statuisset, de eo priusquam ad decrepitam senectutem peruenisset, nulla se ratione deduci patiebatur . Fuit ergo fortitudinis quoque laude beatus Rex noster, neque transgressus est, ut uel in dextram uel sinistram declinaret . Est uia Regia temperantia quoque, quam ordinem & modum quendam esse uolunt omnium quæ fiunt, quæq; dicuntur . Hunc ordinem & modum transgreditur, qui uel in dextram declinat, uel in sinistram . In dextram declinat, qui sensum omnem & humanitatem refugit, qui etiam ab ijs abstinet, sine quibus natura cōseruari non potest:

Tempe-  
rantia,

potest: Cum rationabile Paulus Rom. 12.  
obsequium nostrum esse iubeat.

Timotheum etiam hortatur, vt 1. Tim. 6.  
ab aqua abstineat, uino modico

utatur propter stomachum. In  
sinistram, qui nimio plus uolup-

tatibus indulget, siue quæ ex cibo,  
siue quæ ex potu, siue quæ ex re-

bus obscœnis percipiuntur. At  
his quoq; rebus cum transgredi

Rex noster potuerit, transgressus  
tamen non est. Cuius quæ fuerit

verecundia, quanta honestas, me- Honestas uerecundia  
ministis omnes. Non in factis ea

modo, verū etiam in sermone re-  
lucebat, qui nihil indecorum re-

sonabat: nihil scurrile, nihil inep-  
tū, plena fuit grauitatis oratio:

& si cum esset animo remissiore  
à iocis non abstinebat, uerum ijs

eiusmodi,

SERMO SAMVELIS

eiusmodi, qui nihil de eius graui-  
tate prorsus decerperent. Neque  
in oratione modo, sed & in vul-  
tu, in statu, in incessu, in motu etiã,  
corporis decorum illud Regium  
apparebat, vt si quis etiam non  
nouisset, hæc tamen cum uidisset,  
ad Regiam personam sustentan-  
dam à natura factum diceret.

Absti-  
nencia.

Luc. 1.

Abstinencia uero fuit singulari,  
cuius rei argumentum est, quod  
sicut ille in utero sanctificatus, ui-  
num & siceram non bibit. Qua  
tamen in re transgressus non est,  
neq; modum excessit. Non decli-  
nauit in dextrã, ut ad extremum  
usq; a uino abstineret, sed cum  
ingrauescente etate suaderent me-  
dici, ut suę ualetudini consulendo  
uino uteretur, dedit locũ eorum  
consilijs:



consilijs : Sed non ita, ut uel in si-  
 nistram declinaret, & bibendo  
 modum excederet, qui nunquam  
 in uita sua ebrius uisus est. Porro  
 quod ad cibos attinet, minime  
 fuit delicatus. Bis quidem in die,  
 sed non plus tamen quam appe-  
 teret natura, comedebat. Ieiun-  
 ia uero ab Ecclesia indicta, sancte *Ieiunia*  
 obseruabat, non quod cibum ali- *recta.*  
 quem esse immundum iudicaret, *Rom. 14*  
 uel quod regnum Dei escam esse *Tit. 1*  
 & potum putaret : Sciebat ille,  
 quod omnia munda essent mun- *1. Tim. 4*  
 dis, quod omnis creatura Dei bo-  
 na esset, quod esca nos non com-  
 mendat Deo, neque si manducaue- *1. Cor. 8.*  
 rimus, abundabimus : neque si non  
 manducauerimus, deficiemus. Atque  
 ita nihil aliud ieiunando spectabat,  
 quam

SERMO SAMVELIS

quàm ut carnis desideria frenaret. Sine cerere enim & baccho  
*Dan. 9.* friget venus, vt, exemplo Danielis : ad contemplationem Dei & beneficiorum eius, mentem redderet magis idoneam, vt quæ cibo plæruncq; deprimitur, ea per  
*1. Ion. 3.* abstinentiam in sublime tolleretur. Deniq; vt Niniuitarū, vt Samuelis, vt David, vt Esdræ, vt Saræ filiæ Raguelis, vt Iudit, vt  
*1. Reg. 7.* Hester, vt Machabeorū exemplo  
*2. Reg. 12.* Deum peccatis suis irascentē placatum redderet. Didicerat enim  
*1. Esd. 8.* puer, bonam esse orationem cum  
*Tob. 3.* ieiunio & Eleemosyna. Quod em̄ oratio pulsat, impetrat Ieiunium,  
*Iudith. 5.* accipit Eleemosyna : vt sibi inuicem tria hæc uitam dent. Est enim  
*Hester 4.* orationis anima ieiunium, eiunij  
*1. Mach. 3.* vero  
*Tobie. 12.*

vero uita Eleemosyna. Sed hac  
 quoq; in parte non est transgres-  
 sus. Nam cum ualetudo illius id  
 uisa est postulare, de consilio utri-  
 usq; medici, uetitos etiã ab Eccle-  
 sia cibos sumebat: neq; ita anxie  
 ieiunia obseruabat, quin esse dan-  
 dum aliquid necessitati putaret:  
 Extra quam non ea temere unq; *Heb, 13.*  
 uiolabat. Qua cum abstinentia  
 fuerit, nihil mirũ est, si fuit apud *Sap, 3.*  
 eum honorabile connubium, tho-  
 rus immaculatus: foelix maritus,  
 qui nesciuit thorũ in delicto, qui fi-  
 dem uxori datam ita seruauit, ut  
 eam fregerit nunquam. Habuit  
 uxores duas, Vnã Stephani Co-  
 mitis Scepusiensis filiam, Ioannis  
 Vngariæ Regis fororẽ, Barbarã  
 nomine sanctiss. foeminã. Alterã  
 quæ

SERMO SAMVELIS

quæ superstes illi est, Bonam Io-  
 annis Galeacij Sphorciæ Ducis,  
 Mediolanensis & Ifabelle ex Ara-  
 gonix Rege prognatæ filiam,  
 cum utraq; ita uixit, ut præter eas  
 foeminã agnosceret nullam. Neq;  
 vero in ijs modo, quæ uel ad ci-  
 bum uel ad potum, uel ad carnis  
 desideria pertinent, tanta fuit ab-  
 stinentia, uerum in affectionibus  
 etiam animi moderandis incredi-  
 bili fuit continentia: & cum po-  
 tuerit transgredi, transgressus nõ  
 est. Non est transgressus ali-  
 quo crudelitatis genere, cum fue-  
 rit clementia singulari, ut multo  
 uerius ipse quàm Artaxerxes di-  
 cere potuerit: Cum plurimis gen-  
 tibus imperarẽ, uolui nequaquam  
 abuti potentix magnitudine, sed  
 uitam

Clemen-  
 tia.

Hester 3.

clementia et lenitate gubernabam  
 subiectos, ut absque ullo terrore  
 uitam silentio transigentes, opta-  
 ta cunētis mortalibus pace frue-  
 rentur. Nam quem librum puer PROU. 11.  
 edidicerat, in eo scriptū esse me-  
 minerat, quod clementia præpa-  
 rat uitam, quod misericordia & PROU. 20.  
 ueritas custodiunt Regem, & ro-  
 boratur thronus eius clementia.  
 Neq; enim alia uirtus ulla magis  
 facit ad concilianda hominū stu-  
 dia, quàm clementia, quæ princi-  
 pem decet maxime: cum nihil ea  
 sit laudabilius, nihil magno &  
 præclaro uiro dignius. Hanc er-  
 go uirtutē ita fuit amplexus Rex  
 noster, ut non aliud fere uitium  
 eius maius esse diceretur, quàm  
 quod esset in fontibus plectendis  
 F remissior.

SERMO SAMVELIS

remissior. Cum itaq; eum hortatus quidam fuisset ad seueritatē, Qui scis, inquit, nū à te eam exorsurus es? Nōne fuit insignis hęc eius clementia; quod cum necessariū contra suū nepotē in Prussia bellum suscepisset, posteaq; eos omnes, qui militatū ad illum contra se profecti fuerāt, sub potestatem suā subiunxit, cum uitę in eos necisq; potestatem haberet: non modo occidi quenq; passus non est, sed uiatico instructos benignis etiā haberi, atq; ad fines usq; Germaniæ deduci iussit, ne quis eis à quoq; inferretur. Adeo clementissimus Princeps, alieno sanguini tanquam suo parcebat.

Manfuetudo.

Nec; uero sola in eo clementia, sed & mansuetudo fuit admirabilis.

bilis. Tantū enim ab eo abfuit, ut per irā grauius in quenquam animaduerneret, ut ipsam etiā irā ita frenaret, ut non modo factū, uerū ne uerbū quidem ullū asperius ex ore eius irati audiretur. Nā & hoc scriptū legerat: Fili in mansuetu- *Eccles. 3.*  
dine opera tua perfice, & super gloriam hominū diligeris. Nulla res æquē facit hominē Deo dilectum & hominibus, ut mansuetudo. In sacris Biblijs Moysis, Ioseph, Dauid præsertim laudatur mansuetudo, sed nullo horū fuit inferior, princeps hic omnium quos ætas hæc nostra uidit mansuetissimus. Qua sua uirtute in sui cūctos amorē rapiebat. Quis em̄ nō amaret Christi imitatorē Regem, qui cum malediceretur, non

*1. Pet. 2.*

**F** ij maledicebat;

SERMO SAMVELIS

maledicebat : cum pateretur, non  
 cōminabatur, quin potius redde-  
 bat bona pro malis, benefaciebat  
 persequentibus & calumnianti-  
 bus se. Has eius uirtutes orna-  
 bat modestia singularis. Nulla in  
 eo cernebatur animi elatio, quin  
 illud, quod puer didicerat, dili-  
 genter obseruabat : Quanto ma-  
 ior es, tanto te magis humilia in  
 omnibus, & coram Deo inuenies  
 gratiam. Ac Thobiae præcepti  
 memor, nunquā ille superbiam in  
 suo sensu, aut in suo uerbo domi-  
 nari permisit. Semper illud in  
 corde uersabat : Rectorem te po-  
 fuerunt, noli extolli. Esto in illis  
 quasi unus ex ipsis, curam illorum  
 habe. Quodq; a Christo dictum  
 est: Reges Gentium dominantur  
 eorum,

Mode-  
 stia.

Eccles. 3.

Thob. 4.

Eccle. 32.

Luce 22.



eorum, & Principes eorum potestatem habent ipsorum : Vos autem non sic, sed quicumque fieri uoluerit maior, erit uester minister. Et quicumque uoluerit in uobis primus esse, erit omnium seruus. Non est igitur elatum cor eius in superbiam super fratres suos, sed ita cum subditis suis uiuebat, sicut pater cum filijs. Que ad officium suum Regum pertinebant, earum rerum ita fuit studiosus, ut a uitio curiositatis longè abesset, sciebat diuisa esse purpuram & sacerdotium : ad Regem Palatia, ad sacerdotes Ecclesias pertinere. Imperatorē, & Regem bonum, sicut scribit Ambrosius, intra Ecclesiam esse, non supra Ecclesiam. Itaque nihil sibi iuris uen-

Deut 17.

Non inuasit iuris Ecclesiastic.

F iij dicabat

SERMO SAMVELIS

dicabat in Dei ministros, neque aut de moribus illorum, aut de fidei causis cognitionem sibi usurpabat, quam iam non sui ordinis esse intelligebat: Sed Constantini Gratiani, & aliorum laudatissimorum Imperatorum, ac maiorum etiam suorum exemplo, libera de ijs iudicia Sacerdotum & Episcoporum esse uolebat. Quod ab illis esset decretum, reuerenter exequebatur, neque se in eorum officia ingerebat. Memor eius, quod Oziæ Regi acciderat, qui thuribulum ferens, & contra legem Dei sacrificium sibi uiolenter assumens, resistente sibi Azaria Sacerdote, cum obtemperare nollet & cedere, diuina indignatione confusus, & uarietate

2. Par. 26.  
Ozias.

tate lepræ in fronte maculatus est: ea parte corporis notatus a Domino, ubi signantur qui Dominum promerentur. Quodque <sup>Oza.</sup> euenerat Ozæ, qui cum exten- <sup>2. Reg. 6.</sup> disse manum ad arcam Dei, tratus est indignatione Dominus contra eum, & percussit eum super temeritate, qui mortuus est iuxta arcam Dei. Sed de hac temperantia illius, deque modestia singulari dicta sufficiant.

Restat ea, que mater est & Re- <sup>Iustitia.</sup> gina uirtutum omnium, iustitia, de qua pauca cum dixerimus, finem sermonis faciemus.

Hic quoque transgressus non est Rex noster. Nam nisi transgredi & hic non liceret, nō diceret Sapiens: Noli esse iustus multū. <sup>Eccle. 7.</sup>

F iij Iustus

SERMO SAMVELIS

Iustus uero multum est, qui non  
 habita ratione æqui boni, summo  
 iure facienda putat omnia, cum  
 etiam Prouerbio sit usitatū, Sum-  
 mum ius, summā iniuriam, sum-  
 mam esse crucem, quiq; magis ad  
 seueritatem implicatus, quam ad  
 misericordiam est propensus.  
 Quod qui facit, is declinat ad dex-  
 tram: sicut ad sinistram declinat,  
 qui remissior est quam oportet,  
 in administranda iustitia. In neu-  
 tram partem declinavit Rex no-  
 ster, sed incessit uia Regia: mo-  
 dum in seueritate, modum serua-  
 uit in indulgētia. Quod si alteru-  
 tra retransgressus est (in multis  
 enim offendimus omnes) indul-  
 gendo magis transgressus est, q̄  
 seuerius animaduertendo: Quod  
 in

1. iacobi 3.

in hanc partem tutius peccare sciret. Neque uero ita legum apices confectabatur, ut non mentē potius legis inspiceret, ut non æqui boni simul rationem duceret.

Rex noluit legibus esse solutus.

Cauit ante omnia summo studio, ne cui noceret ipse: ne cui iustam de facta per se iniuria querendi occasionem daret. Neque solutus legibus, quin alligatus illis potius esse cupiebat: neque aliunde quam de iuris authoritate, suam authoritatem pendere uolebat. Quod maius esse iudicaret, imperio submittere legibus principatum. Nec satis habuit ipse ab inferenda iniuria abstinuisse, nisi memor officij sui Regij, propulsasset etiam, si quis alius cuiquam intulisset. Iudex fuit incorruptus,

F v ut

SERMO SAMVELIS

Incorru-  
ptus Iu-  
dex.

Matth. 5.  
Causarū  
audiētia.

ut qui ab odio, ira, amicitia, & omni cupiditate uacuus esset. Faciles ad eum erant aditus, iuris dicendi laborem nullum prorsus declinabat. Totis interdum octo horis & amplius etiam, sicut ipsi meministis, cognoscendis causis præsidebat. Cum nihil interea uere beatus diues iste noster nisi iustitiam esuriret, atque siti- ret, audiebat æquanimiter utran- que partem summa cum patien- tia: Quamdiu uellet dicendi cuiq; potestatem faciebat. Mane cum pro tribunali sedisset ad uesperā usque, causas nonnunquam co- gnoscebat: Cum prior esset apud eum, suum cuiq; tribuendi, quā ualetudinis conseruandæ ratio. Extremis tamen temporibus his, quoniam

quoniam lecto plærunque fuit affixus, a' causarum cognitione supersedebatur. Nihilominus quilibet affecta & ætas eius & ualẽtudo fuit, simul ut a' morbo suo paululum erat recreatus, ad officium suum redibat. Quo cum rarius fungeretur, uno & altero anno ante obitum, propter ingrauescentis morbi uim, inde natæ sunt hominum querimonie, quod se ius suum consequi non posse dicerent: Cuius tamen rei, nulla penes eum culpa residebat, uoluit enim ille, sed uis morbi non permittebat. Tanta autem fuit omnium de illo iustitiæ opinio, ut cum præesse iudicijs ipse non posset, nõ cognosci causas, quam ab alio quopiã præter iustissimũ Regem

SERMO SAMVELIS

Regem suum iudicari mallet .

Quoniam uero late patet nomen iustitiæ , sub qua uirtus omnis continetur , paulo de ea fusius dicendum nobis erit : uos quod facitis , attente , quæso , audiatis .

*Fides in promissis*

Iustitiæ fundamentum fides est , quam uolunt esse dictorum conuentorumq; constantiam & ueritatem , quæ si in quoquam alio fuit mortalium , fuit in hoc Rege nostro maxima . Erat enim uerbum illius , Est , est : Non , non .

*Matth. 5.*

Nihil fuit eius promisso certius , ut in utramq; iam aurem ei dormire licuerit , cui quid ipse promississet : Quod prius futurum esset , ut cælum rueret , quam ut promissum ille non faceret . Nihil in

*Job. 1.* eo fallax , nihil multiplex : Sed  
erat



erat uir ille simplex & rectus, ac timens Deum. Sed nobis nunc alia de fide præter hanc dicere prepositum est, de ea quam nulla bona opera præcedunt, ex qua omnia procedunt, neq; enim aliunde opera nostra bona sunt, nisi ex fide: Quam si tollas, inanis est prudentia, inanis est fortitudo, inanis est temperantia, inanis est iustitia, inanis est uirtus omnis, neq; uirtus dici meretur.

Ex fide  
bona  
opera:

Cum omne quod non est ex fide, peccatum sit, sola fides est, quæ nos a peccatis omnibus purgat, quæ mentes nostras illuminat, quæ Deo nos reconciliat, quæ cunctis participibus naturæ nostræ consociat, quæ remunerationis futuræ spem nobis inspirat, quæ

Rom. 14.  
Quanta  
bona dat  
fides in  
Christi.

SERMO SAMVELIS

quæ sanctas uirtutes in nobis auget, quæ nos in earum possessione confirmat. Tolle fidem, omnem simul uirtutis possessionem sustulisti: Quæ enim est uirtus nostra? quæ sapientia nostra? quæ iustitia nostra? quæ sanctificatio nostra? nisi Dominus noster Iesus Christus, qui factus est nobis hæc omnia, qui sanguine suo nisi nos redemisset, nemo aliquo cum suo merito, uirtute ulla præditus, nemo iustus, nemo nostrum sanctus esset. Fides ergo in Iesum Christum, hæc est iustitiæ nostræ fundamentum, super quod si quid ædificauerimus, id stabile futurum est.

Hoc fundamentum fixum fuit,

& immobile in Rege nostro, ad Fides  
Catholice  
ca Regis  
 extremum usq; spiritum eius: Si-  
 cut exitus eius ex hac uita declara-  
 uit. Non uacillauit fides eius, non  
 passus est ille se transferri ab eo,  
 per quem uocatus erat in gratiã,  
 in illud Euangelium. Quod non  
 est aliud, nisi sunt (dicit Paulus) Gal. 1.  
 qui uos cõturbant, & uolunt con-  
 uertere Euangelium Christi. Non  
 passus est abduci se doctrinis ua- Heb. 13.  
 rijs & peregrinis. Ab ijs iuxta Rom. 16.  
 Pauli præceptum declinabat, qui  
 facerent dissensiones & offensio-  
 nes præter doctrinam quam di-  
 dicimus. Memor illius, quod ab  
 eodẽ Paulo scriptũ est: Licet nos, Gal. 1.  
 aut angelus de cœlo euãgelizet uo-  
 bis, præterq; euãgelizauimus uo-  
 bis, anathema sit. Sicut p̄diximus,  
 &

SERMO SAMVELIS

col. 1. & nunc iterum dico : Si quis uobis euangelizauerit , præter id quod accepistis , anathema sit . Permanebat in fide fundatus , & stabilis & immobilis à spe Euangelij quod audiuerat , facile ut appareret , eum esse fundatum supra firmam petram . Et quoniam fidei comes indiuidua spes est , hac semper fuit in Deum fixa & stabili . Non ille in curribus & in Psal. 19. equis , non in sextili Solis , nec in trino Iouis , sed in nomine Domini fiduciam suam collocabat , cui cum sciret nõ esse difficile saluare , uel in multis uel in paucis , parua sæpe manu , in solo Deo 1 Reg. 16. spe sua collocata , magnos exercitus uicit , fudit , fugauit . Quoties eum difficultates aliquæ premebant ,

Spes firma & fixa in Deo .

bant, non alio confugiebat quam <sup>2. Reg. 22.</sup> ad Deum, qui est scutū omnium sperantiū in se. Illi dicebat : Quo- <sup>psal. 30.</sup> niam fortitudo mea, & refugium meum est tu : spes mea a iuuentute <sup>psal. 70.</sup> mea : propter nomen tuum educes me & enutries me. Educes me de laqueo, quem absconderunt mihi, quoniam tu es protector meus. Neque eum spes unquam fefellit collocata in Deo, qui non deserit unquam sperantes in se. Sic autem ille sperabat, hæc temporalia, tanquā media quædam, per quæ transeundum esset ad externa. Anchoram interea spei suæ figens in solo Christo, qui uita æterna, uita est sine fine beata. Hoc solo præ omnibus frui desiderabat. Ad fidem certam &

G

spem,

SERMO SAMVELIS

spem firmā, quam in Christo de-  
 fixerat, accessit maior horum cha-  
 ritas, quæ fidei, quæ uirtutū om-  
 nium uita est. Sicut enim uita cor-  
 poris est anima, per quam cor-  
 pus mouetur & sentit: Ita uita fi-  
 dei charitas est, per illam enim fi-  
 des operatur. Et sicut anima rece-  
 dente, corpus moritur, ita fides  
 quoq; moritur charitate refrige-  
 scente: Sine qua nemo Deo pla-  
 cuit, cum qua nec potuit aliquis  
 peccare, nec poterit. Hæc est ex-  
 cellentior illa uia, quæ per se am-  
 bulantes ducit in patriam. Quæ  
 recte uia uocatur. Nam, sicut sine  
 uia peruenit nullus quo tendit,  
 ita sine charitate non ambulare  
 possunt homines, sed errare. Neq;  
 licet in patriam cœlestem, nisi  
 per

per uiam charitatis peruenire.

Quæ in Rege nostro quanta fuerit, ex ijs quæ dici de eo hactenus audiuiſtis, coniecturam facere licet. Vnde enim uirtutes omnes, quas enumerauimus, niſi ex fonte manabant charitatis. Eius autem charitatis, quæ eſt ex corde puro, & conſcientia bona, & fide non ficta. Quam finem præcepti, quam plenitudinem legis, quam uinculum perfectionis uocat Paulus. Non ille ſibi ſe, ſed potius ijs, quibus præerat, natum eſſe putabat: Quin potius non ijs modo, quibus præerat, uerũ etiam humano, præcipue uero Chriſtiano, generi uniuerſo. Omnes ille Chriſtianos haud aliter atq; membra ſua diligebat, memor illis, quod à Pau

Charitas  
Regis.

1. Tim. 1.  
Rom. 13.  
Col. 3.

SERMO SAMVELIS

Rom. 12. Io scriptum est : Sicut in uno corpore multa membra habemus, ita multi unū corpus sumus in Christo, singuli autem alter, alterius membra. Itaq; non quæ sua sunt quærebat, sed quæ aliorum: non ad suam priuatam, sed ad publicam omnium utilitatem, omnia sua consilia, actiones omnes referebat: omnium hominum necessitates, suas esse necessitates reputabat. Quicquid cuiuslibet hominum nociturum esset, haud aliter atq; sibi ipsi nociturum propulsare conabatur. Et homo cum esset, Rex præfertim, nihil humani alienū a se existimabat, sic enim ille iudicabat, beluarū esse sibi uiuere, nec suas utilitates in commune conferre: Ad homines uero, Christia-

Charitas  
erga pro  
ximos.

1. Cor. 10



Christianos præsertim, pertinere maxime, ut haud aliter aliorum commodis atque suis ipsorum prospectum uelint neque secus, aut prosperis aut aduersis aliorum, quam suis ipsorum rebus afficiantur. Ut sit illud in corpore Christi, 1. Cor. 127 quod est in corpore hominis: Si quid patitur unum membrum, compatiuntur omnia membra: siue gloriatur unum membrum, congaudent omnia membra. Ferrarum enim est proprium inuicem persequi, lacerare, perdere: hominis contra excellentiam nihil magis conuenit, quam ut alterutrum iuuent, instruant, ædificent, & utilitatem communem tanquam propriam, ac magis etiam quam propriam curent. Omnia itaque

G iij Dei

SERMO SAMVELIS

Dei bona, quibus, ut audiuiſtis,  
Rex noſter affluenter erat dota-  
tus, non ad ſuam ille, neq; ad ſuo-  
rum tantū, ſed ad totius Reipub.  
Chriſtianæ utilitatem cōferebat.

Cura pro  
omnibus

Non ſibi ille prudens fuit, ſed  
ſuis primum ſubditis, quibus præ  
cæteris tenebatur, deinde cæteris  
omnibus, Chriſtianis præfertim.  
Prima illi cura fuit de ſuorum  
commodis, ocio & tranquillitate,  
proxima de Chriſtianorum alio-  
rum Regum & Principum, po-  
ſtrema uero de ſuis. Quamob-  
rem quicquid illi Deus ingenij,  
quicquid conſilij, quicquid ſoler-  
tiæ conceſſerat: id ad ſuorum  
primum ſalutem, ſui ſecurus: de-  
inde ad reliqui corporis Reipu-  
blicæ Chriſtianæ incolumitatem  
confer-

conseruandam conferebat. Si quando incendium aliquod non modo inter propinquos Reges & Principes, sed etiã inter illos, qui longo interuallo à Regno suo disiuncti essent, excitatum cognouisset: haud aliter accurrebat ad restinguendum illud, quàm si suos ipsius parietes ardere uidisset. Legatos illico mittebat, qui, ut arma ponerent, ne in sua ipsorum membra ferrũ stringerent, ut ciuili bello abstinerent, ut in barbaros potius coniunctas uires conuerterent, & à Christianorum ceruicibus durissimam seruitutem repellere conarentur, pro uirili sua persuaderent.

Quæ sollicitudo eius cum in alijs fere omnib9 Christianor9 bellis,

G iij ut

SERMO SAMVELIS

Sollicitu-  
do eius de  
feditiōe  
Germa-  
norum.

Charitas  
erga Cæ-  
sarem &  
Regem  
Roma-  
norum.

ut audistis, apparuit: tum in ea se-  
ditione maxime, quæ nuper in  
Germania fuit concitata. Quam  
ille non minore studio, quam si  
in Regno suo coorta esset, repri-  
mere studuit, se enim lædi, se fau-  
ciari, se premi interpretabatur, si  
quos Christianos lædi accepisset:  
Quos eodem quo membra sua  
loco habebat, omnes. Neque  
tamen in hac sua charitate gradus  
quosdam nō obseruabat. Et si em̄  
Christianis omnibus honestissi-  
me cupiebat, non in alios tamen  
Principes effusus fuit suauius, q̄  
in Serenissimos & Excellentissi-  
mos fratres, Imperatoriã & Re-  
giam Romanorum Maiestates,  
quibus arctiore propinquitatis  
uinculo fuit coniunctus. Itaque  
cum

cum falsus huc rumor allatus fuisset de infœlici Cæsa. Maiestatis successu, in proxima illa seditione Germanica, cum cætera sanus esset, adeo tamen fuit perculsus, ut noctem illam totã insomnem ageret. Posteaquam uero lectiora sunt illi renūciata, de rebus illius Maiestatis ad uoluntatem fluentibus: et si maluisset pro sua erga omnes Christiana charitate, suum quemque statum retinere, recreatus tamen est hoc nuncio accepto. Neq; uero laborare interea desijt, ut qui exciderant gratia Cæsareæ Maiestatis, reduci in eam possent.

Sicut autem prudens, ita & fortis fuit non sibi, sed suis primum: & in commune postea Christiana

Fortitudo eius in  
charitate

G v nis

SERMO SAMVELIS

nis omnibus; paratus omnia sua,  
 quin & uitam etiam suam, Chri-  
 10an. 10. sti boni pastoris exemplo pro-  
 fundere, primum pro ouium sua-  
 rū, deinde pro totius ouilis Chri-  
 stiani salute et incolumitate: Adeo  
 uilia illi fuerūt omnia, uilis etiam  
 spiritus ipse, pro eo quod in com-  
 mune cunētis expediret. Quod si  
 maiorem charitatē nemo habet,  
 quā ut animam suam ponat  
 10an. 15. quis pro amicis suis, quæ maior  
 esse poterit charitas, quæ fuit hæc:  
 Etsi enim re ipsa non posuit, po-  
 suit tamen uoluntate. Neque alia  
 res eum tam fortem reddebat, quæ  
 Cant. 8. illa de qua scripsit Sapiens: For-  
 tis est ut mors dilectio. Ad eun-  
 dem modum & temperans ille  
 non sibi tantum fuit, sed suis om-  
 nibus

nibus primum, deinde in com-  
 mune toti Reipublicæ Christia-  
 næ, & iustus similiter. Nolo enim  
 singulis explicandis esse longior.  
 In summa, quicquid in eo fuit Dei  
 munerum, quæ fuerunt, sicut au-  
 diuistis, maxima, non ihs quære-  
 bat quod sibi utile esset, uerum  
 quod multis. Hoc enim ut faceret,  
 impulit charitas: quæ non quæ-  
 rit quæ sua sunt. Cum iuxta Dei  
 præceptum diligeret proximum  
 sicut seipsum, quæ diligendo Deum  
 etiam diligebat, in quo pure co-  
 lendo, ad finem usque uite sue sum-  
 ma cum constantiæ laude perse-  
 uerabat. Cum nullus eo Prin-  
 ceptus fuerit religiosior, difficile  
 est de animo alicuius iudicare,  
 quo solo Deus pure colitur.

1. Cor. 13.

1. Cor. 8.

Leuit. 19.

Purus  
Dei cul-  
tus.

Qui

SERMO SAMVELIS

*Ioan. 4.* Qui cum sit spiritus, eos qui adorant eum, in spiritu & ueritate oportet adorare. Sed sicut inuisibilia Dei per uisibiles Dei creaturas cognoscuntur, ita & nos de inuisibili animo sine spiritu Regis nostri, quo ille Deum pure colebat, non possumus nisi ex externis quibusdam & uisibilibus rebus iudicare. Certum est, non alia re Deum purius coli quàm fide, sed ea fide quæ per charitatem operatur. Fidem enim ipsam uidere non possumus, sed fructus & opera fidei uidemus. Hoc est quod dicit Iacobus: Ostende mihi fidem ex operibus tuis. Est enim fides arbor illa bona, quæ fructus bonos facit. Fructus fidei qui fuerint in Rege nostro audiuiſtis.

Omnes



Omnes enim illæ uirtutes quas enumerauimus, fructus fidei fuerunt. Ad hæc accesserūt illæ, quas iustitias ipse Christus appellat, cum ex fide proficiscuntur: Ieiunium, eleemosyna, oratio. Nam si uictoria, quæ uincit mundum, fides nostra est, his tribus maxime rebus ex fide profectis mundus uincitur. 1. Ioan. 5. Omne enim quod est in mundo, aut est cōcupiscentia carnis, quæ uincitur ieiunio, & abstinentia: aut concupiscentia oculorum, quæ uincitur eleemosynis: aut superbia uitæ, quæ uincitur humili oratione. 1. Ioan. 2. His itaq; tribus ille rebus, ex fide & charitate profectis, uincere mundum, atq; ita Deum pie colere conabatur. Castigabat enim carnem suam, & 1. Cor. 9. in

SERMO SAMVELIS

in seruitutem redigebat, ut ne rebellaret spiritui; neue impediret, quo minus Deum pure coleret.

Eleemo-  
fyng Re  
gis.

Deinde, quo magis propitium in membris suis Deum sibi redderet, necessitatibus sanctorum communicabat, ut faceret sibi amicos de māmōna iniquitatis. Memor illius quod à Christo dictū

Rom. 12.  
Luce 16.  
Matth. 25.

est: Quicquid fecistis uni de minimis meis, mihi fecistis. Qua in re tam fuit liberalis, ut de illo dici recte potuerit, quod est in ea lectione, quam hodie vobis explicandam sumpsi: Eleemosynas eius enarrabit omnis Ecclesia. Domata carne per abstinentiam, & placato Deo per eleemosynas, tum primum ad orationem accedebat, leuando puras manus

ad

ad Deum. Quibus quidem  
 orationibus, quotidie certis ho-  
 ris uacabat, sic enim à puero insti-  
 tutus erat: Quotidie sacrū, quod  
 Missam uocant, magna cum reli-  
 gione audiebat. Ac quoad per-  
 affectam & ætatem & ualeitudi-  
 nem licuit, quotidie templum in-  
 grediebatur, dicēs cum Centurio-  
 ne: Domine non sum dignus, ut  
 intres sub tectū meum. Indignum  
 em̄ illi uidebatur, quoad ferre ui-  
 res potuerūt, ut in cōclauī eius, &  
 non in eo potius loco, qui est pro-  
 prie huic rei dīcatus, sacrificium  
 fieret. Sibi ille potius ad eum lo-  
 cum ueniendum esse putabat, non  
 quod non orari posset omni in  
 loco, sed quod quam domū suā, *Esa. 56.*  
 quam orationis domū appellat  
 Deus,

Quotidi-  
 ana Mis-  
 sa in do-  
 mo Dei.

*Matth. 8.*

SERMO SAMVELIS

Deus, eam non esse sibi negligendam arbitraretur : quodque ad aliorum etiam pietatem prouocandam, non parum eam rem facere intelligebat, si Regem suum publico in loco populus uideret sacra audientē, & puras ad Deum manus leuantem.

Studium  
Regis in  
cultu di-  
uino.

Nullum ergo diem intermisit Rex noster, quo non unam atque alteram horam sacris & orationibus uacaret : uerum id maiore cura festis diebus faciebat, quibus cęremonias omnes diligēter obibat, non sine magna animi sui delectatione. Omnes Ecclesię ritus & preces, æque ut ipsi Sacerdotes tenere uisus est. Illam uero sacram hebdomadam præ cęteris diligēter obseruabat, qua  
summum

summum Iesu Christi passionis,  
 & mortis beneficium recolitur.  
 Totam illam non alijs quam sa-  
 cris in rebus consumebat. Mos  
 illi fuit sancto Parasceues die,  
 quo se pro nobis Christus in ara  
 crucis sacrificium Deo Patri ob-  
 tulit, ad tremenda illa mysteria  
 accedere. Hunc uero diē cum no-  
 cte etiam præcedente in audiendo  
 uerbo Dei, in eius beneficijs reco-  
 lendis, in orationibus & uigilijs  
 pergit. Prandium illi fuit panis  
 & aqua. Quo sumpto, sicut Theo-  
 dosium Imperatorem ante mille  
 ducentos annos factitasse, in Ec-  
 clesiastica historia memorie pro-  
 ditū legimus, circumibat omnia  
 orationum loca, & templa Deo  
 dicata in memoriam sanctorum  
 H Martyrum

Religio  
 eius in  
 die Para-  
 sceues.

SERMO SAMVELIS

Cultus  
sanctorū

Martyrum obibat. Quibus & ipsis tanquam filijs, amicis, & membris Dei, debitum honorem impendebat, colebat enim & illos cultu suo: Non eo, qui soli debetur Deo, quem patriæ cultum uocamus, sed eo quem tributis & sanctis hominibus oportet, quos Deus diuinitatis suæ participes facere dignatus est. Non eos largitores, uerum intercessores tantum agnoscebat. In *psal. 110.* montes quidem leuabat oculos suos, sed auxilium non aliunde, quam a Domino sperabat, in quo solo possunt sancti, quicquid possunt. Neq; aliud in sanctis, nisi Dominū ipsum laudabat, a *psal. 150.* Propheta admonitus, dicente: Laudate Dominum in sanctis eius.

Quem

Quem enim laudas, quem inuocas, cum sanctum laudas & inuocas, nisi Deum ipsum? Tolle enim à Petro, tolle à Paulo, tolle à Stanislao, quod Christi Apostolus, Christi Martyr fuerit, quid erit in eo quod laudare possis? aut quis erit, qui eum inuocandum censebit? Deum itaq; laudat, qui sanctos laudat: Dei gloriæ detrahit, qui sanctorum gloriæ detrahit. Neq; uero sanctos ille tantum colebat, quos esse uiua membra Christi persuasum habuit: sed tanta in Deū charitate ferebatur, ut quoslibet ministros eius, quolibet indignos, paterna quadam beneuolentia prosequeretur. Nō ille propter personarum uitia, suum sacro ordini honorem non

Horor  
faciendorum  
habitus.

H ij tribuebat,

SERMO SAMVELIS

tribuebat, neque qui essemus ipsi  
 (Homines em̄ sumus, & hoc ipso  
 peccatores) sed cuius ministerio  
 fungeremur, attendendum puta-  
 bat. Sicut uulgari Prouerbio, qui  
 amat aliquem, is etiam catulo eius  
 benigne facere dicitur: sic ille nos  
 indignos Dei catellos, ob feruen-  
 tem amorem, quo Deum profe-  
 quebatur, singulari quadam gra-  
 tia et beneficentia fuit complexus,  
 ut merito nobis quoq; dicere li-  
 ceat, quod in libro Numerorum  
 dixisse quosdam legimus: Pater  
 noster mortuus est. Neq; enim li-  
 beris suis maiore cura pater, q̄  
 ille nobis prospectum cupiebat.  
 Nihil aliud, ut dixi, spectans in  
 nobis, quam unum hoc, quod pro

Num. 27.

2. Cor. 5.

Christo legatione fungimur. Ma-  
 gna



gna sunt hæc eius erga Deū amoris documēta, quod nō eos modo qui sunt absque macula & ruga, sanctos & electos Dei, uerum etiam quamlibet indignos ministros Dei, ob hoc solū, quod ministri Dei essent, paterna quadam indulgentia prosequeretur. Sed non ijs finibus eius erga Deū ardens, charitas claudebatur: Quin & hoc pro uirili contendebat, ut quicumque ditionis eius essent, n̄ eundem quem ipse uerū Deo cultum exhiberent.

Itaq; ne qua schismata aut hæreses in Regno suo existerēt, providebat. Annus agitur nunc uigesimus secundus, cum noui quidam motus Gedani essent excitati, contra diuinam primum, deinde con-

Contra  
hæreses  
uig latria  
& zelus.

H iij tra

SERMO SAMVELIS

tra eius Regiam Maiestatem: memoria tenetis procul dubio, quanta celeritate ad sedandos eos accurrerit, quanta prudentia represserit, quomodo misericordia iustitiam temperauerit. De paucis enim sumpto supplicio, quod aliter fieri non liceret, omnia nihilominus ciuibus reliquis integra permisit. De nulla re magis sollicitus, quam ut ueterem Dei cultum in ciuitate restitueret, quod etiam non magno negotio perfecit. Iam illa edicta, ne quis

Edicta. in ea loca proficisci, ubi transferuntur homines in aliud Euangelium, ne quis inuehere libros nouatorum auderet, quorsum pertinebant, nisi ut retineretur in Regno eius uetus religio & uerus

rus Dei cultus ; Noluít ille disputari de fide , sed retineri tantum fidem uoluit inuiolatam , atque ijs quæ semel a sancta Catholica , Apostolica Ecclesia decreta essent obtemperari. Idem enim iudicabat , quod Martianus olim Imperator ; Iniuriam facere iudicio reuerendissimæ Synodi , si quis iudicata semel , ac recte disposita reuoluere , & publice disputare cõtenderet . Nam si quod ab unius alicuius Regni populo , approbante Principe , decretum est in Comitibus , id abrogari per priuatum aliquem fas non est : quanto minus fas est ea rescindere , aut in dubium reuocare uelle , quæ unanimi consensu omnium gentium & populorum , qui Christi

Lex  
Martiana  
ni.

H iij fidem

SERMO SAMVELIS

fidem profitentur, in sacris Concilijs œcumenicis constituta sunt.

C. de sum  
ma Trin.

L. 1.

Quamobrem Gratiani, Valentiniani & Theodosij exemplo, cunctos populos, quos clementię suę regeret Imperium, in tali uoluit religione uersari, quam Diuum Petrum Apostolum tradidisse Romanis, religio usq; adhuc ab ipso instituta declarat: quamq; Pontificem Paulum tertium sequi claret: Cum Cypriano teste, non aliunde schismata oriantur & hereses, quam quod uni sacerdoti

Vna si  
des.

Christi uicem in terris gerenti, non obtemperatur. Babilon ibi sit necesse est, non Ecclesia, ubi noua cuiq; fidei dogmata statuere, & ea quę statuta semel sunt, conuellere licet. Nam si quod rectum

cuiq;

cuiq; uidebitur, id sentire de fide  
 cuiq; liberum erit, non erit una fi-  
 des: Quæ ab uno pendeat necesse  
 est, si una esse debet. Cultus autem  
 Dei uerus apud alios esse non po-  
 test, nisi apud eos, qui id ipsum sa-  
 pientes, in alterutrum secundum  
 Iesum Christum unanimes, uno  
 ore honorificāt Deum & Patrem  
 Domini nostri Iesu Christi.

Roma. 15.

Multa alia dici possent, quo-  
 modo beatus hic diues noster,  
 cum potuerit transgredi, trans-  
 gressus non sit, cum potuerit fa-  
 cere mala, non fecerit. Sed ne si-  
 mus longiores, hæc in præsentia  
 dicta sufficiant, quomodo non  
 est transgressus prudentia, me-  
 mor illius quod scriptū est: Pru-  
 dentia tuæ pone modum: non

Facere  
 mala &  
 nō fecit.

Prou. 23.

H v est

SERMO SAMVELIS

est transgressus fortitudine, non  
 est transgressus temperantia, non  
 est transgressus iustitia, non de-  
 clinavit in ijs omnibus in dex-  
 tram aut in sinistram, sed incessit  
 uia Regia : Fide, spe, charitate,  
 Deum pie coluit. Ideo dicit Sa-  
 piens, cōcludens hanc lectionem :  
 Stabilita sunt bona illius in Do-  
 mino. Sicut stabilis fuit fides eius  
 in Deum, ita stabilita sunt bona  
 illius, bona corporis, bona for-  
 tunæ, bona animi. Concessit illi  
 Deus hæc affatim omnia, & qui-  
 dem fixa, firma, stabilia concessit,  
 usq; ad extrema uitæ suæ tempo-  
 ra. Neq; temporalia modo bona  
 illius stabilita sunt, sed multo ma-  
 gis illa æterna : quæ sola stabi-  
 lia, hæc uero fluxa sunt. Vidistis  
 qua

Stabilia  
 bona  
 eius.

qua fuerit incolumitate, quo ro-  
bore, quanto æuo uixerit. Simul  
illud meministis, quot uictorias Victoriæ  
eius de  
hostibus.  
& triumphos de suis hostibus  
reportauit, quanta & quam sta-  
bili ac perpetua felicitate in bel-  
lis usus sit: Quæ gessit plura pro-  
pemodum & maiora, quam quis-  
quam ante eum Poloniæ Regum.  
Quoties enim ille Tartaros, quo-  
ties Moschos, quoties Valachos  
fudit: Apud Sluscum tribus præ-  
lijs, tres non contemnendos exer-  
citus, Duce illo celebri Constan-  
tino: apud Wisnouetiam uiginti  
quatuor millia, Nicolao Camene-  
cio Palatino Cracouiensi, & eodẽ  
Cōstantino Ducibus, cum nostri  
sex milliũ numerũ non excederẽt.  
Longum esset singulas uictorias  
enumerare,

SERMO SAMVELIS

enumerare, quas tulit, apud Voronouiam, Ioanne Camenecio: quas apud Buscum, Stanislao Lanfcoronio: quas apud Zincouiam Arcem, Iacobo Secigno- uio, atq; iterum Palatino Kioui- ensi: quas in Volinia Constanti- no & Ostapheo ter: quas apud Ofsacouiam hostilem Arcem, eo- dem Ostapheo & Prædislao Lanfcoronio Ducibus. Quas in Podolia Trebinij, quas apud Ca- menecium & Verestatincium pa- gum, & compluribus alijs in lo- cis, Nicolai Senauij Palatini Bel- sensis, fratrumq; eius Alexandri & Procopij ac Bernardi Preth- ficz opera: quas apud Trebo- wliam, Podhaiciam, Miedczy- bozum: quas apud Caniouiam

in



in Lituania, ante unum & uiginti  
 annos de uiginti sex millibus Tar  
 tarorum cæsis, Duce Constanti-  
 no reportauit. Valachos quoque  
 statim ut Regni gubernacula su-  
 scipit, Turcarum & Tartarorum  
 auxilijs tumentes, ac uictoria con-  
 tra fratrem suum Ioannē Alber-  
 tum elatos, prælio fœliciter cum  
 eis commisso ita fregit, ut & ami-  
 ssam Pokuciam recuperaret, &  
 redire ad officium Bohdanū Pa-  
 latinum, ac in sua uerba iurare co-  
 geret. Postea uero cum Petrus  
 Palatinus rebellasset, ac denuo  
 Pokuciam inuasisset, primum sex  
 millia apud Guosdeciam arcem,  
 ac mox uiginti duo millia apud  
 Obertinum pagum, Duce Ioanne  
 Comite a' Tharnow, qui non  
 plus

Victoriæ  
 de Vala-  
 chis.

SERMO SAMVELIS

plus quàm quatuor equitum ha-  
 bebat millia, ita uicit et fugauit, ut  
 castris etiam exueret, uexillis si-  
 mul & bombardis, ac ceteris im-  
 pedimentis ereptis. Ex quo præ-  
 lio uix ipse Palatinus fuga saucius  
 euasit. Qui cum nihil hac suorum  
 clade territus, annis aliquot post,  
 iterum rebellasset, eiusdem Ioan-  
 nis Comitis ductu Chocimij ob-  
 sessus, atque eò demum redactus  
 est, ut in fidem potestatemq; Re-  
 giam se conferre cogeretur.

Victoriæ  
 de Mo-  
 schis.

Necq; uero contra Moschos mi-  
 nore fœlicitate usus est, quos pri-  
 mo suo aduentu in Lituaniã adeo  
 perterrefecit, ut cum centum mil-  
 lium exercitum haberent, ex no-  
 stris uero tantũ tria millia essent  
 mercenariorum militum; neque  
 ita

ita multi Lituani, pugnandi copiam facere non auderent, sed cum longe lateq; peruastari provinciam suam uidissent, quas tulit Rex pacis cōditiones, eas precario susciperent. Iam uero quā clara, & insignis illa fuit apud Orsam uictoria, ubi Constantino & Ioanne Szarirzouio Ducibus, octoginta millia Moschorum exercitus à nostris, qui erant numero longē impares, Boristhem tranantibus, ita est profligatus, ut dimidia eorum pars uix fuga sit elapsa. Ductores exercitus capti, cum omnibus proceribus, & quatuor millibus bellatorum. Ut interim silentio præteream, septem millia ad Poloscum cesa, à Ioanne Boratinio sexcentis modo

SERMO SAMVELIS

modo comitato : ante tredecim  
 annos , mille extremi agminis  
 Lituaniam populantes , interfe-  
 ctos : & sub idem tempus apud  
 Starodubium , Radogostiam &  
 Smoleniscum non paucos truci-  
 dados , ductu Georgij Radziuil  
 Castelani Vlnensis . Illud uero  
 taceri nō potest , quomodo post  
 Radogostiā et Homiam captam ,  
 Starodubium a nostris expugna-  
 tum est , Ioanne Tharnouio Duce .  
 Fuisse dicuntur in arce plus quin-  
 decim millia bellatorum , qui si in  
 aciem descendissent , cum nostri  
 essent numero impares , anceps  
 prælium committi potuit . Arx  
 nihilominus a nostris euerfa , &  
 plus mille quingenti uiui capti  
 sunt . Res prodigiosa , quod , cum  
 esset

esset maior numerus obsessorum  
quam obsidentium, uicerint obsi-  
dentes. Contra Turcas nihil  
gessit memorabile, nisi si quando  
in Tartaris permixti fuerunt. Por-  
ro Prussicum bellum quanta fœ-  
licitate confecerit, uel ex eo conie-  
cturam facere licet, quod nepos  
eius, qui hic adest, fractus ad extre-  
mum, cum terra sua uniuersa, con-  
tra uoluntatē suam, in fidem eius  
una cum terris suis omnibus se  
contulit: dato etiam iureiurando,  
quod cum ipso, tum successores  
eius omnes, sempiternis tempo-  
ribus, in fide Poloniæ Regū sunt  
futuri. Videtis ergo quę bona illi  
Deus concesserit, neq; concesserit  
modo, uerum etiam stabiliterit,  
ut recte de eo dicere possimus:

Victoria  
de Prussis

I Ideo

SERMO SAMVELIS

Clades  
unica.

Ideo stabilita sunt bona illius in Domino. Propria enim & perpetua fuit hæc illi fœlicitas, neq̃ eam ulla fere clades interpellauit præter Socaliens, illam, ubi cum exercitus noster, qui ex quatuor millibus cōstabat, à quadraginta millibus Tartarorū fugatus esset, mille & ducenti ex nostris, ex hostibus quater mille sunt desiderati. Neque uictoriæ tantum eius stabilitæ sunt, sed etiam stabilitum est nomen eius bonum, quod est melius quàm diuitiæ multæ.

Stabilita est gratia mortalium omnium, qua credibile non est, quantum apud cunctos ualebat, non suos magis quàm exteros: uix ut ullum reperire Principem licuerit, in quem unum totius patriæ,

Prov. 22.

Stabilita  
apud  
omnes  
subditos  
eius  
gratia.

trix, optimatum, Regum, Gentium, atq; orbis prope totius studia tanto ardore, tamque fatali quadam benevolentia consenserint, uel potius cōcertarint. Neq; enim efficacius Magnes ferrum attrahit, quàm ille mentes omnium mortalium in sui charitatem rapiēbat, non alia re nisi uirtutum commendatione. Ut non minus recte Rex hic noster, quàm Titus Imperator olim, orbis amor appellari potuerit, quem cōstat cōmune gaudium Gentium omnium, unicas seculi sui delitias, & fatalem quendam Regum & principum amorē fuisse. Fuerat illi initio Maximilianus Cæsar

Orbis  
amor.

Maximilianus  
Cæsar.

I ij propter

SERMO SAMVELIS

propter matrē ex Austriæ domo  
 profectā, minime dubitauit Rex  
 optimus nullius rei magis quam  
 amicitia cupidus, una cum fratre  
 suo Vladislao, Hungariæ & Bo-  
 hemiæ Rege, & eius filio Ludo-  
 uico, ad Maximilianum ipsum  
 Viennam Austriæ proficisci, co-  
 mitatu numerofo & splendido,  
 planeq; Regio. Non defuerunt,  
 qui deterrere utrunque Regem a  
 profectioe in Austriam conaren-  
 tur, quod insidias metuendas du-  
 cerent: & iam id persuasum erat  
 Vladislao fratri. Cæterum Si-  
 gismundus hic noster, ut aliquid  
 eiusmodi crederet, adduci nō po-  
 tuit: ac forti, generoso, uereque  
 Regio animo, etiamsi desertus  
 esset ab omnibus, tamen se uel so-  
 lum

Cōuen-  
 tus Regū  
 Viennæ.



lum in conspectum Cæsaris uenturum, & Viennam ingressurum ostendit. Qua sua constantia fratrem etiam suum, quem etas affecta timidiorum effecerat, adduxit, ut se Cæsari crederet. Cum quo simul ut congressi sunt, non solum animorum omnis offensio sedata, uerumetiã affinitas noua inter Reges conciliata est, qua instituta, inter eos amicitia confirmari posset. Neptem enim suam ex filio, Caroli & Ferdinandi Cæsarum sororem, Ludouico in Matrimonium dedit. Neque fuit postea Maximiliano quisquam Regum & Principum charior, quam Rex ille noster Sigismundus: Cuius amicitie cum hoc Rege nostro constitutæ.

I iij Nepotes

SERMO SAMVELIS

Amicitia cum  
Carolo  
et Ferdinando  
fratribus

Nepotes etiam suos datis in eam rem literis, quasi hæredes instituit. Quibus cum & ipsis tanta fuit Regi nostro amicitia, maior ut esse non potuerit. Siquidem Ferdinandus Roman. Rex filiam suam Elizabetham, qua nullam uicit ætas hæc nostra sceminam sanctiorem, Regi huic nostro superstiti uxorem dedit. Quæ ante diem mortua, & sancto illi patri, & huic eius filio Regni successori, triste sui desiderium reliquit, ac omnes Regni ordines mœrore confecit incredibili. Quo pignore amicitiaæ amorisque mutui sublato, nihil est tamen de mutuo Serenissimorum Cæsarum & Regum nostrorum amore diminutum: eadem fuit illius gratia,

tia, par authoritas. Neque enim fortuito aut impetu quodam & ardore iuuenili, sed uirtutum admiratione, hæc fuit inter illos amicitia conciliata, ut non potuerit non esse fixa & stabilis, ac ad ultimum usque uitæ diem duratura. Neq; minore illius amore incensi fuerunt reliqui Germaniæ Principes omnes, qui haud aliter atque patrem Regem hunc nostrum uenerabantur. Cuius nomen non in finitimis modo Regnis clarum & charū fuit omnibus, uerū etiam & remotioribus illis. Nam & à Galliæ & Angliæ & Daniæ Regibus colebatur. In urbe uero apud Summum Pontificē, communē Christianorū Regum omniū parentem, tanta fuit

Amicitia  
cū Prin-  
cipibus  
reliquis.

I iij illius

SERMO SAMVELIS

illius autoritas, ut uix alterius cuiusquam Regis maior. Amabatur à Cardinalibus, apud omnes fere Italiæ Principes in summa fuit ueneratione. Magna sunt hæc bona, quæ non ad horam concedere, sicut multis: sed stabilire Deus dignatus est, ut ad uitæ suæ diem extremum ea conserua-uerit omnia. Quam & ipsam uitam stabiliiuit in eo Dominus, & in multos annos produxit.

Rex Ion  
gxuus.

Mortuus est enim Senex & plenus dierum. Vixit annis octoginta & uno, mēsis tribus. Regnauit annis quadraginta uno, mensibus duobus, diebus septem, ut nunc uerius etiam quam Iacob olim dicere possimus: Dies peregrinationis uitæ nostræ, paucos

Gen. 47.

&

& malos esse. Fuit ætas hæc satis longa, ut si quid interest ad beatitudinem diu uixisse, hac quoque in re beatus fuerit, ut recte bona illius in Domino stabilita dici possint, quibus ei tam diu frui, uel uti potius contigerit. Nec enim fruimur temporalibus his, sed utimur. Quibus uero frui debemus, ea æterna sunt. Hæc uero maxime stabilita sunt in eo per Dominum. Nam cum temporalibus his recte usus sit, dedit ei Dominus bona, quibus fruereur, uitam æternam, uitam beatam, gloriam æternam. Cuius rei non modo uita eius honestissime acta, sed & exitus ex ea gloriosus, tam certum argumentum est, ut certius esse queat nullum. Nam si uerum est

Bona  
æterna.

I v illud,

SERMO SAMVELIS

illud, sicut non potest non esse ue-  
 rum, quod dicit scriptura: Do-  
 minus iudicabit fines terræ, hoc  
 est (ut interpretatur Augustinus)  
 extrema hominis opera, uidete  
 quæ fuerint extrema illius opera,  
 & de salute illius æterna dubita-  
 te. Extrema illius opera fuerunt,  
 opera fidei, quæ nos de salute no-  
 stra reddunt certiores, quàm ut  
 de ea dubitare fas sit. Habemus  
 enim promissum Dei, quo nihil  
 esse potest certius: Cum Deum  
 impossibile sit mentiri. Amen  
 amen dico uobis (dicit ueritas)  
 qui credit in me, habet uitã æter-  
 nam. Cum itaq; Rex hic noster  
 poenitens in fide & confessione  
 Christi obdormiuerit, cum suam  
 omnẽ fiduciam, non in suo, sed in  
 Christi

Christi passionis & mortis merito collocauerit, poterit ne ququam dubitare, quin huius Christi promissi factus sit compos ?

Non ille fidebat in operibus suis, Non fidentium in nostris operibus. quamlibet enim bona sunt opera nostra, bona tamen & grata esse desinunt, simul ut nobis in illis placere, & spem nostram in illis ponere incipimus, quæ nobis non in alio esse debet, quàm in morte Domini nostri. Mors enim Domini nostri Iesu Christi, meritum nostrum est, refugium nostrum, salus, uita, & resurrectio nostra. Meritum Hic. 31. nostrum est miseratio Domini, qui nisi perpetua charitate dilexisset, atque ideo per Filij sui unigeniti mortem attraxisset nos, miserans, opera nostra condennare nos possent, saluare

SERMO SAMVELIS

saluare non possent, quamlibet  
etiã sancta uiderẽtur. Hoc cū non  
ignoraret Rex noster, qui à pue-  
ro sana Christi doctrina diligen-  
*Lucæ 17.* ter fuit institutus, etiã si fecerat om-  
nia pro uirili sua, seruū se tamen  
inutilem reputabat: Et quoniam  
*Rom. 8.* non sunt cōdignę passiones huius  
temporis ad futuram gloriam,  
ad passionē illius, ad fusum pro  
nobis sanguinem illius, confugit:  
qui iustificatio nostra, qui propi-  
tatio nostra, qui satisfactio no-  
stra fieri dignatus est, ad Domi-  
num nostrum Iesum Christum.

Crucifixi  
simula-  
chrum.

Cuius cum crucifixi Simula-  
chrum exhibitum illi fuisset, sicut  
exhiberi morituris de recepto Ec-  
clesiæ more consueuit, ut discant,  
neq; fidere operibus suis bonis,  
neq;



neq; desperare propter admissa mala, sed certā spem & fiduciam in Christo collocent crucifixo, in ipso respirent, in ipso confisi, ad ipsum peruenire desiderent: non habentes iustitiam suam, sed eam <sup>Philip. 3.</sup> quæ est ex Filio Dei, Domino nostro Iesu Christo.

Hoc ergo signum crucifixi cum oculis eius subiectum fuisset, credibile non est, quanta illud animi sui deuotione exceperit. Quem extendisse manus in cruce pro se, & pro nobis peccatoribus uiderat, ut se ad amplexus nostros esse paratum ostenderet, eum & ipse amplexatus est, & uulneribus eius fixo osculo, non dubio significauit, se in illis respirare, & certo confidere, per illa sibi aditum esse  
ad

SERMO SAMVELIS

ad Regnum cœlorũ patefactum.

Confes-  
sio pecca-  
torum.

Accersito itaq; sacerdote, summa cum animi sui contritione peccata sua omnia confessus est, ut mini-

Matth. 18

sterio sacerdotis, cui ligandi sol- uendiq; potestas data est, uirtute uero Christi, cuius ille personam gerit, beneficium remissionis pec- catorum, & certissimam consola- tionem reconciliationis conse- quutus, eius rei pignus etiam acci-

Pignus  
uitæ æ-  
ternæ.

peret Eucharistiæ Sacramentum, quod non modo remissionis pec- catorum, sed et immortalitatis, et ui- tæ eternæ pignus est. Neq; n. alio pignore Christus de tantis bonis certiores nos reddere potuit, q̄ impertitione sui preciosi corpo- ris, inæstimabilis utiq; thesauri, quo nos sibi tanquam membra adiungit,

adiungit, ut ubi ipse est, ibi & nos  
 simus. Hoc pignore accepto, cum  
 se iam uideret extrema illa in lu- Extrema  
unctio.  
 cta constitutum, quo fortius resi-  
 stere posset Sathanæ tentationi-  
 bus, quas tum ille potissimum ca-  
 teruatim ingerere solet, iuxta pre-  
 ceptum Apostoli, Presbyteros 1. Cor. 5.  
 Ecclesiæ induci iussit, & orare su-  
 per se, ungentes oleo in nomine  
 Domini, ut hoc quoque signo,  
 Christi membrū, Christi factus  
 athleta, tanto facilius expellere à  
 se posset Principē huius mūdi in 1. Ioan. 12.  
 mundū spiritū, quem foras Chri-  
 stus eiecit, ut non haberet quicquid  
 in nobis, cum nulla sit conuentio 1. Cor. 6.  
 Christi cum Belial, nullus con-  
 sensus templo Dei cum Sathana.  
 Atque eo expulso, tanto maiore cū  
 fiducia

SERMO SAMVELIS .

2. Tim. 4

fiducia diceret : Bonum certamen  
certavi, cursum consummaui, fi-  
dem seruaui. In reliquo reposita  
est mihi corona iustitiæ, quam  
reddet mihi Dominus in illa die,  
iustus Iudex. Quam ille proculdu-  
bio consecutus est, cum tot habue-  
rit a Deo certissima fiduciæ suæ  
signa, ac testimonia. Nempe Sa-  
cramenta Pœnitentiæ, Euchari-  
stiæ, & hoc extremæ unctionis,  
quibus Deus nequaquam nos fal-  
lit, sed promissioni suæ assistens,  
facit ac perficit etiam omnia, quæ  
in eorundem exhibitione nobis  
pollicitus est.

Sacer-  
dotum  
præsen-  
tia circa  
morientē

Quanta autem eius fuerit fidu-  
cia, uel ex eo licet colligere, quod  
cū admoniti Sacerdotes fuissent,  
ut ex cubiculo exirēt, si forte som-  
num

num capere posset : simul ut exi-  
 uisse eos cognouit, euestigio re-  
 uocari iussit, quod eorum præ-  
 sentia, qui personam Ecclesiæ re-  
 presentarēt, se fortiorem contra  
 Sathanæ insidias fore putaret.  
 Modo non dicens illi : Etsi mul-  
 tis satellitibus stipatus, in animæ  
 meæ excidium coniuratis, compa-  
 reas, non te timeo tamen, non te  
 metuo. Plures enim mecum sunt 4. Reg. 6  
 quàm tecum. Tota enim Ecclesia  
 sanctorum pro me curam agit,  
 orat, meq; in tutelam suam reci-  
 pit : aduersus quam non præua-  
 lituras inferi portas Christus di- Matth. 16  
 xit, qui fallere nescit. Totam itaq;  
 noctem illam cum suis sacerdoti-  
 bus, quorū intercessionem fidebat,  
 & quos dilexit usq; in finem, non

K alia

SERMO SAMVELIS

alia in re nisi in orationibus, & sacris lectionibus, maxime uero Dominicæ passionis recitatione, ex qua consolationem non mediocrem capiebat, consumpsit.

*Luce 18.* Subinde cum illo Publicano petus suum tundens, ac Deū orans, ut sibi propitius esse dignaretur.

*Philip. 1.* Neque obscure illud ferens, quod cuperet iam dissolui & esse cum Christo.

*Exitus  
Iuxta in  
die Paschæ.*

Illuxit tandem dies illa, qua Christi resurgentis memoriam recolimus: hac ille, intra Missarum solennia, luctu omniū & mœrore incredibilem spiritum emisit. Vbi nunc sapiens & potens ille Rex noster Sigismundus? Vbi opes eius? Vbi diuitiæ? Vbi splendor? Vbi comitatus Regius? Vbi Maiestas eius et gloria?

Ecce

Ecce quomodo transierunt omnia illa tanq̃ umbra, tanq̃ nuncijs Sam. 5. præcurrens, tanq̃ nauis quæ pertransit fluctuantem aquam, cuius, cum præterierit, nō est uestigium inuenire, neq̃ semitā carinæ illius in fluctibus. Tanq̃ auis quæ transuolat in aëre, cuius nullum inuenitur argumentū itineris illius, sed tantum sonitus alarū, uerberans leuem uentū, & scindens per uim itineris aërem: cōmotis alis transuolauit, & post hoc nullū signum inuenitur itineris. Tanq̃ sagitta emissa in locum destinatū, diuisus aër continuo in se reclusus est, ut ignoretur transitus illius. Tanq̃ lanugo, quæ a uento tollitur, tanquam spuma gracilis, quæ a procella dispergitur tanq̃ fumus, q̃ a

Similitudines iuxta transi-  
tionē.

K ij uento

SERMO SAMVELIS

*Iacob. 4.* uento diffusus est : tanquam memoria hospitis unius diei prætereuntis. Sic & nos nati, continuo desinimus esse. Quæ enim est uita nostra ? Vapor ad modicum parens, deinceps exterminabitur.

*Iob. 20.* Velut somnium auolans non inuenietur, transiet quasi uisio nocturna.

*Psal. 75.* Dormierunt somnum suum, dicit Propheta, & nihil inuenerunt omnes uiri diuitiarum in manibus suis.

*Esa. 40.* Omnis caro fœnum, (dicit alius) & omnis gloria eius quasi flos agri. Exiccatum est fœnum, & cecidit flos, & decor uultus eius deperit : Ita & diues in itineribus suis marcescet.

*Iac. 1.*  
Vanitas  
uanitatum

Recte ergo Ecclesiastes cum ratione scrutatus esset humana omnia, diuitias, delicias, potentiam, gloriam



gloriam instabilem, sapientiam, quæ fuit magis, quam ut teneri possit: Veneris uoluptates, hor-  
torum amænitates, turbam ser-  
uorum, multitudinem possessio-  
num, pocillatores, cãtores, arma,  
satellites, gentes subactas, tribu-  
ta, imperata, fastũ Regium, hanc  
de cunctis profert sententiam: Va-  
nitas uanitatũ, & omnia uanitas.  
Finem tandem loquendi faciens:  
Deum, inquit, time, & mandata *Eccles. 2.*  
eius obserua, hoc est omnis ho-  
mo. Ad hæc, inquit, natus est om-  
nis homo, in hoc salus consistit  
omnium & perfectio: si creato-  
rem nostrum intelligentes, uene-  
remur eum metu & honore, &  
mandatis exequendis. Cetera cun-  
cta fumus quidam sunt, uel ut qui-

SERMO SAMVELIS

dam dixit, umbra fumi. Nihil est  
 in rebus humanis stabile, nihil  
 diuturnum, nihil de quo uel cra-  
 stinum sibi quisquam polliceri  
 queat. Quæ cum ita sint, quid  
 est Serenissime Rex Auguste,  
 quod luctu, quod mœrore, quod  
 lachrymis te conficias? Quæ tibi  
 mœstitiæ huius causa est? Num  
 quod ille fluxa hæc & caduca eter-  
 nis cōmutauit? Num quod curis,  
 quod morbis, quod grauibus to-  
 tius corporis cruciatibus libera-  
 tus est? Num q̄ mortē reliquit, &  
 immortalitatē induit? Quid em̄  
 est uita hæc nostra nisi mors? ut  
 non sine causa Paulus exclamaue-  
 rit: Infoelix ego, quis me libera-  
 bit de corpore mortis huius? Cor-  
 pus hoc quod corrūpitur, quod  
 aggra-

Conso-  
 latio ad  
 filiū Re-  
 gis Re-  
 gni.

Vita hæc  
 mors est.

Roma. 7.

sap. 9.

aggrauat animas nostras, uocat  
 Apostolus corpus mortis, quod  
 in eo nihil aliud quã morimur quo-  
 tidie. Nam quotidie pars aliqua  
 uitæ demitur, & tum quoque cum  
 crescimus, uita decrefcit. Moritur  
 infantia nostra, succedente pueri-  
 tia: Moritur pueritia, succedente  
 adolescentia: Moritur adolescen-  
 tia, succedente iuuentute: Moritur  
 iuuentus, succedente uirili ætate:  
 Moritur uirilis ætas, succedente  
 senectute: Moritur senectus, mo-  
 ritur morborum omne genus, mo-  
 ritur quicquid est dolorum, quicquid  
 cruciatuum, quicquid afflictionum,  
 quicquid incommodorum in hac  
 uita, succedente uita illa immor-  
 tali: ad quam non patet nobis  
 aditus, nisi per mortem corporis

K iij huius,

SERMO SAMVELIS

huius, ut non sine causa tam arden-  
 ter Paulus cupiuerit, de corpore  
 mortis huius liberari. Quod Da-  
 uid etiam carcerem uocat, dicens :  
*Psal. 141.* Educ de carcere animam meam  
 ad confitendum nomini tuo. Di-  
 xit hæc eadem uerba Dauid, no-  
 ster pius & mansuetus Rex, noster  
 Sigismundus. Cupiebat & ipse  
 liberari de corpore mortis huius,  
*Philip. 1.* cupiebat educi de carcere carnis  
 huius animam suam, desiderium ha-  
 bebat dissolui & esse cum Christo.  
 Cuius uoti sui compositus cum sit,  
*Non lu-  
 genda  
 foelix  
 mors  
 Regis.* mœrendum tibi non est Rex Au-  
 guste, ne summam foelicitatem hanc  
 eius, non satis grato animo inter-  
 pretari uidearis. Fruitur enim ille  
 iam eo, in quem credidit, quem  
 amauit, eo qui uita est æterna, uita  
 sine

sine fine beata, Domino nostro Iesu Christo. Noli putare, temere aut fortuito factum esse, quod sacratissimo Paschæ die ex hac uita <sup>Pascha.</sup> excesserit. Quid enim aliud Pascha Græce, quod Phase uocant Hebræi, quàm transitum significat? Transitum autem populi Israël ex Ægypto ad terram lacte & melle fluentem. Sub hunc diem uisum est Christo, ut ipse quoque transiret de mundo ad Patrem.

Quo ergo tempore transiit populus Israël ex Ægypto ad terram <sup>Exod. 12.</sup> promissionis, quo tempore seruator noster Iesus Christus transiuit de mundo ad Patrem, eodem <sup>Ioan 13.</sup> tempore Princeps hic noster, & maximus in Israël, transiuit ex Ægypto huius sæculi, ad pro-

K v missam

SERMO SAMVELIS

*Ioan. 5.* missam pijs omnibus cœlestē patriam; transiit de morte ad uitam, non suis meritis, sed illius promissione fretus, qui dixit:

*Ibidem.* Amen amen dico uobis, qui uerbum meum audit, & credit ei, qui me misit, habet uitam æternam, & in iudicium non uenit, sed transiet de morte ad uitam. Hoc ergo pascha, transitum hunc de morte ad uitā, uoluit hoc die cum Christo resurgente Princeps noster celebrare. Nec amisit ille Regnū,

Bona  
cōmuta-  
tio Re-  
gni.

sed commutauit: terrenum cœlesti, dissolubile indissolubili, caducum eterno. Regnū enim illius quod nunc possidet, regnum est sempiternum.

*Dan. 3.*

Dia-  
dema.

Regem quendam huius sæculi, traditum sibi diadema, priusquam

quam imponeretur capiti, diu  
 considerasse, ac dixisse tandem  
 ferunt: O nobilem magis quam  
 felicem pannum, quem si quis  
 penitus considerauerit, quam mul-  
 tis sollicitudinibus, & periculis,  
 & miseris sit refertus, ne humili  
 quidem iacentem tollere uellet.  
 Abiecit hoc diadema Rex noster,  
 & suscepit illud, quod plenū gau-  
 diorū, plenū felicitatis, plenū est  
 eterne beatitudinis. Posuit Domi-  
 nus super caput eius coronā de la-  
 pide precioso: coronam auream, Psal. 20:  
 expressam signo sanctitatis, im- Eccle. 54.  
 marcesibilem gloriæ coronam, 1. Pet. 5.  
 quam ab eo nemo auferre po-  
 terit. Hoc in statu cum sint  
 res diui parentis tui, qui non o-  
 bijt, multo minus autem interijt,  
 sed

SERMO SAMVELIS

sed fatigatus uitę huius molestijs,  
 abiit ex hoc Regno suo, in Regnū  
 aliud multo fœlicius: discessus hic  
 eius, non lachrymis & misericor-  
 dia, sed beneuolentia potius tibi  
 persequendus est. Hoc te Paulus  
 quoque monet, dicens: De dor-  
 mientibus non contristemini, si-  
 cut cæteri qui spem non habent.  
 Si em̄ credimus, quod Iesus mor-  
 tuus est & resurrexit, ita & Deus  
 eos qui dormierunt per Iesum,  
 adducet cum eo. Dormiuit pater  
 tuus per Iesum, dormiuit cum  
 Iesu, dormiuit in fide & confes-  
 sione nominis Iesu. Noli ergo  
 dubitare, quin sicut resurrexit  
 Christus primitię dormientium,  
 ita resurrecturus & ipse sit in no-  
 uissimo die. Quin tu potius post-  
 habito

Non con-  
 tristan-  
 dum de  
 morte.

1. Thef. 4

1. Cor. 15



habito luctu, ad imitationem eius te compara, quem ex hac uita discedentem tantum sui desiderium reliquisse uides omnibus. Vt cum eum in te uiuentem uiderimus, dicere possimus illud quod scriptum est: Mortuus est pater eius, & quasi non est mortuus. Similem enim reliquit post se. In uita sua uidit, & lætatus est in illo, & in obitu suo non est contristatus, nec confusus est coram inimicis.

*Eccle. 30.*

Reliquit enim defensorem domus contra inimicos, & amicis reddentem gratiam. In hanc tu curam & cogitationem toto (quod aiunt) pectore incumbe, ac omnibus modis contende & elabora, ut ereptum nobis esse patrē tuum scire magis quā sentire queamus.

*Vt filius imitetur patrem.*

Quod

SERMO SAMVELIS

Quod ita demum futurum est, si cunctis in rebus eum imitandum tibi proposueris, si prudentiam illius, si fortitudinem, si moderationem animi, si grauitatem, si benignitatem, si clementiam, si mansuetudinem, si iustitiam, si in eadem, qua ipse præditus erat, fide & religione, constantiam ita expresseris, ut patrem in te tuum uiuere existimemus. Quam quidem ad rem pluribus ex hoc loco te pro officio meo pastoralis hortarer, nisi te ultro currentem uiderem, ut incitari à quoque opus non habeas. Ad te itaque mihi sermo nunc est serenissima Regina, quam in graui luctu & mœrore positam esse uideo, quod quem indiuiduum uitæ tuæ comitem habere cupiebas,

ab

Consolatio ad  
Reginam.

ab eo diuulsa nunc es, ut merito tu  
 dicere quoq; possis, quod dixit  
 ille: Siccine separat amara mors? *1. Reg. 15.*  
 Neq; em̄ uirum illa à coniuge, sed  
 animam separauit à corpore tuo.  
 Quid enim ille fuit tibi, nisi quod  
 est anima in corpore tuo? Quam  
 tu (que tua cunctis seculis fuit me-  
 moranda fides erga eum & chari-  
 tas coniugalis) libenter positura  
 fueras, si morte tua salutē illius re-  
 presentare potuisses. Que quantē  
 curæ tibi fuerit, uidimus oēs. Vi-  
 dimus aut, nō sine magna quadam  
 uirtutis tuæ admiratione. Quid  
 em̄ à te curæ, diligentia, & labo-  
 ris prætermissum est, in tuenda  
 & conseruanda illius ualetudine,  
 præ qua tu tuam cōtemnere pror-  
 sus uisa es. Quid de te fieret nihil  
 sollicita,

SERMO SAMVELIS

sollicita, dum Regi & coniugi tuo dilectissimo recte esset. Qui cum leui etiam aliqua ualetudine affectus esset, totos illi dies assidebas, totas noctes insomnes agebas, et Reginā te esse oblita, ancillari officio fungebare, dum omniratione uitæ illius prospectū cupiebas. Quam certum est, multos in annos Dei quidem benignitate primum, sed tua postea solius opera productam esse. Quam & nos certæ uitæ nostræ temporibus libenter fulciuissemus, ut de nostris annis uiueret, qui fungi non potuit suis.

Heb. 6.  
Ne luceat Regina.

Sed cum statutum sit hominibus semel mori, neque mortalium quisquam ab hac lege sit exceptus, si & ipsæ naturæ huic legi satisfacit,

cit, cui ut satisfaceret omnino  
 fuit necesse, quid est quod te ma-  
 ceras? quid est quod luctu mœ-  
 rorēq; te conficis? quid est quod  
 diuinæ uoluntati, quasi resistere  
 frustra uelle uideris? Quam rex  
 fragante quantumlibet homine,  
 fieri tamen oportet. Quin tu po-  
 tius, quod Deo statuere de tuo  
 charissimo coniuge uisum est, fer  
 æquo animo: Cum præsertim,  
 non modo nihil ei malī acciderit,  
 sed post multa mala, quæ uiuens  
 pertulit, nunc demum ueris &  
 æternis bonis ei frui datum est.  
 Itaque quod illius causa doleas,  
 nihil est: est potius quod uel ma-  
 xime læteris. Tua autem causa si  
 dolendum putas, uide ne hoc se-  
 ipsam potius, q̄ bene meritum  
 L coniugem

SERMO SAMVELIS

coniugem amantis esse uideatur:  
 neue nō tam ad illius amicitiam,  
 quā ad domesticam utilitatem,  
 luctum hunc tuum referre existi-  
 meris. Quanquam nec tua causa  
 quod doleas habes. Mortuus est  
 enim maritus tuus, & quasi non  
 est mortuus, similem enim sibi  
 reliquit post se. Reliquit morū,  
 uirtutumq; suarum uiuum quod-  
 dam simulachrum. Reliquit de-  
 fenforem domus, qui te quoque  
 tueri contra uim cuiusuis & iniu-  
 riam, non minus est uoluntate  
 promptus, quā facultate para-  
 tus. Quare cum nec illi acerbita-  
 tis aliquid acciderit, nec tu ex eius  
 hac migratione quicquam incom-  
 modi detrimentique acceperis,  
 non tu lachrymis eum tibi prose-  
 quendum,

quendum, sed orationibus potius  
tuis Deo cōmendandum putes.

Quod uero matri dictum est, Conso-  
latio ad  
filias Re-  
gis.  
hoc quoque uobis Illustrissimæ  
Principes dictū existimetis. Non  
est mortuus pater uester, sed e-  
sene iuuenis factus est. Ecce pa-  
ter uester, ecce frater uester, ecce  
Rex uester, eadem est erga uos  
eius uoluntas, quæ fuit diui pa-  
rentis uestri, eadem est & pote-  
stas. Non minus uult adiutas ra-  
tiones uestras, quàm uoluit diuus  
parens, neq; potest minus: Quin  
potius, quanto est ætas eius ap-  
tior, quanto mens uegetior, ad ea  
perficienda quæ de uestris com-  
modis per diuum patrē uestrum  
cogitata fuerunt, tanto plus vo-  
bis de eius benignitate polliceri

L ij potestis,

SERMO SAMVELIS

potestis, tanto minus habetis, quod uestra causa excessisse ex hac uita patrem uestrum lugeatis. Imponet hic Deo bene iuuantem, lætū & optatum exitum, ijs quę per diuum patrē cœpta fuerunt. Quare seposito luctu Deū illi propitium modo precemini, cuius opera factum est, ut suauissimam hanc lucem primum aspiceretis. Vos quoq; nunc alloquor Serenissimi & excellentissimi fratres, Orthodoxæ fidei propugnatores acerrimi: Vos inquam, alloquor, etsi absentes corporibus, præsentem tamen animo, præsentem in uiris ornatissimis, quos ut personas uestras sustinerent, & sancti Regis nostri exequias cohonestarent, huc pro

Ad Ora  
tores  
Cæsaris  
& Regis  
Rom.



pro uestra erga defunctum pietate, misistis: sat scio, cum esset ad uos de morte illius allatum, quod opinione omnium maiorem animis dolorem accepistis. Nam cum nullum in terris uobis ille chariorem habuerit, fieri non potest, quin ipse uobis uicissim fuerit charissimus. Sed quid ego hæc tanquam addubitās loquor, cum sicut ille suæ in uos, ita uos uicissim uestræ in illum egregiæ uoluntatis, signa dederitis certiora, quàm ut quenquam de ea dubitare fas sit?

Nisi forte certiora signa ulla Elizabetha filia Ferdinandi. esse possunt, quàm quod uterque frater Neptem filiamq; suam filio huic eius superstiti uxore dedit. At quam uirginē? qua nulla  
L in fuisse

SERMO SAMVELIS

fuisse uidetur in orbe terrarū le-  
 ctior, nulla sanctior, nulla omni  
 uirtutum genere cumulatior. Ut  
 de forma taceam, qua sicut puri-  
 tate uitæ, cum ipsis etiam Ange-  
 lis certare posse uidebatur. Quæ  
 cum ita Deo iubente ex hac uita  
 incredibili cum luctu omniū ex-  
 cessisset, atq; ingens sui desiderium,  
 primū coniugi suo Regi huic no-  
 stro, deinde nobis omnibus &  
 singulis reliquisset, nihil ea tamen  
 re de uestra erga utrunq; beneuo-  
 lentia diminutum est. Certum  
 igitur est, quod non mediocrem  
 ex eius hac migratione luctū hau-  
 seritis, quem propter ingraue-  
 scentem eius ætatem patris in  
 loco colebatis. Documento sunt  
 Regio sumptu & apparatu per  
 uos

Ad Cæ-  
 sare[m] &  
 ad Regē  
 Rom.

uos Augustæ iusta, in magna  
 magnorum Principum celebri-  
 tate, summo cum honore, opti-  
 mo Regi nostro persoluta. Ve-  
 rum & uos ponite mœrorē. Eue-  
 nit enim quod scriptum est: Pro  
 patribus tuis nati sunt tibi filij. *psal. 48.*  
 Amisistis uos quidem non ætate  
 magis, quàm charitate patrem,  
 sed pro patre natus est nobis fi-  
 lius, qui sicut uos patrem eius,  
 haud aliter ac uestrum colebatis,  
 ita colet ipse uos uicissim, neque  
 ullum obsequentis officiū filij in  
 se requiri patietur, ut expressam  
 in eo patris imaginē cernere quea-  
 tis. Hoc ipsum uobis persuadete,  
 uos quoque Illustrissimi Princi-  
 pes, quorū unus p̄ auūculo fratrem,  
 alius p̄ magno auūculo, auuncu-

A reli-  
 quos  
 Princi-  
 pes.

SERMO SAMVELIS

lum nactus est. Nihilo minore  
 futurus est in uos beneuolentia,  
 Rex hic noster, quem præsentem  
 intuemini oculis, quam fuit ille,  
 qui nuper in Christo obdormi-  
 uit. Nihilo minore studio ratio-  
 nes utriusq; uestrum, pro uirili  
 sua, uolet adiutas, quam uolebat  
 diuus parens. Illius itaque causa  
 cum nihil sit quod doleatis, quem  
 ad sedes beatorum translatum  
 esse pie credimus, quandoqui-  
 dem nec uobis ex eius morte quic-  
 quam euenit incommodi, quum  
 eadem omnia quæ ab illo, ab hoc  
 filio eius sperare possitis & ex-  
 pectare, causa non est, quam ob-  
 rem angi animis uelitis, quod eū  
 de præsidio stationeq; uite huius,  
 summus Imperator ille noster

Deus

Deus optimus maximus, decedere iusserit. Cæterum præ alijs <sup>Ad Archiepiscopum.</sup> te anxio & sollicito animo esse uideo, Princeps Episcoporum & Sacerdotum, & huius Regni primas. Ad te enim, & ad nos qui tibi sumus à suffragijs, quin ad uniuersum potius ordinem sacerdotum, incredibilis tam sancti Regis morte mœror peruenit: Cum non Regem ac Dominum, sed patrem beneficentissimum amisisse noster hic ordo uideatur. Quis enim hoc uno nostri amantior? Quis unquæ fuit Rex, qui ministros Dei magis obseruaret? qui commoda eorum diligentius procuraret? qui iura & priuilegia defenderet acrius & propugnaret? offendebant eum

L v eadem

SERMO SAMVELIS

eadem in nobis, quæ multos offendunt. Fatendum enim est, quod res est, quod in multis offendimus omnes, omnes declinauimus & inutiles facti sumus, non est qui faciat bonum, non est usq; ad unum. Videbat hæc ille, neque potuit non offendi uitijis nostris & flagitijs, quibus magna ex parte cooperti esse uidemur. Sed non ita totus erat uitijis nostris & flagitijs contemplandis deditus, quin uideret simul, cuius nos personam quamlibet indigni gereremus. Oderat itaque fornicatores, scortatores, adulteros, auaros, sed amabat interea Sacerdotes, amabat Dei ministros, neq; propter uitia personarum, ordinẽ odio habendum aut contemnendum

*Iacob. 3.  
Psalms. 13.*

*Sacerdotum uitia*

temnendum esse putabat. Memi-  
 nerat scriptum esse: Tu quis es, *Rom. 14.*  
 qui iudicas seruum alienum: do-  
 mino suo stat aut cadit. Cum uen-  
 tum erit ad diem illum, quo nos *2. Cor. 5.*  
 omnes manifestari oportet ante  
 tribunal Christi, non quæret à  
 quoq̃ Iudex ille seuerus: Quid  
 Pontifex, quid Episcopus, quid  
 sacerdos fecerit: Sed referet unus  
 quisque propria corporis prout  
 gessit, siue bonum siue malum:  
 propria referet, nō aliena. Red-  
 det enim unicuiq̃ Deus secūdam *Rom. 2.*  
 opera sua, secundum opera ma-  
 num cuiusque retribuet cuique,  
 pro se quisque suæ uillicationis  
 rationem reddere cogetur.

Sic ergo ille cum affectus er- *Confo-*  
 ga nos fuerit, cum paterna qua- *latio ad*  
 dam *sacerdo-*  
*tes.*

SERMO SAMVELIS

dam nos beneuolentia sit prosequutus: iustam habere causam uideri possumus, quamobrem his turbulentis temporibus ereptum eum nobis esse plus alijs doleamus. Sed si quos alios, nos certe minime decet, ita nostro hoc angustiam incommodo, ne quam ille felicitatem consequutus est, postea ex hac ualle lachrymarum, ad æterna gaudia translatus est, ei parum fauere uideamur. Sed & si quis aliquid nos incommodi accepisse dormitione ipsius existimat, is mea quidem sententia longe fallitur: Mortuus est enim pater eius, & quasi non est mortuus. Similem enim sibi reliquit post se, reliquit enim defensorem domus, quem nos minime dubitare



dubitare debemus paterna uestigia persequiturū, neq̄ alio erga ordinem nostrū, quā̄m quo fuit diuus parens animo futurū. Nos modo emendemus in melius, quod non ignorantes, sed scientes peccauimus. Et quoad humana fragilitas nostra permittit, ne in offensionem hominum incurramus, sedulo providere conemur. Quamobrem et tu princeps Episcoporum Regni huius, & quotquot hic præsentes adestis, siue quibuscunque alijs in locis constituti estis Episcopi & sacerdotes, ponite lachrymas, ponite luctum, ponite mœrorem. Et ad preces pro tam benefico patre nostro fundendas, animum adijcite. Quodq̄ de Gratiano & Valentiniano

Preces  
sacerdotum  
pro  
defuncto

SERMO SAMVELIS

lentiniano Imperatoribus dixit  
olim beatus Ambrosius : Beati  
ambo si quid meæ orationes ua-  
lebunt : Nulla dies uos silentio  
præteribit , Nulla inhonoratos  
uos mea transibit oratio , Nulla  
uox non donatos, aliqua precum  
mearum cõtextione transcurreret.  
Omnibus uos oblationibus fre-  
quentabo, hoc uos nõ dicite mo-  
do, uerum etiam facite, sicut ille fe-  
cit. Hoc illi defuncto gratius est  
futurũ & utilius, quàm si fluuios  
lachrymarũ illius desiderio pro-  
fuderitis. Sancta enim & salubris  
est cogitatio pro defunctis exo-  
rare, ut a peccatis soluantur, di-  
cit scriptura : Quæ si non est in  
Canone Iudæorum, si non est in  
Canone hereticorum, fuit tamen  
semper,

2. Mac. 13

semper, & est, & erit in Canone  
Christianorum Catholicorum.

Quin & Apostolorum hæc Apostolica in-  
stitutio.  
est traditio, ut preces fiant pro  
defunctis, ut mediatoris pro il-  
lis sacrificium offeratur, sicut al-  
tero ah hinc anno, Dionysij Are-  
opagitæ, Ioannis Chrysoptomi,  
& Ioannis Damasceni, ac Isidori  
testimonio me uobis ex hoc ipso  
loco prædicare memini.

Vbi simul & illud ostendi, ante Aërius  
hæreticus.  
mille ducentos annos Aërium  
quendam fuisse, qui sicut statos  
ieiuniorum dies & ciborum di-  
scrimina, ita etiam preces pro  
defunctis damnabat, neque of-  
ferri debere pro illis oblatio-  
nes affirmabat. Atque eum  
ijs ipsis de causis ab Epiphano  
Græco,

SERMO SAMVELIS

Græco, & Augustino Aphro inter hæreticos numeratum esse, quem uos Aërium, & si qui sunt eius sectatores, qui sopitos pridem ignes nostro hoc æuo suscitauerunt, ita ut facitis, contemnite.

Autho-  
res Ca-  
tholici.

1. Tim. 3.

Et cum Dionysio Areopagita, cum Tertulliano, cum Origene, Chrysofomo, Ambrosio, Augustino, Hieronymo, Cypriano, Gregorio Nazianzeno, & magno Damasceno, Isidoro, Bernardo, Athanasio, cumq; uniuersa Catholica Ecclesia (que columna est & firmamentum ueritatis) sentientes, pro dormitione p̄i Regis & patroni uestri crebras oblationes facite, neque precari Deum pro anima illius intermitte. Etsi enim certus nō sum, tam  
bonum

bonum fuisse uitæ eius genus, ut hoc non requirat mortuus, tamen de hoc certus esse uideor, non fuisse tam malum, ut ei non profint ista mortuo. Viuens ille meruit, si forte in abditis illis receptaculis adhuc detinetur, ut hæc sibi mortuo prodesse possent.

Ita autem pro defuncto Deum deprecemur, ut & superstitis huius memoriam, neque in oblationibus, neque in precibus nostris intermittamus: Vult enim ille & currit, sed nō est uolentis, neque currentis, sed miserantis Dei. Eius itaque misericordiam supplices deprecamur, ut dirigat gressus Regis nostri, ut eum paterna uestigia persequi faciat, ad laudem & gloriam sui nominis,

Pro filio  
Regis  
orandum

Rom. 6.

M ad

SERMO SAMVELIS

ad Ecclesiæ utilitatē, ad omnium nostrū, qui eius Imperio subsimus & paremus, cōsolationem.

Ad Pro-  
ceres Re-  
gui.

Vos quoq; cæteri proceres & consiliarij Regni huius, qui loca que tenetis Regis huius beneficio tenetis, quod ille uos propter uirtutes uestras & præclara merita dignitatibus his & præfecturis honestandos & augendos putauit, si illius causa doletis, tanq; illi mortuo triste aliquid acciderit, nō modo quod doleatis nihil est, sed est potius quod uehementer lætemini. Quid em̄ illi mors fuit, nisi finis malorū, quæ multa & graua uiuens pertulit? & initiū uitæ melioris, & eius quidem perennis, ubi nulla corruptelæ  
 1. Cor. 15. contagio, nullus gemitus, nullus dolor:

dolor : ubi uera est Regio uiuentiū, ubi quod erat in eo mortale induit immortalitatē, quod erat corruptibile, induit incorruptionem. Sin autem uestra doloris causa, hic quoq; dolor superuacaneus est. Mortuus est enim pater eius, & quasi non est mortuus. Similem enim reliquit post se, reliquit defensorē domus contra inimicos, & amicis reddentē gratiam. Quare cum in confesso sit, uos amicos fuisse defuncto Regi & domino uel patri potius nostro, neque enim secus ille nobiscum quam pater cum suis liberis uiuebat, cum hoc etiam premia testentur, quibus uos propter fidem uirtutemq; uestram amplissimis affecit, si cui uestrum

M ij nondum

SERMO SAMVELIS

nondum est pro suo merito satisfactum. Reddet hic amicis gratiam, reddet gratiam bonis diui sui parentis Cōsiliarijs, quorum fidelibus consilijs factum intelligit, ut hoc ille Regnum tam florens ad se transmitteret. Vos ergo nihil nunc aliud quàm defuncto Regi requiem, huic uero superstiti gratiã Dei deprecemini, quo pari atq; ille fœlicitate Regnum hoc suum gubernet, ac ad suos quoq; posteros æque florens transmittat. Simul quę diuo parēti suppeditastis ad eam rem salubria consilia, cum hoc quoq; cōmunicate. Erit apud illum locus rectis consilijs: Neq; locus erit modo, uerumetiam gratia reddetur fidele consilium impartientibus.



tientibus. Vos quoque quotquot hic adestis equestris ordinis uiri, & quicumque alij de promiscua multitudine, qui uestrum de morte eius dolorē cum lachrymis uber-  
 tim profusis testati estis : tum quod ex quo tempore mortuus est, nullum prope diem intermisistis, quo funus illius non minore frequentia, quam sancti Martyris alicuius reliquias uiseritis, quandoquidem sæpe iam ex me audistis, nihil mali ei euenisse, qui non uitam cum morte, sed mortem cum uita commutauit : Nolite flere super illum, lætitia potius quam lachrymis uobis prosequendum, sed si flendum esse putatis super uos, & super filios uestros, est quidem ita, quod cum

Ad Eque-  
 stre  
 Ordinē.

SERMO SAMVELIS

alijs multis peccatis nostris diuinam Maiestatem offendimus grauius, tum hoc certe non leuissime, quod huic tam sancto Regi, tam benefico patri nostro, non eum plerique quem uirtus eius, quem ista dignitas merebatur, honorem habuimus. Quin facta potius a plerisque multa sunt, quibus non tam Rex ille noster mansuetissimus, quam Deus, cuius ille personam gerebat, non mediocriter offenderetur: ita, ut iustæ nos, & ex quidem graues peccatorum nostrorum poenæ maneant. Sed non in æternum irascitur Dominus, qui benignus & misericors est, patiens, & multæ misericordiæ, & præstabilis super malitia.

Huius

Huius gratia non nostris meritis factum, quod moriens ille similem sibi reliquit post se, cui satis facere nobis licet, de eo quod in patrem peccatum est. Satisfaciendi autē ratio hæc est, si quod de nostro erga parentem studio fuit diminutum, pensetur erga filium, tanto melius de eo merēdo, tantoque' fidelius & diligentius eius mandatis parendo. Id cum fecerimus, sicut certe facere debemus, quem iustum in terris habuimus moderatorem, eo in cœlis utemur pio intercessore: ac futurum est Dei benignitate, ut & hic uitam tranquillam agamus, & post hanc uitam ad eum perueniamus, qui solus via, veritas est & vita, Do-  
IOANN. 14.

M iij                    minum

SERMO SAMVELIS

Dominum nostrū Iesum Christi-  
 stum, qui cum Patre & Spiritu  
 sancto regnat Deus trinus &  
 unus per omnia sæcula sæculo-  
 rum, Amen.

*Iacob. 3.* Charissimi in multis offendi-  
 mus omnes, neq; fieri potest, ut  
 Depre- uiuat in sæculo mortalium quis-  
 catio of- quam absque offensione, quanto  
 sensarum autē fortuna alicuius sublimior,  
 tanto minus caueri potest, ne plu-  
 res offendantur. Offenduntur  
 autem iniurijs nonnulli, offen-  
 duntur alij opinione iniuriæ, &  
 habet hæc excellens fortuna, præ-  
 fertim uero potestas Regia, q̄  
 etiam benefacta, secus homines  
 nonnunquam interpretantur, ut  
 non sine causa dictum fuerit: Re-  
 gium est, male audire, cum bene-  
 feceris.

feceris. Nulla potest ferri iusta sententia, ut non queratur altera partium. Ac quæ sunt ex optimo animo, non raro profecta, & salubriter instituta, ea reprehensionem effugere non possunt.

Ego qui consiliorum sancti Regis nostri magna ex parte conscius sum, omni uobis hoc asseueratione confirmare possum, quod sciens ille & prudens neminem offendit, nullum mortalium uolens ulla affecit iniuria, si quid peccatum est, per imprudentiam peccatum est, uel quod consilij adductus rectum putauit, quod rectum non esset: uel quod parum seuerè in fontes animaduertit, quod iustitiã esse misericordiam, misericordiam esse iustitiam exi-

M v stimaret:

SERMO SAMVELIS

stimaret: uel quod extremis annis illis officio suo functus est negligentius. Ecce ego, cuius ore semper iam inde a decem annis, cogitata illius enunciari audistis, confiteor in persona eius, quod homo cum esset, errauit aliquando, quod fuit indulgentior quam expediret, in hanc enim partem peccare tutius putabat. Confiteor & illud, quod est omnium grauissimum, quod extremis uite suæ annis, fuit in iure dicendo remissior: unde multa mala orta sunt in Regno, sed in causa fuit ætas & ualetudo affecta. Multi multa passi sunt incommoda per hoc quasi iustitium, dedit multis occasionem imprecandi, qui Regem tantum eum, non autem & hominem

hominem esse uolebant : cum & Rex homo sit, eque morbis, eque senectutis incōmodis, eque morti etiam ipsi, ut cæteri mortales obnoxius. Sed ille, si quid erratū est per se, excusari non uult, quin agnoscit potius errata sua. Confitetur ea coram Deo, & coram uobis, ac per os meum, per quod uiuens enunciabat, quæ clausa in pectore gerebat, orat uos & obsecrat : Oro uos & obsecro ego quoq; indignus Episcopus, obsecro uos per uiscera misericordiæ Dei, si quid offendit quenquam per imprudentiam, si dum ille parcebat malis, sæuitum est in bonos, si cui facta est iniuria, quemadmodum factam esse nonnullis constat, quo tempore propter affectam

Humilis  
& affectuosa  
deprecatio.

SERMO SAMVELIS

ætatem & ualetudinem suam ius  
dicere non potuit : quando cer-  
tum est , animum ab iniuria fa-  
cienda abfuisse, iterū atq; iterum  
oro uos & obsecro, ignoscite ho-  
mini homines , si uobis homini-  
bus & hoc ipso peccatoribus ,  
non ab hominibus modo, uerum  
ab ipso Deo ignosci uultis, me-  
mentote eius, quod scriptum est:

*Luce 6.* Dimittite , & dimittetur uobis :  
*Coll. 3.* Date, & dabitur uobis : Donate  
illi si quis uestrū aduersum eum  
habet querelam , sicut & Domi-  
nus donauit uobis, ita & uos : re-  
cogitet unusquisque uestrum , in  
quam multis offendat & ipse :  
offendat autem , non homines  
modo, uerū etiam ipsum Deum.  
Quamobrem nolite maledicere  
Christo



Christo Domini, nolite impre-  
 cari, sed sicut uobis à Christo pec-  
 cata uestra condonari uultis, ita  
 cōdonate Christo huic Domini,  
 si quid & ipse peccauit. Sic in ex-  
 tremo quisque die suo, iustum  
 illum Iudicem & placabilem ex-  
 periat, qui nisi iustitiam mise-  
 ricordia temperauerit, quis est  
 qui sustineri possit, si ini-  
 quitates nostras  
 obseruauerit.

Psal. 29.

SANCTI

☉ SANCTI POLO.

NIÆ, ETC. REGIS SIGIS

mundi Primi Epi-  
taphium.

*Sigismundus in hoc iacet sepulchro,  
Quod uiuens sibi prouide parauit.  
Primus Sarmatiæ potens feracis,  
Hoc Rex nomine quem Iagielliana  
Ex magnis Ducibus uetus propago,  
Gestis, iustitia, fideq; clarum,  
Produxit, quibus & diu Polonos  
Rexit magnanimos, eosq; multis  
Auxit diuitijs honoribusq;  
Et tot magnificis ubiq; passim  
Structuris, ut in hac patefcit arce,  
In templis & item Deo dicatis.  
Armis atq; toga probe per omnes  
Insignis procul inde nationes,*

Veri

*Veri cultor erat, tenax honesti,  
 Et prudens, sapiens, pius, modestus.  
 In cunctis ratione semper usus,  
 Non praeceps, neq; cōcitus notatus.*

*Tandē trāsijt hinc, bis octo lustris  
 Ex hoc pondere corporis, peractis  
 Sancte sicut in hoc agebat, hoc sic  
 Est iam tempore, mortuusq; sancte,  
 Christus quo tumulum die reliquit,  
 Coniunctus superum beatitati.*

Natus Anno Domini 1467. pri-  
 ma Ianuarij. Electus 1506. octava  
 Decembris. Coronatus 1507.  
 uigesima quarta Ianuarij.

Mortuus 1548. pri-  
 ma Aprilis.

Ioannes Dantiscus Episcopus  
 Varmiensis, Domino suo bea-  
 nemerenti non sine lachrymis  
 posuit.

SERENIS  
SIMO PRINCIPI ET

Domino, Domino Sigismundo Augusto, Dei gratia Regi Poloniae, magno Duci Lituaniae, Russiae, Prussiae, Masouiae, Samogetiae, &c. Domino & haeredi, Domino suo clementissimo, MARTINVS  
Cromerus.

**I**N publico & acerbissimo omnium nostrum luctu, quem tecum pariter, Sigismunde Auguste Rex Inclyte, morte sanctissimi Regis nostri SIGISMUNDI, patris tui, nuper hausimus, nulla est  
(mea

(mea quidem sententia) maior & efficacior doloris leuatio, quàm honestissime & laudabiliter in primis ab eo actæ, & religiosè exactæ atq; positæ uitæ, beneq; & fœliciter, sapienter & cum approbatione omnium bonorum administrati Regni huius, recordatio. Qua in parte cum ego pro meo de multis bene merendi studio, opis aliquid non tibi, neque maioribus natu (qui multos annos in Repub. hac nostra, & in aula eius Regis uersati, exactius omnia norunt, & memoria tenent) sed minoribus & imperitis afferre cuperem, scripsi ei funebrem orationem siue laudationem: qua uitam eius penè omnem, resq; gestas illustriores,

N            nude

## EPISTOLA

nude & succincte, quoad fieri potuit, exponendo, non uerbis amplificando, quod per longum & non mearum sane uirium opus futurum erat, complexus sum, ut esset commentarij uice interim, dum siue à nobis ipsis in instituta historia gentis nostræ: siue, quod malim, à doctiori atq; disertiori quopiam diligentius omnia pertractentur. Nec sane desunt in hoc tuo regno, quòd multo florentius & belli et pacis artibus pater tuus reddidit, q̄ acceperat: qui, si tua benignitas accesserit, & libenter id opus suscepturi sint, & cum dignitate persecuturi. Equidem, si nihil aliud hoc labore meo assequar, certe doctiorum cessantium adhuc  
Studia

*Studia excitabo, & persequi hæc accuratè & ornatè uolentibus materiam subministrabo. Tibi uero in primis inclyte Rex, orationem hanc dicare uolui, cui meipsum non ita pridem addixi, & ad quem hæreditas paternæ gloriæ maximè pertinet: ut si quidem placebit, nonnulla, si non cum uoluptate, certe cum leuatione desiderij paterni, domestica decora recognoscas, & nostri siue ocij, siue negocij fructum, & quasi primitias quasdam delibes: Sin displicebit (quod magis credo) melioribus des id negocium, ut ne cum eorum, qui nunc uiuunt, mortalium memoria, sapientissimi & optimi patris tui laudes intermoriantur.*

*N ij* *Quanquam*

## EPISTOLA

Quanquam uiuent eæ (nisi me uanum fallit augurium) æuo sempiterno, easq; posteri nostri longe etiam quàm nos gratiore & iucundiore memoria prosequentur. Quod reliquum est, Deum precor, ut fausta tibi nobisq; omnibus Regni tui in-  
 tia esse uelit, & letioribus indies successibus id cumulet, ac diutissime incolume fortunatumq; præstet.

Cracouia nono Calend.

Aug. M. D.

XLVIII.

ORATIO



# ORATIO

MARTINI CRO-

MERI, IN FVNERE OPTIMI

& maximi Principis, Sigismundi, eius  
 nominis Primi, Polonorum, Lituanor-  
 um, Russorum, Prussorum, & Maso-  
 uiorum Regis, &c. Cracouia

habita ad VII. Calend.

August. M. D.

XLVIII.



Ntemperantius  
 fortasse, Sigis-  
 munde Auguste  
 Rex inclyte, &  
 uos Patres Am-  
 plissimi, ac cæ-  
 teri uiri undequaq; ornatissimi,  
 abuti facilitate & patientia uestra

N in uideor,

ORATIO

uideor, qui locū hunc augustum,  
 apud uos hoc tempore dicturus,  
 conscenderim: nihil neque con-  
 spectum confessumq; istum ue-  
 strum amplissimum grauissi-  
 mumq; reueritus: neq; rei, de qua  
 dicendum est, magnitudine de-  
 territus. Neq; ego ita sum hebes,  
 ut non intelligam, quid & quan-  
 tum sit, quod nunc à uobis expe-  
 ctetur: Neq; ita mihi ipse placeo,  
 ut nō perspiciam, quid à me prae-  
 stari possit.

Alexan-  
 der Ma-  
 gnus.

Quod si Alexander ille Ma-  
 gnus, Rex Macedonum, qui res  
 maximas mira celeritate & rara  
 fœlicitate gessit, neq; pingi se, nisi  
 ab Apelle, neq; fingi, nisi à Ly-  
 sippo, præstantissimis suæ ætatis  
 artificibus, passus est: quanto acu-  
 mine,

mine, quàm uaria doctrina, quàm  
 solido iudicio, qua memoria, quàm  
 ubere denique & illustri eloquen-  
 tia esse oportet eum, qui de op-  
 timi, fortissimi, sapientissimi, cle-  
 mentissimi, & pietissimi Regis  
**SIGISMUNDI**, cuius  
 nunc exequias Polonia, Lituania,  
 Russia, Prussia, Samagitia, &  
 Masouia omnis, mœsta & pul-  
 lata celebrat, laudibus & uita  
 omni, uere & pro meritis eius  
 dicere uelit: Et effigiem quidem  
 cuiusquam apte seu pingere, seu  
 fingere non maximi est ingenij  
 neque laboris, ac ne operæ precij  
 quidem. Patent omnium obtuti-  
 bus corporis lineamenta, neque  
 magnopere cuiuscumque refert, quo co-  
 lore, qua figura oris, quo corpo-

Pingere  
 aut fin-  
 gere arti  
 uetose.

ORATIO

ris totius habitu, quauē statura  
 quisque fuerit, qui inter homines  
 esse desijt: Animorum habitudi-  
 nes uitamq; omnem, non cuius-  
 uis est neque exacte perspicere,  
 neq; dicendo apte & ad uiuum  
 exprimere. Magnorum autem  
 uirorū, & excellenti uirtute præ-  
 ditorum laudes celebrare, appri-  
 me utile est uite hominum & ne-  
 cessarium: ut & illis, quoad fieri  
 potest, pro meritis suis gratia re-  
 feratur, & cæteri habeant, unde  
 uirtutis & laudis exempla petāt,  
 & quo ad benemerendum de suis  
 incitentur. Tantæ sunt aut huius  
 optimi Regis uirtutes, ut summis  
 pariter ac imis abunde exemplo-  
 rum, ad uitam recte & honeste  
 instituendam suppeditent: tanta  
 in

Vtilitas  
 ex laude  
 bonorū.

in nos & in patriã hanc nostram  
communem merita & beneficia,  
ut ea sempiterna immortalitatis  
laude cõsecrari à nobis oporteat.

Neque tamen is ego sum, qui Author's  
modestia  
id me rectissime & cum excellen-  
tibus sanctissimi illius regis uir-  
tutibus, tum perpurgatis uestris  
auribus, digne facere posse confi-  
dam. Absit hæc à me arrogantia.  
Nõ adeo effrons demensq; sum:  
Intelligo nullam in me esse do-  
ctrinam, nullum dicendi usum &  
exercitationem, nullum excellens  
ingenium, nullam deniq; memo-  
riam. Quænam uero tanta est  
cuiusquam eloquentia? in quo  
tantum flumen lectissimorũ uer-  
borum? in quo tanta uis, & ut  
ita dicam, fulmen sententiarum?

ORATIO

Excusa-  
tio insuf-  
ficientia.

in quo denique tanta memoria & pronuntiandi dignitas, ut clarissimis optimi Regis uirtutibus atque meritis par esse possit: Sed si lautis & delicatis epulis deficiamus, an ne cibarium quidem panem hospitibus apponemus? Et, si auro, gemmis, preciosaque ueste caremus, ne malo quidem coto-neo, uel scypho aquæ ex præterlabenti amne haustæ, gratitudinem animorum nostrorum sanctissimæ huius Regis animæ ostēdemus? Vetus est prouerbum, Eos qui thura non habent, mola falsa litare. Certe uel cum periculo priuatæ temeritatis & impudentiæ, non est prodenda causa publica: Neque committendum est, ut dum singuli pudori nostro

consulimus,

consulimus, cuncti, hoc extremo  
 laudationis officio in funere talis  
 ac tam bene meriti Regis preter-  
 misso, ingratitude ( ne dicam  
 impietatis ) reprehensionē apud  
 omnes gentes, quæ humanitatem  
 colunt, merito incurramus. Au-  
 dendum est igitur, & eo quidem  
 maiore fiducia, quod ihs de rebus  
 dicendum est, quæ vobis plerisque  
 omnibus eque ac mihi notæ, non-  
 nullis etiã notiores sunt: nempe  
 quas vidistis ipsi fere, & memini-  
 stis, & quarum ( ut ait Poëta qui- Vergil.  
 dam ) pars magna fuistis. Ita em̄  
 futurum est, ut me rudi & incul-  
 to, sed plano tamen sermone ca-  
 pita modo rerum attingente, ce-  
 tera vos ipsi diligentius mecū re-  
 cognoscatis, & grata iucundacq;  
 ut

ORATIO

Argu-  
mentum  
huius  
Oratio-  
nis.

ut par est, memoria recolatis. Ac de tribus bonorum generibus, quæ sola sunt laudabilia, primum externa, deinde corporis, postremo animi eius bona succincte persequar. Quod dum facio, uos mihi quæso, uiri præstantissimi, benignos uos & attentos præbeatis.

Iagello-  
num ue-  
rus &  
Regia  
Stirps.

**G**enus paternū Sigismundi a' Cazimiro est, Vladislai Iagellonis filio. Nemo est autem sic hospes in Polonia, ac in toto ferme Septentrione, cui non sit auditum de Iagellonum familia, quæ iam supra centum & quinquaginta annos apud nos regnat, a' uetustis Lituanoꝝ ducibus ducens originem. Cuius princeps Iagello, cui Vladislao nomen, bono



bono ueròq; omine, quasi qui gloria potens esset, maiores nostri indiderunt. Huius auus, tuus aut Sigismunde Auguste proauus, cum Lituaniæ & magnæ partis Russiæ dominatu potiretur, expetitus à Polonis, & ad regnum unâ cum coniugio religiosissimæ uirginis Hedwigis, demortui Ludouici Regis Vngarorum & Polonorum filie, repudiatis quibusdam alijs procis, accitus. Religioni Christianæ sese, & cunctam simul Lituaniam addixit, ditio- nesq; suas omnes Poloniæ fœdere sempiterno adiunxit: In circuranda, & à prodigiosis demonum superstitionibus ad ueri Dei cultum conuertenda gente sua agresti & barbara, permultum laboris,

Lituanorum ad Christum conuersio.

ORATIO

laboris, operæ, sumptusq; im-  
 pendit. Nec indecorum sibi du-  
 xit præpotens Rex, doctoris &  
 Apostoli munere fungi apud ru-  
 dem & uilem plebeculam, cum  
 nostri sacerdotes eius lingue pe-  
 nitus essent imperiti. In Boëmis  
 quoq; ad sanitatem priscamq; re-  
 ligionē a' multiplici errore, quo  
 se authore Ioanne Husso impli-  
 carant, reuocandis, non parum  
 operæ sumpsit: cumq; pertina-  
 ciores eos esse animaduertisset,  
 regnum ab eis delatum repudia-  
 uit. Silesios quosdam & Russos  
 duces domuit, Cruciferos Ger-  
 manos non modo Lituaniæ in-  
 hiantes, uerum etiam Poloniam  
 ipsam, parentem & nutricem  
 suam crudeliter & impie lanian-  
 tes,

Vladislaus  
 Regis  
 gesta.

tes, clarissimis aliquot uictorijs  
 repressit, uictis fractisque pacem  
 æquis conditionibus dedit. Erat  
 enim singulari lenitate & man-  
 suetudine, ad remittendas offen-  
 sas perfacilis, & supra modum  
 credulus: quippe qui fallere ne-  
 minem ipse consueuisset. Quo  
 magis obnoxius & opportunus  
 fuit dolis & iniurijs cum Sigis-  
 mundi Cæsaris, tum Vitaudi &  
 Suitrigali proximorum suorum, de  
 quibus erat bene meritus. Per  
 quos factum est, ut in admini-  
 strando regno plusculum habe-  
 ret negocij. Huic decrepita ualde  
 ætate, cum duo de quinquaginta  
 annos regnasset, uita defuncto,  
 de duob. filijs impuberibus, quos  
 e quarta uxore Sophia Russa  
 Kiouiensium

ORATIO

Duo eius  
filij.

Kiouiensium Ducis filia suscep-  
rat, maior natu Vladislaus in re-  
gno successit, is, qui Vngarorum  
quoque regno suscepto, & profligatis  
summa cum gloria aliquot  
Turcarum exercitibus, cum prius  
ad Macedoniae, deinde ad Thra-  
ciae fines, hosti pacem petenti for-  
midabilis, cum animosiore quam  
ualidiore exercitu penetrasset,  
apud Varnam inter confertissimi-  
mos hostes incautius dimicans,  
certam propemodum uictoriam  
cum uita pariter amisit, cum un-  
decim ferme apud nos, apud Vn-  
garos uero non totos quinque  
annos regnasset.

Cazi-  
mirus  
Rex.

Post hunc Cazimirus natu mi-  
nor frater, tuus Sigismunde Au-  
guste auus, regnum hoc suscepit:  
cui

cui peruaſtata à Tartaris (tametiſi proſtigatis ſemel atq; iterū) Po-  
dolia & Ruſſia, & amiſſus per  
defectionem ad Moſchos domi-  
natus Seuerienſis, ac domeſtici  
motus, ſeu uerius offenſæ uolun-  
tates multorū, propterea quod  
Lituanis pluſculum indulgeret,  
malisq; conſultoribus uteretur,  
non parum de paterna felicitàte  
detraxere. Pruſſiam tamen &  
Pomeraniam per deditio-  
nem recepit. Cruciferis foederum non  
tenacibus poſt tredecim annorū  
bellum ſupplicibus, & iureiuran-  
do in uerba ſua & poſteriorū ſuo-  
rum Regum Poloniae adactis,  
relicta parte Pruſſiae pacem de-  
dit. Valachorum Palatinum bel-  
licoſiſſimū Stephanum, in clien-

O

telam

ORATIO

relam accepit, & in consilio suo  
 locum ei dedit, ac magno ei ad  
 profligandos Turcas adiumento  
 fuit: cum Vngaris & Boëmis ua-  
 rio Marte bella gessit. Filios  
 sex, & septem filias ex Elizabe-  
 tha Alberti Cæsaris filia, Ladis-  
 lai Vngarorum & Boëmorum  
 Regis sorore, fœmina honestis-  
 sima & religiosissima, suscepit.  
 Ex his uiuens Vladislaum natu  
 maximum Boëmis, Cazimirum,  
 ac deinde Ioannem Albertū Vn-  
 garis Reges, dedit. Sed utroque  
 hoc dissensione partium deserto,  
 Vngariam quoq; Vladislaus ob-  
 tinuit. De quo nati, Ludouicus  
 quidem filius, bimulus uiuente  
 patre coronatus, cum ei exacta  
 ætate mortuo, in utroque regno  
 successisset,

Filij eius  
 sex, &  
 filia  
 septem.

Ludoui-  
 cus Rex  
 nouiss.

successisset, iuuenis admodum,  
 Turcico bello ante unum & ui-  
 ginti annos apud Mohatium mi-  
 serabiliter perijt. Anna uero fi-  
 lia cum Ferdinando Cæsare, qui  
 post Ludouicum apud Vngaros  
 & Boëmos regnat, nupta, tribus  
 filijs præclaræ indolis, & nouem  
 filiabus superstitis relictis, an-  
 no abhinc altero parturiens, diē  
 clausit extremum. De supra me-  
 moratis uero duobus filijs Ca-  
 zimiri Regis, Cazimirus quidē,  
 iuuenis castissimus atq; religio-  
 sissimus, in Lituania immaturam  
 mortem obiit, non sine celebri  
 sanctimonie fama, quam cōplura  
 miracula ad sepulchrū eius ædi-  
 ta confirmarunt: Ioannes Alber-  
 tus post patrem octo et amplius,

Anna  
 soror  
 eius, &  
 uxor Fer-  
 dinandi  
 Regis  
 Ro. &c.

Cazi-  
 mirus fi-  
 lius Ca-  
 zimiri  
 sanctus.

O ij dende

ORATIO

deinde hunc secutus Alexander, quinque annos regnarunt: Ille quidem maximi animi, sed ante susceptum regnum, quam regnans foelicior: Hic a Moschis apud Vedrusios uictus, eisdem apud Oposcam, Tartaros uero Tauricos apud Clecicum paucis ante mortem diebus insignibus praелиjs profligauit: Uterque extincti propere, credo ut digniori cederent: Post hos Sigismundus hic noster natus est. Hunc secutus Fridericus, sacris initiatus, Archiepiscopus Gnesneñ, simulque Episcopus Cracouiensis, & S. Romanæ Ecclesiæ Presbyter Cardinalis fuit.

Fridericus Cardinalis.

Porro filiarum Cazimiri duæ immature mortuæ, Hedwigis Georgio



Georgio Duci Bauarorum : Sophia Friderico Marchioni Bran-  
 deburgensi : Anna Boguslao Po-  
 meranorum : Barbara Georgio  
 Saxonum : Elizabetha uero , pa-  
 tre mortuo, Friderico Legnicien-  
 sum & Bregensium Ducibus ma-  
 trimonio iunctæ fuere, & om-  
 nem pene Germaniam affinitati-  
 bus & propinquitatibus illustri-  
 um uirorum & mulierum, quas  
 enumerare perlongum esset, no-  
 bis deinxere. Sed ad institutum  
 nostrum reuertamur. Hoc igitur  
 Sigismundi genus compluribus,  
 quemadmodum uidetis, præcla-  
 ris principibus ac regibus fœcun-  
 dum fuit. Atque is ab ineunte  
 primum pueritia, unâ cum alijs  
 fratribus, ab honestissima & re-  
 ligiosissima

Filiarum  
 Cazimiri despon-  
 satio.

Educatio  
 Sigis-  
 mundi.

O iij ligiosissima

ORATIO

ligiosissima matre sancte ac temperanter educatus, & a præceptoribus, uiris eruditis, bonis, grauius, & pijs, ad uirtutem in primis & pietatem, cultumq; diuinum institutus, in literis quoque non contemnendos progressus fecit: ita, ut Latine scribentes & loquentes sine interprete intelligeret, nec incommode ipse ea lingua uteretur. Germanicam uero, cuius propter finitimos atque etiam incolas Germanos, non exiguus est usus apud nos, exactius didicit. Porro in diuinis scripturis ita fuit exercitatus, ut multa inde senior meminisset, ac sæpe eas in ore haberet, non ad scurrilem iocum aut ad curiosam disceptationem, ut nunc improbus, ne dicam

Pius usus  
sacrarum  
literarū.

dicam impius, mos inoleuit, sed serio & ad moderandas actiones uitamq; omnem: Eoq; timorem Dei, iustitiam, & uirtutem maxime semper præ oculis habuit. Permultum enim refert, quibus rebus quis ab ineunte ætate assuefactus fuerit. Nec scio, an ad uitã sic uel sic degendam longe plus faciat, quo modo quis a puero educatus & institutus, quàm quomodo natus sit. Solent enim plerunq; etiam bonæ & generosæ indoles, praua, atq; adeo negligentiore quoq; educatione deprauari: uitiosam uero naturam sæpe bona educatio corrigit. Sic igitur educatus Sigismūdu, adolescens singulari indole, modestia, comitate, grauitate, & in-

Educatio  
nis bonæ  
utilitas.

O iij dustria,

ORATIO

dustria, quæ res maxime ætatem  
 illam commendant, magnam sibi  
 non modo nostrorū hominum,  
 sed etiam externorum, Vngaro-  
 rum inquam, Boëmorum, Sile-  
 siorum, & Germanorum, cum  
 quibus uixit, beneuolentiam ad-  
 iunxit. Nam cum regnante Io-  
 anne Alberto fratre post patrē,  
 iuuenis in Vngariam ad Vladif-  
 laum alterum fratrem se contu-  
 lisset, ibi ea dignatione fuit, ut Vn-  
 gari & Boëmi magis eum pro-  
 pemodum, quàm Regem suum  
 reuererentur: per eum, quæ cu-  
 perent, publice & priuatim à re-  
 ge peterēt: eius authoritati & iu-  
 dicio libenter starent. Vsq; adeo  
 maiorem uim habet ad tenendos  
 in officio etiam feroces homines,  
 æquitatis,

Favor  
 Sigis-  
 mundi  
 apud  
 Vnga-  
 ros &  
 Bohe-  
 mos.

æquitatis, grauitatis, constantiæ,  
 & sapientiæ opinio, quàm regiũ  
 sceptrum, quàm etiam carcer, bo-  
 norum confiscatio, proscriptio,  
 uirgæ deniq; & secures. Itaq;  
 magno omnium fauore, Glogo-  
 uensem & Opauensem domi-  
 natum, & summam utriusq; Sile-  
 siæ præfecturam a Vladislao fra-  
 tre obtinuit: Adeoq; charus ac  
 uenerandus fuit Silesijs, ut hodie  
 etiam eius imperium grata & iu-  
 cunda memoria prosequantur.

Suprema  
 præfe-  
 ctura Si-  
 lesiæ.

Quid illud, nonne ingens est  
 bonæ existimationis & beneuo-  
 lentiæ hominum erga eum docu-  
 mentum, quod cum regnaret iam  
 in Polonia, a Suetijs post eiectũ  
 Christiernum Regem, & item ab  
 Vngaris atq; Boëmis, post mise-

Regna ei  
 oblata,  
 sed non  
 accepta-  
 ta.

O v rabilem

ORATIO

rabilem Ludouici fratris filij interitum, ut illa quoq; regna susciperet, expetitus est: Neq; deterrebat Suetios tanta terræ marisq; intercapedo, quanta à nobis disiunguntur, ac ne Vngaros quidem & Boëmos pacta conuenta cum Maximiliani Cæsaris liberis, aut Caroli & Ferdinandi maximorum principum potentia, si Sigismundus delatū sibi regnum suscipere uoluisset. Apud suos uero quàm gratiosus fuerit, uel illud permagno argumento est, quod Ioanne Alberto Rege mortuo, prælatus fuisset procul dubio in regno, maiori natu fratri Alexandro cunctorū suffragijs, nisi plus publica quies atq; tranquillitas, & uetusta cum Lituanis,

Gratio-  
sus apud  
Polonos.

nis, quos iam Alexander ditione tenebat, fœdera ualuisse. Iam uero quantum ei honorē summi quique principes habuerint, redite quæso mecum paulisper in memoriam. Primum enim Maximilianus Cæsar non minoris animi, quàm prudētiae princeps, dudum hostis acerrimus, post celebrem illum congressum Viennensem, eo ipsum honore prosequutus, ea charitate complexus est, ut in loco fratris deinceps eum haberet: eius gratia fœdus cum Basilio magno Moschorum Duce iētum respueret, ac non modo non defenderet contra Sigismundum Cruciferos in Prussia, quos defendendos susceperat, uerum etiā auxilia ei contra illos,

Amicitia  
cum Ma  
ximilia  
no Imp.

ORATIO

illos, si quid noui molirentur,  
suo, nepotumq; suorum nomine  
promitteret. Qua de re extat  
apud nos diploma eius.

Amicitia  
cum Ca-  
rolo V.  
Imp.

Huius uero nepos Carolus,  
qui nunc late & foeliciter impe-  
rat, nonne hunc Sigismundo ho-  
norem habuit, ut inclyte huic Re-  
ginæ Bonæ, uxori eius coniun-  
ctissimæ, Barensem principa-  
tum, quem post obitum matris  
eius in potestatem suam redege-  
rat, redderet? ipsum societate sua  
et aureo uellere ultro dignaretur,  
sæpe honorificentissimam eius  
mentionē faceret? neq; unquam  
Cruciferis & alijs Germanis bel-  
lum contra eum flagitantibus in-  
Lascius: dulgeret? Adest hic uir clarissi-  
mus Stanislaus Lascius Palati-  
nus



nus Siradiensis, haud ita pridem  
 apud illum potentissimum Im-  
 peratorem legatione functus.  
 Ad sunt item uiri præstantes, Pe-  
 trus Opalenius Castellanus Gne-  
 señ. Stanislaus Borgius, De- Borgius.  
 canus Cracouiensis. Nicolaus  
 Myscouius Regiæ mensæ stru-  
 ctor. Vellem adesset etiã uir eru-  
 ditissimus Ioannes Dantiscus, Dan-  
 Episcopus Varmiensis: qui om- tiscus.  
 nes idem munus apud eundem  
 Imperatorem cum laude supe-  
 rioribus temporibus obierunt.  
 Ex his cuiq; licet discere, quanto-  
 pere ille princeps maximus &  
 grauiissimus Sigismūdum Regē Amicitia  
 obseruarit. Quid frater eius, cum Fer  
 Ferdinandus Cæsar & Rex po- dinando  
 tentissimus: nonne plurimum Rege &  
 eum Cæsare.

ORATIO

eum & amauit, & coluit: nonne  
 eius arbitrio cōtrouersiam suam  
 cum Ioanne Rege de regno Vn-  
 garorum permisit: Non dico,  
 quibus uerbis & rebus præte-  
 rea sæpenumero idem Rex quan-  
 ti Sigismundum faceret, declara-  
 uit. Possem autem non uano ru-  
 more accepta referre, sed quæ  
 cum de grauibus uiris accepi, tum  
 ipse explorata habeo, cum nuper  
 ad illum à te Rex Sigismunde  
 Auguste cum Nicolao Radiuilo,  
 uiro illustri & acuto, Lituaniæ  
 summo Marsalco missus essem.  
 Ne illud quidem commemoro,  
 quanto animi dolore idem nu-  
 per Sigismundi nostri mortem  
 prosecutus, quantoq; studio pa-  
 riter & apparatu exequias ei in  
 maxima

maxima principum Germaniæ  
 celebritate fecisse dicitur. Vt au-  
 tem & Gallorum Regem Fran-  
 ciscum, qui anno superiore de-  
 cessit, Iulium secundum, Leonem  
 decimum, Clemētem septimum ;  
 & hunc, qui nunc præsidet, sapi-  
 entissimū Paulum tertium, Pon-  
 tifices maximos præteream, quo-  
 rum illustria habiti huic Regi ho-  
 noris documenta commemorare  
 possem : ut magnorum item &  
 grauium quorundam Germaniæ  
 principū perhonorifica de ipso  
 elogia, quæ ipse his auribus au-  
 diui nuper, omittā. Barbari non-  
 ne eum præ cæteris regibus &  
 monarchis reueriti sunt ? Quo  
 enim rege cultior & populosior  
 fuit Rulsia & Podolia ; hoc est,  
 quo

Amicitia  
 cum ma-  
 ximis  
 Regibus  
 & Pon-  
 tificibus  
 Rom.

ORATIO

quo rege quietiores fuere Tartari, prædis & rapto alioqui uiuere soliti? Quid ego dicam de Turcis, qui felicitàte sua elati, omnes homines atq; gentes præ se contemnunt? An non Solimannus bellicosissimus & felicitàssimus eorum Imperator, cum eo perpetuum foedus percussit, & religiose coluit? negare id alijs postulantiibus, aut ad tempus modo concedere, nec admodum superstitiose seruare solitus. An non Valachis ac Tartaris uectigalibus suis, ne Sigismundi Regis ditio- nes infestarent, edixit? An non idem huic etiam eius filio Sigismundo Augusto per Petrum Opa- lenium, & Ioannem Ocessium Castellanum Bieensem, uiros or-  
natos,

Cum  
Soli-  
manno.

natos, pacē & amicitiam in gratiam patris promisit? An non eiusdem intuitu, filiam eius Isabellam reginam uiduam, nepotemq; hæcenus incolumes esse barbarus Tyrannus passus est? qui ne ad Valachiam quidem adspirasset, nisi eum intempestiuæ, ne quid aliud dicam, dissensiones nostræ animassent. Quid Selimus Solimanni huius pater, ferrox & in patrem etiam suum impius, an non Sigismundi amicitiam splendida legatione olim expetiuit? Nimirum admirabantur in eo cuncti uirtutem, gravitatem & cōstantiam singularem: reuerabantur etiam nonnihil eius fœlicitatem. Quis enim tot annorum spacio, in tanta orbis ter-

Cum Sc  
li. 1. o.

Regnum  
florens et  
pacatum

P

rarum

ORATIO

rarum perturbatione foelicius eo  
 regnauit? quis regnum, superio-  
 rum regum infœlicitate diuexa-  
 tum ac deformatum, aut pacatius  
 administrauit & retinuit, aut flo-  
 rentius & opulentiùs reliquit?  
 Quis tot ac tam difficilia bella  
 tam secunda fortuna, tantaq; ce-  
 leritate confecit? Commemo-  
 rantur à ueteribus scriptoribus  
 Cyrus Persarū, Alexander Ma-  
 cedonum, Mythridates Ponti,  
 Carolus magnus Germanorum,  
 maximi & fortunatissimi Reges.

Duces  
 bellorum

Celebrantur Alcibiades, Co-  
 non, Themistocles, atq; Timo-  
 theus Atheniensium; Agesilaus,  
 Pausanias, Lyfander Lacedæ-  
 moniorum; Pelopidas, & Epa-  
 minundas Thebanorum; Hanni-  
 bal

bal & Afrubal Carthaginiensiu:  
 Romanorum uero ( ut multos  
 omitam ) Fabij, Scipiones, L.  
 Lucullus, Gn. Pompeius, & C.  
 Cæsar, clarissimi Duces & Im-  
 peratores. Ne nostrorū quidem  
 Boleslaorum & Vladislaorum  
 obscura est gloria. Verum illi  
 omnes partim cum imbellibus  
 populis rem habuerunt, partim  
 bello fœlices, ceteris rebus infor-  
 tunati fuerunt: partim cladibus  
 uictorias propemodum adæqua-  
 runt: partim etiam aliquousque  
 à fortuna euecti, in medio cursu  
 destituti, & ad extremum sæuis  
 eiusdem procellis obruti sunt.  
 At Sigismundum nostrum ab  
 initio ad finem usque secundo fla-  
 tu fortuna profecuta est.

Fortu-  
 natissi-  
 mus Rex  
 Sig. II.

P ij Cum

ORATIO

Bellicosa  
gentes.

Cum quibus uero bella is gef-  
lit. Nempe cum potentissimis  
Moschis, terocissimis Tartaris,  
acerrimis Valachis, fortissimis  
Germanis, cum Turcis denique,  
uel ipsa uictoriarū perpetuitate  
formidabilibus. Quarum gen-  
tium ualidos exercitus uel insi-  
gnibus prælijs uicit & profliga-  
uit, atq; adeo deleuit etiam, uel  
castris exiit, uel deniq; regiones  
earum impune uastauit. Quas-  
dam etiam domuit.

Victi ab  
eo Tar-  
tari diuer-  
sis prælijs.

Atq; ut a Tartaris perpetuis  
nostris hostibus incipiam. Ho-  
rum quidem non contemnendos  
tres exercitus apud Sluscum tri-  
bus prælijs Duce Constantino  
Ostrogio, principe omnium sæ-  
culorum memoria dignissimo,  
ad



ad interneccionem penè cecidit. Deinde apud Visnoueciam uiginti quatuor millia, cum se per Russiam populabunda diffudissent, sexies fusa leuibus & particularibus prælijs, ad extremum tota acie in abeuntes facto impetu, Nicolao Camenecio Palatino Cracouiensi, & eodem Constantino Ducibus profligauit, cum nostri sex millium equitum numerum non excederent, de quibus uix centum eo prælio desiderati sunt. Hostium uero multo minor pars pernici fuga euasit.

In Valachia quoq; ante multos annos a Bogdano Palatino, huius Regis auspicijs & armis ñdem hostes graui prælio uicti sunt. Ne illæ quidem ignobi-

ORATIO

les uictoriæ sunt, quæ apud Vo-  
ronouiam Ioanne Camenecio,  
apud Buscū Stanislao Lanscoro-  
nio, apud Zincouiam arcē Iaco-  
bo Sencignouio atq; iterū Pala-  
tino Kiouiensi, in Volinia Con-  
stantino & Ostapheo ter, apud  
Ossacouiam hostilem arcem eo-  
dem Ostapheo & Prædislao  
Lanscoronio ducibus, & quæ in  
Podolia Trebinij, quæq; apud  
Camenecia & Verestatincium  
pagum, & compluribus alijs in  
locis Nicolai Senauij uiri fortis  
& magnanimi, qui nunc Palati-  
nus Belsensis est, ductu, & fratrum  
eius, Alexandri & Procopij, ac  
Bernardi Prætificij Silesij opera  
partæ sunt. Nam leuiores cum his  
apud Trebowliam, Podhaici-  
am,

am, Medibozū, & multis alijs in locis prospere item gesta certamina, sciens uolensq; prætereo, ne sim longior. Tot em̄ fere sunt, quot excursions ea gens rapacissima & famelica, & uel è flamma, quod dicitur, cibū petere solita, in ditiones eius ipso regnante fecit. Perraro em̄ impune id abstulit. Quid illa apud Caniouiā in Lituania ante unum et uiginti annos, nonne omnibus sæculis est memorabilis uictoria, qua uiginti sex millia Tartarorum eodem illo Constantino Duce parua manu profligata sunt ?

Cum Turcis nullum hic Rex aperte bellū gessit, sed tamen aduersus eos, cū uel Tartaris inter-

Bella cū  
Turcis  
gesta.

mixti è Podolia prædas agerent,  
P iij uel

## ORATIO

uel Valachis opem ferrent, uel  
 deniq; nostros circum Bialogro-  
 dum, quod & Moncastrum uo-  
 cant, populabundos insequeren-  
 tur, cum ab alijs, tum à Prædis-  
 lao Lan coronio Regis huius au-  
 spicijs prosperè dimicatum est.  
 Bis contra eosdem in Vngariam  
 Ludouico Regi missa auxilia,  
 quo quidem utroq; tempore, uti-  
 nam prius quidē uiro illustri &  
 incomparabili Ioanni Tarnouio,  
 earum copiarum ductori, poste-  
 rius uero Gnoinio obtempera-  
 tum esset, Vterq; Turcica arma  
 uiresq; periclitatus erat in Podo-  
 lia, cum illi inde, irritati à no-  
 stris, aliquoties prædas egissent.  
 Sed magis comes Tarnouius,  
 cuius præclara uirtus enituit, quo  
 tempore

Illustris  
 bellorum  
 Dux  
 Tarno-  
 uus Co-  
 mes.

tempore Turcæ ad tredecim mil-  
lia, Podoliã & Ruffiam ad Leo-  
polim usq; & fines Vngarię ferro  
igniq; uastantes, tria millia, plus  
minus, de fuis, particularibus ali-  
quot prælijs fusi, amifere. Quod  
fi idem robur animi fuiffet in eo,  
penes quem tunc erat militare im-  
perium, potuerat exercitus ille  
cunctius deleri. Taceo duodecim  
millia Turcarum in Austria, ante  
quindecim nifi fallor annos, no-  
stratum trium millium opera &  
uirtute in primis pene ad interne-  
cionẽ deleta. Nam ij tunc quam-  
uis Sigismundo regnante, tamen  
non publice, neque Sigismundi  
auspicijs, fed Caroli Cæfaris &  
Germanorum ftipendijs milita-  
runt. Iam Valachos dolis atque

P v artibus

ORATIO

artibus usitatis fretos, & clade  
 nostrorum Ioanne Alberto re-  
 gnante apud Bucouinam syluam  
 accepta, Turcarumq; ac Tartaro-  
 rum auxilijs tumentes, quanta  
 non modo foelicitate, uerũ etiam  
 celeritate uicit, ac domuit, cæsisq;  
 eorum copijs, uastatis longe la-  
 teq; agris, senatu pene omni cap-  
 to, Bogdanum regulum gentis,  
 quem Vaiuodam & Palatinum  
 uocant, restituentem prædam,  
 quam paulo ante in Rufsia cepe-  
 rat, in uerba sua iurare coëgit: &  
 amissam maiorum suorum culpa  
 Pocutiam, ab eo recepit. Nostra  
 uero memoria, cum Petrus Pala-  
 tinus rebellasset, Pocuciamq; rur-  
 sus inuasisset, primum sex millia  
 hostiũ apud Guosdeciam arcem,

ac mox uiginti duo millia apud  
 Obertinū pagum uix à quatuor  
 millibus nostrorum, duce hoc  
 Ioanne comite Tarnouio, uiro  
 clarissimo & primario bellato-  
 re, insigni & inopinata clade pro-  
 fligata sunt, erepta cum bombar-  
 dis cætera impedimenta, Palati-  
 nus ipse faucius uix fuga euasit.  
 Nec tamen ad officium redijt, do-  
 nec postea in arce Chocimensi  
 obsessus, et ad extrema redactus,  
 solenne una cum Proceribus &  
 cuncta nobilitate sua Regi iusu-  
 randum dedit. Porro cum  
 Germanis Prussiam sibi uendi-  
 cantibus, quo tempore tu Sigif-  
 munde Auguste natus es, bellatū  
 quidem uarie, sed nunquam, nisi  
 prospere à nostris dimicatū est.

Bella cū;  
 Dominis  
 Crucife-  
 ris Ger-  
 in antæ  
 gesta in  
 Prussia.

Nempe

## ORATIO

Nempe apud Prusmarcum, Zeburgam, Gutestadium, Brunbergam, Reslam, & Rastemburgam, à Jacobo Sencignouio, apud Pilsiam à Stanislao Masouiorum duce, in sinu Varmiensi nauali prælio à Gedanensibus, bis apud Bartensteinam, sæpius à Prædislao Lanscoronio & Ioanne Zarembo Palatino Calissiensis multis in locis, apud Heilbergam ab Alexandro Ilouio, Gedani & Elbingæ, cum eas urbes adorti essent, à ciuibus fusi & profligati: Ad extremum tot cladibus & inedia, uigilijs & iugi nostrorū equitum uexatione fracti & ad paucos redacti, Prussia excessere.

Quid ego de Moschis loquar?  
qui



qui uel præcipuam gloriæ & ui- Victoriæ  
 ctōriarum materiam huic regi de Mo-  
 præbuere: Apud Poloscū, olim selis  
 quidem septem millia hostium a actæ.  
 Ioanne Boratinio, uiro acri &  
 animoso, interfecta: Deinde uero  
 tredecimo ab hinc anno, cum ij  
 Lituaniam non amplius decem  
 & octo milliarijs a Vilna Metro  
 poli, hiberna excursionē depopu-  
 lati, reuertentur, mille extremi  
 agminis, quos solos Lituana no-  
 bilitas cum aulico Regis comita-  
 tu, tumultuarij accurrens, assequi  
 potuit, trucidati. Superiori etiam  
 quodam tempore in interiore  
 Lituania prædabundi, magnum  
 suorum numerum, & prædam,  
 quam abigebant, Lituanis inse-  
 quentibus, amisere, iam apud Sta-  
 rodubum

ORATIO

rodubū, Radogostiam, & apud  
 Smolenscum aliquoties ante tre-  
 decim annos, ductu Georgij Ra-  
 diuili Castellani Vilnensis, non  
 sine magnis cladibus profligati.  
 Apud Orsam uero cum primum  
 Sigismundus regnare cœpisset,  
 ne expectare quidem nostros,  
 dum Boristhenem tranarent, su-  
 stinuere, experti uim eorum in  
 una & altera turma, quæ primo  
 impetu incredibili audacia traie-  
 cerant: Verum dilapsi, cum ua-  
 stari sua ultra Vefmā etiam atq;  
 Drohobusum cernerent, denuo  
 coadunati ad centum millia, ne  
 adoriri quidem ter mille no-  
 stros mercenarios milites, cum  
 paucis Lituanis longius à castris  
 regijs ad Smolenscum positis  
 progressos

progressos, ausi sunt. Magnis uero incommodis affecti, Mosiro, Turouio, & alijs quibusdam munitiōibus, quas dudum Michaël Glinscius ad eos per fugiēs interceperat, cōmutatisq; captiuo quinquaginta nobilioribus ac senatorij ordinis, quos de Lituania Alexandro Rege uicto apud Vedrusios ceperant, pacem accipere. Nec maiore n̄ fuere fiducia longe post, cum Radogostiam, ac deinde Ioanne Tarnouio nostros ducente, Homiam & Starodubum arces a nostris partim ui captas, partim in deditiōnem acceptas, amisere. Et Starodubū quidem, cum amplius quindecim millibus armatorum, qui fuerunt in eius arcis præsidio: qui soli nostrorum

ORATIO

nostrorum numerum longe superabant, uirtute perpaucorum militum nostrorum, & sulfurati pulueris ignisq; adiumento expugnatum & euerfum. Neq; uero in tanto temporis, hoc est, plus q̄ uiginti annorū interuallo, quantum inter Orfensem pugnam, de qua iam dicam, & hoc extremum Starodubense bellum intercessit, abiectos semel spiritus recipere potuere. Orfensem uero illam celeberrimam, & cum omnibus fere omnium gentium atq; sæculorum uictorijs comparandam, uictoriã, quid hic pluribus commemorare attinet. Eadem opera Soli lumen adderem. Quis enim est, qui nesciat illo prælio, Constantino Ostrogio principe & Ioanne

Orfensis  
de Mo-  
schis me-  
morabi-  
lis uicto-  
ria.

Ioanne Suirfouio ducibus, octoginta millia Moschorum bellatorum, qui omnem nostrum exercitū nō modo proterere posse uidebantur, uerum etiam Boristhenem tranare passi, pecudum in modum flagris abigere in Moscouiam destinarāt, ingenti strage interfecta esse: ita, ut desideratorum numerus ad quadraginta fere millia peruenisse, uel certe duo & triginta millia superasse dicatur. Ductores eius exercitus, uiros illustres, omnemq; senatū gentis & supra quatuor millia captiuos uiuos in potestatem uenisse, direpta castra opulentissima: ducem ipsum Basilium bellatorem exercitatum, & contra Tartaros & alias gentes finiti-

Basilius  
Moscouitorum  
princeps.

Q mas

## ORATIO

mas uictoriosum, usq; ad regiam suam Mosquam profugisse, atq; ibi amplius centū & uiginti miliaribus bene longis a loco conflictus, tamen uix tuto se subsistere posse credidisse. Tantus uero tunc pavor Moschorum animos occuparat, ut Smolenscum Seuerum, Nouogrodum, & complures alias munitiones, quæ ferè fraude & perfidia Russorum, partim hoc ipso rege regnante, partim superioribus temporibus in potestatem hostium uenerant, desertas tunc ac uacuas defensoribus, nullo negotio recuperare nostri potuerint, si profèqui statim uictoriam per tempus anni quiuissent. Atq; hæc quidem sunt bellica huius regis de-  
cora

eora præcipua (Nam leuiora multa prætereo, ne anxie & minutatim cuncta exquirere & persequi uidear) Quæ quidem hoc sunt admirabiliora, quo magis inopinata: utpote in summa ærarij inopia, & plæracq; omnia longe imparibus uiribus gesta: ita, ut bene cum nostris agi uideretur, quoties non plus duplo hostium multitudo excederet. Has tot ac

Clades  
 pauca  
 & parua  
 in tot  
 bellis.

tantas uictorias, tanta imparitate copiarum quæsitæ, nihil mirum est, ut est rerū humanarū conditio uaria & instabilis, si quæ clades interpolant. Sed quotnam, & quantula sunt egr: Vna apud Scytharum à Tartaris, temeritate Russicæ nobilitatis accepta, ubi quatuor fortasse millia nostrorū a

Q. ij. quadra-

## ORATIO

quadraginta millibus Tartarorū  
loci opportunitate usorum, de-  
fatigata uerius quā superata,  
non incruentam hostibus uicto-  
riam cōcessere. Nostri mille du-  
centi desiderati, barbarorū uero  
cæsa quatuor millia. Itaq; raptim  
ñ cum præda, quamuis uictores  
retrocessere. Altera apud Sere-  
thum amnem, cum perpauci no-  
stri in hostico palantes, a Vala-  
chis circumfusis oppressi sunt:  
Vbi tamen non plures ducentis  
nostris periere. Nam cum perua-  
stata longe lateq; circum Psico-  
uiam siue Plescouiam Moscouia,  
ab oppugnatione Oposcæ a ua-  
lido hostium præsidio reiecti fu-  
mus, ignominia illa uerius, quā  
clades fuit, ductorum ineitia &  
incuria



incuria (nolo dicere ignauia) accepta. Amissa uero magna pars Albæ Ruffiæ Michaëlis Glinfcij hominis ambitiofi, & Alexandri Regis gratia inflati, proditioni, & Rufforum atq; Præfidiariorum militum perfidiæ, imputanda eft. Porro apud Ozacouiam, cum uir imprimis ftrenuus, Nicolaus Senauius eo ufq; cum mille, opinor, equitibus priuato confilio populabundus excurriffet, priuata illa, non publica clades fuit, credulitate eius, & perfidia Tartarorum contracta. Hæ funt uniuersæ clades, quas Sigifmundo regnãte accepimus: quæ omnes una aliqua ex his, quas fuperius percurrimus, uictorijs abunde expiatæ & compensatæ funt:

Q iij. Nec

ORATIO

Nec scio, an quasi neuuli quidam  
 formosum corpus, uel nubecule,  
 meridianum solem, tot illas cla-  
 rissimas uictorias illustriores  
 reddidere. Bello ne autem tan-  
 tum clarus, an etiam pace Sigif-  
 mundus fuit? Immo' uero pace,  
 quam semper expetiuit, clarissi-  
 mus. Testantur id tantæ opes &  
 facultates hominum nostrorum,  
 tam opulenta cum externis com-  
 mercia, tantus splendor, ne di-  
 cam luxus, tanta elegantia cum in  
 ædificijs & uictu, cultuq; corpo-  
 ris, tum in sermone & moribus,  
 quanta nunq; ante hunc regem in  
 Polonia fuit. Loquuntur leges  
 diligentius aliquanto cōscriptæ,  
 clamant tot arces instauratæ, tot  
 exornata templa Dei Opt. Max.

Clarior  
 pace q̄  
 bellis  
 Sigif.

Tam

Tam splendide & magnifice ex-  
 ædificata publicis iuxta ac priua-  
 tis ædificijs Cracouia, Posnania,  
 Leopoldis, Varsouia, Lublinum,  
 Gedanum, & aliæ quedam urbes  
 atq; emporia: Tam deniq; culta  
 & habitata Ruffia, Pruffia, Lit-  
 uania, & Podolia, quæ regiones  
 antea fylueftres & incultæ, aut  
 superiorū temporum conditione  
 defertæ magna ex parte iacuerāt.  
 Quid ego priuatos Sigismundi  
 thefauros, & ærarium sine ulla  
 cuiusquam iniuria, in extremos  
 Reipub. ufus afferuatū? quid tot  
 ac tantas poffeffiones à maiori-  
 bus eius oppigneratas, ab hoc ue-  
 ro redēptas, cōmemorē? Hæc eo  
 funt maiora, & magis honorifi-  
 ca, quo fœdius fuit ac deformius,

Urbes  
 opulentæ  
 ſub Sig.

Regio-  
 nes bene  
 cultæ.

Theſauri  
 in gratia.

Q. iij. quosdam

ORATIO

quosdam ante eum reges quotidianis quoque sumptibus interdum defectos esse. Iam uero non minima est & illa fœlicitatis accessio, quòd eo regnante Zatoriensis ditio, & Masouia post quadragesimum fere annum ad corpus & compagem Poloniae rediuerunt: Prussia recusatum diu, & aliquoties excussum iugum accepit: Pomerani Stolpenses ad intermissam aliquandiu huius regni societate & clientelam, iureiurando adacti, reuenerunt: In qua tamen nostra conuentia non diu permansere.

Auctum  
Regnum  
prouin-  
cijs.

Fœlices  
coniuges  
& liberi.

Porro in cõmemorandis coniugis & liberis, quæ non exigua fœlicitatis humanæ pars est, diutius me immorari necesse nõ est.

Permulti

Permulti sunt in hoc cœtu, qui priorē eius uxorem, Barbaram, Stephani comitis Scepusiensis, ac Transylvanienfū Palatini, cuius ductu nonnunquam cum Turcis Vngari fortiter dimicarunt, filiam, Ioannis postea regis Vngarorū sororem, fœminam sanctissimam & pientissimam, no- uerunt: quæ quidem maximam illam Orfensem de Moschis uictoriam assiduis, diurnis ac nocturnis precibus, cum lachrymis & profusa in egenos beneficentia, asperioreq; cultu corporis & ieiunio coniunctis, a Deo impetrasse existimata est. Quæ quam coniuncte cum uīro uixerit, magno & longo mœrore, & uberi fletu, ac pene muliebri eiulatu

Barbara  
uxor Ste-  
gii, reli-  
giosiss.

Q v post

ORATIO

post mortem eius indulgentissimus rex testatus est. Hac immature intra tertiū annū amissa, alteram suafu Maximiliani Cæsaris duxit, Bonam Sphortiam Ioannis Galeatii, Sphortię Mediolanensium ducis, & Isabellæ Arroganiæ filiam: Cuius auus maternus, Alfonsus eius nominis secundus, Neapolitanorum Rex, & stirpis Arragoniorū ac Siculorum regum, de qua Carolus quoq; & Ferdinandus summi monarchiæ maternum genus ducunt, antiquitate & sua uirtute fuit clarissimus. Paternus uero proauus Franciscus Sphortia, Sphortię, qui primus eam familiā rebus magnis gestis fundauit, filius, cū plurima & grauissima bella

Altera  
uxor Bo  
na nobi  
lissima.

Franci  
scus  
Sphortia

bella, cum maximis principibus,  
 potentissimis populis, & præ-  
 stantissimis bellatoribus per om-  
 nem Italiam prospere gessisset,  
 nominisq; sui gloria ac terrore  
 eam impleffet, a Philippo Ma-  
 ria Mediolanensium duce, Blan-  
 cæ Mariæ filiæ coniugio, dota-  
 liq; Mediolanensium principatu  
 dignatus est. Hoc igitur tali ge-  
 nere prognatam Bonam, alte-  
 ram uxorem Sigismundus Rex  
 accepit. De qua, quoniã præfens  
 adest, graui dolore & mœrore  
 amissi dulcissimi mariti, quemad-  
 modum cernitis, prostrata, nihil  
 dicã amplius, nisi quod triginta  
 ferme annos cū eo nupta, tanti ea  
 fecit maritum regem, ut his extre-  
 mis aliquot annis ægrotantē, &  
 uiribus

Laudes  
 Bonæ  
 Reginae.

ORATIO

uiribus plane destitutū, non coniugali charitate, sed ancillari plane ministerio sine omni fastidio curaret. Quo factum est, ut plurimum ei uicissim Rex amantissimus indulgeret. Harum uero duarum uxorū ē Barbara quidem Heduigim filiam susceptam, foeminam lectissimam, Ioachimo Marchioni Brandenburgensi, Electori Romani Imperij matrimonio iunxit, & nepotibus ex ea uiuens adhuc auctus est.

Quatuor  
filia Si-  
gismun. ē  
BONA.

E Bona uero maximam natu-  
filiam Isabellam, foeminam ex-  
celso & regio animo praeditam,  
Ioanni Regi Vngarorum, affi-  
ni iam prius suo, nuptui tradidit,  
nepotemq; ex ea, regia, quemad-  
modum fertur, indole puerum  
suscepit:



sufcepit: quæ mulier complures iam annos post mariti mortem in præcipua laceri & afflicti regni parte regnat. Reliquas uero tres, Sophiam, Annã & Catharinam, uirgines spectatissimas, magnorumq; regum connubijs dignas, quas hic dolore immature amissi patris miserabiliter lamentantes & humi abiectas uidetis, elocari ipsi, ita ut optabat, datũ non est.

Filius uero unicus hic Sigismundus Augustus, puer etiam dum decimum agens annum paterno regno, ipsius opera studioq; ante decem & octo annos inauguratus, post iuuenis factus, uxorem accepit uoluntate patris, Elizabetham, Ferdinandi Cæsaris, & Vngarorum ac Boëmorum

Filius  
Sigis.

Laudes  
Elizab-  
ethæ,  
filij Sig-  
uzoris.

ORATIO

rum regis filiam natu maximam.  
 In qua muliere genus cum forma, forma cum comitate & mansuetudine, hæc cū probitate, probitas denique cum pietate (quæ ipsi patria uirtus fuit) certabat, ita ut nescires, quid in ea potissimum admirareris. Quæ utinam uixisset diutius, & æditis socero optatis ac sui similibus nepotibus, fœlicitatem eius perfecisset, tranquillitatemq; huius regni stabiluisset. Sed non merebantur hæc, opinor, nostra scelera.

Nobili-  
 ras Sig.  
 Regis &  
 fœlicitas.

Nunc ad Sigismundum redeo.  
 Nōne igitur hoc singularis cuiusdam fœlicitatis fuit, Rege patre, patruo, auoq; matre uero Cæsaris filia, & magni regis sorore ortum esse, tres fratres, & unius

ex his filium reges uidisse, regem  
& ipsum supra unum & quadra-  
ginta annos tranquille fœlici-  
terq; regnasse: Summis Princi-  
pibus uenerabilem, hostibus for-  
midabilem, ceteris admirabilem  
fuisse: regnum, legibus, opibus,  
ædificiis, humanitate, elegantia  
& gloria longe florentius, quam  
acceperat, reliquisse: Filiam re-  
ginam, alteram uero regina non  
inferiorem, & ex his nepotes &  
neptes habuisse: Filium denique  
regem secum & post se fecisse:  
morientem permagnum sui de-  
siderium bonis omnibus reli-  
quisse: Nonne hæc (inquam) ei  
preclarissima, & longe posteri-  
tati memorabilia in hac uita cõti-  
gerūt: Atq; hæc tamen plæraq;  
omnia,

ORATIO

Laus a  
forma  
corporis.

omnia, externa sunt bona, in quibus fortuna plurimum sibi uendicat: Sed ab eo tamen ratione & consilio moderata sunt. Quid ego nunc formam & staturam eius, robur cuiusuis honesti laboris patiens, dignitatem oris, dignamq; ut ait Poëta summus, imperio faciem, depingam: Quod si facere maxime uelim, non possum. Prius enim fere hæc in eo ætate ingrauescente marcescere cœperunt, quam ego in hanc lucem prodij: Sed tamen permanferunt in eo etiam affecta iam ætate, non obscura earum rerum uestigia. Roboris uero & uirium eius argumenta, fractæ inter manus non semel florentiore ætate ferreæ equorum soleæ, ruptifunes

Robur  
uirium.

nes canapei crassiores, intensæ  
 manu balistæ, discerpti lusoria-  
 rum chartarum fasciculi, a maio-  
 ribus natu, qui hæc fieri ab eo ui-  
 derunt, prædicantur. Atq; hæc  
 leuiora fortasse cuiquam uidean-  
 tur. Illa quidem non in postrema  
 bonorum parte numeranda sunt,  
 sanitas, quæ ipsi perpetua fere  
 ante extremam senectutem fuit :  
 integritas & solida compago  
 membrorum, quæ afflictas mor-  
 bo uires facile recuperabat : ui-  
 gor sensuum, qui ad extremum  
 usque eum non destituit : firma,  
 melioribus præsertim annis, me-  
 moria : denique acumen ingenij,  
 quo fratres maioresq; suos lon-  
 go interuallo anteiuit. Sed & hæc  
 omnia, ut sint magis propria ho-

Mens  
 sana in  
 corpore  
 sano.

R minis,

ORATIO

minis, quàm illa superiora, tamen ad corpus fere, quæ deterior pars hominis est, pertinent, nec magna laude & admiratione digna sunt, quippe cum quibus nascamur, quæq; in potestate nostra non sint, & ingenuo cum seruis, urbano cum rusticis, nobili cum plebeis, regi cum mediastinis & baiulis, deniq; bono viro cum improbis communia sint. Tametsi ne mutæ quidem pecudes, penitus horum bonorum expertes sunt. Quin pleræq; in illis, quàm in nobis maiora & illustriora spectantur. Viribus quidem ab ursis & lionibus, agilitate à cervis & bisontibus, longevitate ab ñsdē cervis, specie fortassis ab equis & pavonibus, sanitate

Vigor  
sensuum  
in quibusdam  
pecudibus.

tè à piscibus, sensuū vigore à lin-  
 cibus, aquilis, canibus, vulturi-  
 bus, industria & ingenio quodā  
 modo ab elephantis, vulpibus,  
 & apibus, sic alijs rebus ab alijs  
 fortasse superamur. Cæterum in  
 animo vera hominis & propria  
 laus est. Corpus em̄ partim in-  
 strumentū, partim domicilium,  
 partim etiā carcerem & ergastu-  
 lum animi sapientissimi homines  
 esse voluerunt. Animum fere ho-  
 minis appellatione dignati sunt.  
 Qui vero mollissime senserunt,  
 partem quidem hominis, sed  
 longe deteriorem, corpus dixe-  
 runt: In animo omnem hominis  
 excellentiam & principatum col-  
 locarunt. Quocirca his quæ ex-  
 terna, quæq; corporis bona di-

Laus  
 propria  
 hominis  
 est in  
 bonis  
 animæ.

R ñ cuntur,

ORATIO

cuntur, ita obiter transcurſis, ad  
 eas, quæ ſunt propriæ hominis,  
 atque adeo magni & excellentis  
 Principis laudes, tranſeamus.  
 Quas dum, quanta maxime bre-  
 uitate poterimus, perſequimur,  
 queſo, ut benigne et attente, quod  
 feciſtis adhuc, audiatis. Virtu-  
 tem, ſummam animi, atque adeo  
 hominis perfectionem, quicunq;  
 recte philoſophati ſunt, dixerunt,  
 eiusq; uirtutis prudentiam, forti-  
 tudinem, temperantiam, atq; iu-  
 ſtitiam, quatuor partes, & quaſi  
 fontes quosdam, unde officium,  
 & omnis honeſta, & laude digna  
 actio manaret, eſſe uoluerunt.  
 Quenam ergo ex his in hoc præ-  
 ſtantiffimo Rege deſiderata eſt:  
 Prudentiæne; quæ ex præteritis  
 &

Laus  
 Sig. a uir-  
 tutibus.



& præsentibus, ea quæ deinceps  
 euentura sint, colligit: causas re-  
 rum uidet, recte de rebus iudicat,  
 sibi suisq; in longum prospicit,  
 impendentia mala sapienter auer-  
 tit: At ea summa & admirabilis  
 in eo fuit. Argumento est, bene  
 & cum approbatione cunctorū,  
 quoad ei per ætatem atque mor-  
 bum licuit, administrata, & inter  
 tot undique imminentes hostes  
 per tot annos incolumis conser-  
 uata Respublica. Nam quis sa-  
 pientius eo, siue ex legibus & mo-  
 ribus nostris, siue ex æquo & bo-  
 no ius dixit? Nihil eum uarietas  
 legum atq; morum, quibus alijs  
 equestris ordo, alijs oppidani,  
 alijs agrestes, deinde diuersis Po-  
 loni, Lituani, Masouij, Prussi,  
 R in Silesijsq;

Sapientia  
 in Repu-  
 diuersarū  
 gentium  
 sub uno  
 Rege.

ORATIO

Silesijque utuntur, nihil diuersa & pugnancia nonnunquam senatorum iudicia, quo minus ius suum cuique tribueret, perturbarunt. Accidit interdum, ut post dictas a senatu sententias, ultima ipsius, ab omnibus diuersa, & tamen omnium esset æquissima. Porro in consilijs de Repub. nihil temere & incõsulte faciebat, cuncta ad publicam, non partis, aut ordinis huius uel illius, sed omnium utilitatem referens, fortunæ quæ minimum sese suamque permittens, ac tuta consilia lubentius, quam callida & periculosa semper secutus. Bella, in quibus fortuna plurimum dominatur, nunquam appetiuit, nec nisi necessario, & graui iniuria puocatus suscepit, & ita quidem,

ut

Consilia  
quieta &  
pacifica.

ut ab illa Comici Poëtæ sententia non discederet: Omnia prius experiri, quàm armis, sapientem decet. Itaque à quietis consilijs nunquam, ne inter media quidem arma, & rebus ad nutum fluentibus, abhorruit. Regna à Suetijs, Vngaris, & Boëmis (quemadmodum superius dixi) delata refutauit, ne se patriamque suam nouis & periculosis bellis implicaret. Valachos subiugare, siue adeo exterminare, ob rupta crebro fœdera cum posset, noluit, ne uel illi desperatione adducti, Turcis sese dederent, uel redacta in prouinciæ formam Valachia, & amoto quasi obice, ipse difficilimum cum potentissimis Turcarum Tyrannis bellum de finibus ge-

R iij rere

ORATIO

Bellum  
contra  
Turcas  
deuotauit

rere cogeretur. Non quòd à pia  
cōtra barbaros ac deuotos Chri-  
stiani nominis hostes expeditio-  
ne penitus abhorreret, sed quòd  
suas illorumq; uires iusta lance  
metiretur. Sic em̄ iudicabat, neq;  
suum esse, neq; unius plane cuius-  
quam Principis, tam ualidū ho-  
stem, qui Asiæ, Aphricæ, Euro-  
pæq; magnam partem ditione  
teneret, florentissimum Græciæ  
imperium euertisset, Caraman-  
nos, Cilicas, Syros, Ægyptios,  
& nescio quas præterea gentes  
una æstate subiugasset, denique  
latissime dominantem Persarum  
regi grauis esset, debellare. Con-  
iungenda esse Christianis prin-  
cipibus arma, si hostem illum à  
cervicibus suis vellent depellere.

Cum

Cum ergo animaduverteret, ce-  
 teros principes feralibus odijs  
 inter se digladiari, ac totum pene  
 orbem Christianum plus quam  
 ciuilibus bellis ardere, omni ho-  
 nesta ratione semper Turcicum  
 bellum declinauit, & Ludouico,  
 fratris filio, Vngarorū, & Boë-  
 morum regi sedulo idem suasit :  
 qui iuuenis si patruī, quam fero-  
 ciorum quorundam consiliario-  
 rum suorum consilijs obtempe-  
 rare maluisset, oblatamq; a Tur-  
 cis pacem accepisset, seu uerius  
 ipsis expetitam dedisset, uiueret  
 fortassis adhuc, neque munitissi-  
 mum Christianorum regnorum  
 propugnaculum, Vngariam se-  
 cum unā perdidisset. Hæc sane  
 fuit causa, cur apud pientissimum

Disua-  
 for belli  
 Turcici

ORATIO

& Christianissimum regem Sigismundum nihil ualuerunt Iulij secundi, Leonis decimi, Adriani sexti, & Clementis septimi Pontificum maximorum preces & exhortationes, ad suscipiendū contra Turcas bellum incitantium.

Bellum  
Turcis  
cōmuni  
Regum  
consilio  
& ope  
inferēdū.

Optabat quidem sapientissimus rex tempus illud, cum Christiani Principes restinctis intestinis bellis, reconciliatisq; inter se animis, ad inferendum Turcis bellum conspirarēt, plurimumq; in id operæ, laboris, & sumptuum impendit, siue quando cum Maximiliano Cesare congressus est, siue cum missis non semel ad dissidentes Principes, & ad Pontifices maximos, ueluti præsides  
&

& moderatores Reip. Christianæ legationibus, accurate ac diligenter ea de re egit. Et cum initio nōnulla eius rei spes ei affulisset, nō nisi annuas inducias Baiazeti, Solimāni huius auo, petenti dare uoluit. Ea uero spe frustratus, sepe diuinavit, nunq̄ id se uiuente euenturū esse, ut Christiani Principes aduersus communem illum hostē uires coniungerent. Intelligebat enim, quousq̄ nōnullarum nationum mutua inter ipsas odia processissent : nec de fore Turcis, quos a cæterorum consensu, ad impediendos pios conatus, auellerent. Quid illud ? cū principes Christiani complures, quos nominare necesse non est, sub Clemente Pontifice, in suum foedus,

Bellum ]  
 contra  
 Carolum  
 Imp. sem  
 per dis-  
 sua sum.

contra

## ORATIO

contra Carolum Cæsarem, partim inuidentiæ foelicitatis eius, partim potentiæ metu initum, pertrahere eum non potuerunt? Aut cum nuper primarij Germaniæ Principes, affines fere ipsius, & præpotens illa tot opulentorum populorum contra eundem Imperatorē & fratrem eius conspiratio, pellicere eum in societatem suam nequiuit? ne eatenus quidem, ut uel pecuniæ non nihil mutuo daret affinibus & cognatis, uel conatus illos tacite approbaret, uel denique, ne suos homines stipendijs eorum militare prohiberet? Cuius tamen rei non leuem ei excusationem dabant apud Cæsares, libertas & instituta nostra. Non modo autem  
nihil



nihil eorum fecit, sed etiam disuadere conatus illos, & pacificatorem sese interponere conatus est.

Atque utinam ei obsecundatum esset, non tam uasta quibusdam Clades locis, neque tam exhausta passim Lige esset pecunijs iuxta ac uiris Ger- Sinal- mania, & liberi adhuc Principes caldicæ. quidam, retinerent dominatus suos amplissimos. Sed fortasse sic Deo uisum, ut fastum & contumaciam, prætextu libertatis Euangelicæ, contra sanctissimas leges & instituta maiorum, contra antiquissimum uniuersi Christiani orbis consensum, & contra legitimos magistratus suos impie sese efferentem, retunderet. Cum igitur hæc uel faceret, uel recusaret optimus rex Sigismundus, nonne

ORATIO

Diffusa for  
belli Vn-  
gari.

nonne magna fuit illa eius pru-  
dentia, cum fide amicitiae & con-  
stantia coniuncta? Quid? cum Io-  
anni regi, bis affini suo, ne re-  
gnum Vngarorum Ferdinando  
Maximiliani nepoti iam prius  
destinatum, susciperet, dissuadere  
frustra studuit? aut cum ei pro-  
fugo, exilij quidem locū apud se  
indulset, ut aliquid necessitudini,  
& calamitati eius tamen daret,  
auxilia uero contra eundem Fer-  
dinandum negauit? aut cum pa-  
cem inter eos componere magna  
cura instituit? Cernebat nimirum  
sapientissimus Princeps à longe,  
quantum mali intempestiua illa  
Ioannis ambitio Vngaris adue-  
ctura, quantisque malis & calami-  
tatibus nō modo florentissimum  
illud

Intem-  
pestiua  
Vauoda  
ambitio  
ad regnū.

illud regnum, uerum etiam finitimas ei regiones inuoluturum esset bellum illud, inter duos de regno conflatum. Iam in reuocandis ad officiū Gedanensibus, quodam furore multitudinis ad rebellionem concitatis, & in eijciendis e Prussia Cruciferis Marianis tam cupidis, tamque contumacibus, ut nunquam ab eis Polonia & Lituania quiete esse possent, an non magno & exquisito consilio usus est? Ne illud quidem eius consilium sapientia uacauit, quo, cum hinc a Moschis graui bello distineretur, inde Cruciferi non leuius bellum ei ostentarent, Maximilianus uero Cæsar, infensus ipsi adhuc, & hos, & omnes, quoscunque posset,

Prussia  
 per sig.  
 pacata.

ORATIO

Stipendi-  
um  
Tartaris  
sapienter  
datum.

posset, in eum, & in perniciem  
Polonorum concitaret, Tarta-  
ris donatium, siue stipendium  
cōstituit, nō modo ut ab assiduis  
eorū incur sionibus ditiones suas,  
alijs, quemadmodum dixi, bellis  
impeditas, liberaret, uerū etiam  
ut eorum opera, in uexandis ac  
distinendis Moschis, & alijs ho-  
stibus suis, paruo redempta ute-  
retur. Qua re tantum profecit, ut  
& Moschos ad petēdam pacem  
adigeret, & tam culta & habitata  
sit, quā nunq̃ sub fratribus, pa-  
tre & patruo eius fuit, Podolia.

Solida  
pruden-  
tia circa  
honores  
& Ma-  
gistratus

Quam solidum uero fuit eius  
iudicium in mandandis honori-  
bus & magistratibus, & in alle-  
gendis in senatum uiris idoneis,  
quoties id ei arbitrio suo facere  
per

per quosdam importuniores, quibus impensius indulgebat, licuit? Atque hoc id admirabilius est, quod difficile est nō peccare in hac parte maximis quibusq; Regibus & Principibus, propterea, quod alienis fere & oculis cernunt, & auribus audiunt.

Iam peculiaris illa eius in omnibus dictis & factis cunctatio, ne ipsa quidem sua commendatione caret. Nimirū sapientis est, nihil temere, nihil præcipitanter, sed omnia cōsulto ac deliberate agere. Sic enim cauemus, ne cuius nos dicti aut facti unquam pœniteat. Itaq; celebratur etiam nū literarū monumentis non ignobilis populi Rom. Imperator, Fabius Maximus; de quo vulga-

Cuncta-  
tor Sig.

S tus

ORATIO

tus est ille Poëtæ cuiusdam uer-  
siculum :

*Vnus homo nobis cunctando  
restituit rem.*

Magni-  
tudo ani-  
mi.

Atq; hætenus quidem de pru-  
dentia Sigismūdi regis nobis di-  
ctum sit modo . Cuius quidē ipsi  
causa fuit timor Dei, cum lacte  
nutricis, ut ita dicam, imbibitus.  
Initiū eī sapientiæ, quemadmo-  
dum sapientissimi reges David  
& Salomon inquit, est timor  
Domini . Fortitudine uero &  
magnitudine animi, quanta hic  
rex præditus fuerit, quàm impi-  
ger ad propulsanda & suscipien-  
da pro salute & incolumitate  
suorum bella, quàm contemnens  
earum rerum, quæ maxime in  
hac

hac uita expetendæ esse uidean-  
 tur : Qualia sunt, regna & impe-  
 ria, satis iam, opinor, intellexistis  
 ex his, quæ superius diximus.  
 Quin ex illo quoque magnitudi-  
 nem animi eius intelligere licet,  
 quod Prussico bello, cum terro-  
 re non modico aduentantium è  
 Germania auxiliorum, meliore  
 rursus loco res Cruciferorum  
 esse cœpissent, nihil de conditio-  
 nibus pacis, hosti prius à se obla-  
 tis, mutare uoluit : Aut quod cum  
 ipsi Lituaniæ possessionem post  
 mortem Alexandri fratris ade-  
 unti, de nouis quorūdam Litua-  
 norum motibus renunciaretur,  
 non est deterritus, quo minus in-  
 stitutum cum pauco comitatu au-  
 lico iter prosequeretur. Et cum

S ñ deinde

## ORATIO

deinde Michaëlem Glinscium,  
ducem Russum, qui ad domina-  
tum adspirare dicebatur, cum ua-  
lido equitatu aduentare, in bal-  
neo tunc forte sese abluens, co-  
gnouisset, neutiquam turbatus  
est animo. Venient emcum tran-  
quillo uultu & comiter accepis-  
set, cuncta ei scelerata consilia  
(quod Michaël ipse postea fassus  
esse fertur) e pectore excussit.  
Tantum eius animi magnitudo,  
in graui & constanti aspectu re-  
lucens, apud hominem Alexan-  
dri Regis nimia gratia insole-  
scientem, ac dominandi cupidi-  
tate incensum, ualuit. Sic feroces  
alioqui canes ad Molossorum  
aspectum proijcere sese, & adu-  
lari cauda solent.

Quid



Quid illud? quod Vngaris & Boëmis cum suis regibus Vienne ad Maximilianū Cæsarem proficisci, fideiꝫ eius, quem Posoni in cōstituto congressus loco diu frustra expectarant, credere sese ob non leues suspitiones dubitantibus, ipse, nō sane amicum ad eam diem expertus Cæsarem, permagna fiducia ire ad eū perrexit, ac ceteris idem faciēdi, data fide pro Cæsare, author fuit?

Porro æquabilitate animi in utraq; fortuna, tanta fuit, ut neq; secundis rebus difflueret, neque aduersis frangeretur: A superbia & fastu semper alienus, aditu & affatu facilis fuit. Æstus, frigoris, inedia, & laboris patientissimus, quippe qui ab ineunte

Animus  
in lætis  
& aduer  
sis con  
stans.

S in ætate

## ORATIO

ætate molliciei delitijsq; minime  
assuefactus esset : crassioribus ci-  
bis, & pannis, & caprinis pelli-  
bus, quod iactitare ipse solitus  
erat, innutritus. Morbos, & alia  
uitæ incōmoda admodum æquo  
animo ferebat. Quodam tem-  
pore ad sectionem digiti pedis,  
sacro, ut medici dicunt, igne in-  
flammati, nihil est planè com-  
motus. Porro cum arx hæc con-  
flagrasset, illa de re tantum an-  
gebatur animi, quod dubitaret,  
tantisper se deinceps uicturū esse,  
donec eam instauraret. Publica  
suorum incommoda depellere,  
damnaq; uindicare non libenter  
neglexit. Priuatas uero suas iniu-  
rias, obtrecciones, conuitia, &  
maledicta insolentiorum homi-  
num

num ita contempfit, ut nunquam uindicaret, nec effet ob id deinceps ad beneficentiam in huiusmodi homines reſtrictior.

Alia uirtutes Sig-

Iam uero temperantia & moderatione non modo cum laudatiffimis omnium gentium regibus & principibus, uerum etiam cum priſcis Philoſophis, quorum ſeuerior & accuratius inſtituta fuit uita, certare potuit. Nihil ab eo leuius, nihil cupidius, nihil inſolentius, nihil diſſolutius & flagitioſius unquam dictum aut factum. Fuit in eo uultus equabilis, & ad ſeueritatem compoſitus, inceſſus lenis, ſermo perpaucus & grauis, ſale tamen & lepore non inurbano neque petulanti nonnunquam temperatus. A ſor

S iij      dibus

dibus semper abhorruit, sed frugali tamen uictu, & cultu corporis elegantiore, q̄ splendidiore usus est, nisi quando externos homines & legatos ad se admissurus erat: Nam tunc augustiore habitu cōmendare Maiestatem suam studebat. Eademq; de causa splendidius, quàm quisq; maiorum suorum habitare instituit.

Barbaries ad  
ciuitatē  
reducta.

Cuius exemplo & imitatione eliminata magna ex parte è uita nostrorum hominum pristina barbarie, ciuitatem, mūditiā, elegantiam, & splendorem cum dignitate consecrari passim cœpimus. Itaq; longe alia nunc est facies rerum in Polonia, quàm ante hunc regem fuit.

Sobrietas.

Sobrietatē uero rex idem magni

gni fecit, & ab infantia quidem ad senectutem usque patris auctore instituto, plane abstemius et aque potor fuit: Ingrauescente uero ætate, medicorum suasu uinum bibere didicit, sed ita tamen, ut nunquam eum quisquam ebrium uiderit. Edacior quidem & libidiniosior natura fuit, uerum in utroque tamen magnopere sibi imperabat: Cum prægrauatum se sentiret, ipse sibi cibum subducere solitus. Quod uero ad uenere[m] attinet, cælebs quidem uiridior ætate laxius aliquanto uixit, & liberius, nec tamen alienos thoros contaminauit, nec uim cuiquam honestæ & pudicæ intulit, neque foedius quicquam, quod honestæ aures abhorreant, admi-

S v fit;

ORATIO

Vere-  
cundia.

Modestia  
in consul-  
tando.

lit : & ueros illos lubricæ ætatis  
lapsus multis clarissimis uirtuti-  
bus compensauit atque contexit.  
Maritus uero , coniugij fidem  
sanctè seruauit. Verecundia sum-  
ma , & pene uirginali quoad ui-  
xit, fuit. Nudum se, aut necessita-  
ti naturæ satisfaciendam, non nisi  
a' perpauca interioris cubiculi  
ministris, cōspici passus . Obiur-  
gare & admonere officij eos, qui  
aliqua dignatione essent, non sine  
rubore solitus. A probris, male-  
dictis, & acerbioribus uerbis,  
quamuis iratus, omnino sibi tem-  
perauit. Quanta uero fuit huius  
optimi regis modestia : qui cum  
acri & solido esset cum in iudi-  
cando, tum in consultando iudi-  
cio, & neq; gratia, neq; odio fa-  
cile

cile deduci se ab æquo & bono pateretur, tamen nihil fere maius unquam sine consilio senatus fecit aut statuit, ac nonnunquam de recta sententia sua consensu senatus adductus decessit, ne pertinax esse uideretur: quod ingens est & perniciosum plærūq; in Principe uitium. Fiunt enim multa interdum iniuste & inutiliter, atq; etiam temere & cum multorum exitio ab ijs, qui sibi plus quam cæteri sapere uidentur, dum iudicio suo freti, aliena cōsilia aspernantur. Iam illud, nonne magnæ fuit modestiæ simul & grauitatis, quod aduersantem sæpe desiderijs suis, uel utilibus, uel certe non perniciosis Reipublicæ nobilitatem, æquo & moderato

Mode-  
ratio er-  
ga Nobi-  
litem.

## ORATIO

derato animo pertulit, neque uiquicquam inuitis extorquere aggressus est, neq; intemperantiorē cuiusquam in se petulantiam acerbius ultus est: ne tum quidē, cum apud Leopolim concitatæ multitudinis conatus prodigiosa tempestate diuinitus disturbati, ferociorē eum facere potuerunt? Ac ne eblandiri quidem præter dignitatem aliquid, quod extorquere nollet, uoluit. Non pauca tamen aliquando extra ordinem & præter debitum huic eius modestiæ, cōsensu & obsequio multitudinis atq; Consiliariorū concessa sunt. Ita nimirum sæpe plus impetrat modestia, quàm exprimit imperium & uiolentia, præsertim ab hominibus ab humanitate



tate & libertate non alienissimis.  
 Ab eo uero, quem sibi in omni  
 uita proposuerat, modo, neque cu-  
 piditate ulla, aut metu, neque ira  
 aut odio, neque aduersitate & egri-  
 tudine animi, neque lætitia denique  
 & uoluptate, quæ res transuer-  
 sos ferè rapiunt homines, facile  
 unquam auocatus est, & abstra-  
 ctus. Porro si quando animum Quales  
animi  
recrea-  
tiones.  
 grauibus & continentibus Reip.  
 occupationibus lassum, & quasi  
 fatiscentem recreare & relaxare  
 uoluisset, equitationibus, ac cer-  
 uorum, onagrorum, aprorum,  
 urforum, & bisontium uenatio-  
 nibus (quod studium ipsi genti-  
 litium atque hæreditarium fuit)  
 non sine utili & salubri corporis  
 & uirium, atque etiam industriæ  
 exercita-

ORATIO

exercitatione id facere solitus est:  
 Interdum etiam equestrium cer-  
 taminum atq; ludorum specta-  
 culis. Scurrilibus quidem iocis,  
 & leuioribus sordidisue lusibus,  
 Mimis item, & Histrionibus, &  
 Morionibus non libenter, præ-  
 fertim integrioribus adhuc uiri-  
 bus, uacauit. Nec plura nunc de  
 regis huius temperantia & mo-  
 destia dicam. Reliqua est no-  
 bis una maxima & præclarissi-  
 ma uirtus eius, quæ eiusmodi  
 est, ut ne uesperugo, neque auro-  
 ra sit magis admirabilis, quem-  
 admodum inquit Sapiens qui-  
 dam: Iustitia, inquã, qua firman-  
 tur solia, ut ait sapientissimus rex  
 Salomon, stabiliunturq; regna:  
 Quæ quidem uel maxime in hoc  
 rege

Iustitia  
 Sigil.

PROU. 16.

rege resplenduit. Itaq; ergo iure  
optimo firmatū est solium eius,  
regnūq; stabilitū. Nā siue æqua-  
bilitatē & æquitatē eius in dicēdo  
iure, tam diuerso & uario, q̄ est  
in hoc regno, spectes, siue graui-  
tatem & cōstantiam inter diuer-  
sas plæruncq; senatorū, & non-  
nunquam pugnantes inter se sen-  
tentias, studiāq; ad gratiam uel  
odium (ut fit) inclinantium, siue  
laborē & patientiam in exercen-  
dis iudicijs, quoad ei per ualetu-  
dinem licuit, & audiendis etiam  
infimorum hominum querimo-  
nijs, est quod admireris, nedum  
laudes. Admiranda est & illa  
eius cōtinentia, quod nemini unq̄  
eo regnante, quamuis luculentas,  
quamuis amœnas possessiones  
regijs

Conti-  
nentia  
Sig.

## ORATIO

Fides  
eius in  
promis-  
sis et fœ-  
deribus.

regijs uicinas habere obfuit: quin illum uicinum, quàm proceres quosdam, cuncti maluistis. Quid ego fidem eius cum in promissis, tum in fœderibus & amicitijs, inimicis iuxta ac amicis spectatam, prædicem? Commemorauimus nonnulla superius, quæ ad hanc rem pertinent, Nempe, quod ad dissoluendam cū Cæsaribus Carolo & Ferdinando amicitiam adduci se nunquam passus est, ne à necessarijs quidem & affinibus. Promissi uero quàm tenax fuerit, possem hic, si necesse esset, locupletissimos eius rei testes citare, nonnullos uiros amplissimos, qui partim hic adsunt, & hæc taciti audiunt, partim iam è uiuis excesserunt: quibus quo mi-  
nus

nus præstaret semel promissa,  
 neq; gratia, neq; odio, neq; preci-  
 bus, neq; conuitijs, neque lachry-  
 mis cuiusq; flecti potuit. Nihil Nulla in  
eo dupli-  
citas.  
 in eo fallax aut multiplex, aperti  
 uero & simplices fuere mores,  
 pariter & oratio. Et quoniam ea,  
 quæ Respub. continet, tuetur, &  
 florentes facit, iustitia, pœna &  
 præmio, seueritate & clementia  
 maxime constat, de his quoque  
 pauca dicamus. Vtrunq; ille qui-  
 dem coluit, nec, dum alterum se-  
 quitur, neglexit alterū: Sed cum  
 intelligeret, liberis & minime  
 malitiosis populis se imperare,  
 & satis magnam pœnam sceleri  
 & ignauia, institutis maiorū no-  
 strorum esse propositam, infamiam, inquam, & odium bono-  
 rum

ORATIO

Cazimi-  
rienses  
puniti.

rum uirorū, ad feueritatem qui-  
dem & expetendas de fontibus  
pœnas fuit remissior, nec nisi ne-  
cessario, quemadmodum ad se-  
candum urendumq̃ medici, ad  
hoc descendebat. Vt, cum Ca-  
zimiriensis aliquot decuriones  
ob cædem nobilium quorūdam,  
tumultu concitatæ multitudinis  
patratam, supplicio capitali affe-  
cit, ne quod maius malum inde  
existeret, & ut illi exemplo essent  
in posterum magistratibus, mul-  
titudinem temere concitantibus,  
concitatanuē non refrenantibus,  
uel cum Gedani de capitibus se-  
ditionis urbanæ supplicium sum-  
psit. Vel deniq̃ cum dux adhuc  
Silesiæ, regionem illam omnem  
latrocinijs, quibus infamis erat,  
iam

Purgata  
a latro-  
cinijs Si-  
lesia.

iam inde ex quo tempore bella  
 ibi à Boëmis & Vngaris, Ma-  
 thia & Georgio ac mox Vladis-  
 lao regnantibus, gesta sunt, peni-  
 tus repurgauit. Quod factū eius  
 cum finitimi omnes laudant, tum  
 Silesij quoq; etiamnū grata me-  
 moria prosequuntur. Ad clemen-  
 tiam uero fuit propensior, ita ut  
 cum aliquando eam ob rem, ne-  
 scio à quo uiro senatorio repre-  
 henderetur, urbaniori responso  
 repressisse illā eius acerbitatē fe-  
 ratur: Qui scis, inquires, à quo-  
 nam seueritatē istam exordirer?  
 Illud opinor innuens, Neq; illum  
 culpæ exortem esse, & ad multa  
 nonnunquam conuiuendum esse  
 Rempub. administranti. Pro-  
 inde multos capitis reos uita do-

Clemen-  
 tia Sig.

T ij nauit,

ORATIO

navit, nonnullis inustam iure infamiam sustulit, nullius prope modum bona confiscavit, confiscata etiam, ijs, quorum fuerant, reddidit. Exules & proscriptos reuocavit, sine accusatore quidem & indicta causa neminē damnauit. Gedanensibus uilis plebecule impetu ab officio discedentibus, nihil ferē de pristina libertate & immunitate, nihil de commodis, quæ per ampla sunt ciuitati illi publice & priuatim, detraxit: auctores modo seditionis paucos inuitus partim interfecit, partim exilio multauit: Hostibus supplicibus libentissimē ueniam dedit, ita, ut uel de medio uictoriarum cursu non grauate retrahi se ad ueniam recōciliationemq; pateretur.

Gedanensibus.  
ses.



teretur. De Valachis quidem iam diximus. In Cruciferos uero, debellatos iam fere, quam ele- In Cru- ciferos. menter se gessit? Quod nisi fidem eorum suspectam habuisset, non modo fuisset eos retinere quæ habebant adhuc, sed ablata quoq; ni fallor, eis reddidisset. Magistrum quidem eorum, Albertum Marchionem Brande- Albertus Marchio Brand. burgensem, sororis suæ filium, expectatione & aduentu auxiliorum è Germania, uarie tunc, ut quæ leuissimo uerbo utar, secum agentem (dabit mihi ueniam princeps amplius. uulnus suum necessario refricanti, & beneficentissimi in se auunculi memoriæ hoc non inuitus, uti spero, donabit) retinere ea, quæ ante bellum illud audito **T** iij habuerat,

ORATIO

habuerat, & partim iure belli  
 amiserat, partim amissurus esse  
 uidebatur, omnia iussit, & hono-  
 re auxit, Magistri appellatione  
 in ducis nomen, quo omnē dein-  
 ceptis rebellandi occasionē tolle-  
 ret, commutata, deniq; hæredita-  
 rium ei fratribusq; eius Cazimi-  
 ro & Georgio in mares dunta-  
 xat liberos, principatū illum con-  
 stituit. Hæc an non maxima sunt  
 documenta clementiæ, hostem,  
 quem minime esse decuerat, &  
 hostem pertinacē, pene deuictum  
 & fortunis spoliatum, meliore  
 quàm fuisset dudum, conditione,  
 in societate & amicitiam recipere?  
 Quid illud eodem bello,  
 quod Germanos milites contra  
 se militantes, uelitationibus & le-  
 uibus

Clemen-  
 tia in ui-  
 ctos Ger-  
 manicæ  
 milites.

uibus nostrorum prælijs exagitatatos, & labore, inopia, inedia, uigilijs, uulneribusq; confectos, delere, cum posset, noluit: Captiuos, quorum plenæ erant turres & ergastula in maiore Polonia & Cuiauia, sine ullo precio liberos, atq; adeo ueste & uiatico donatos, dimisit: Cuius clementiæ benignitatisq; suæ maximū, nisi fallor, fructū cepit, Nempe, quod per tot annos deinceps eo regnante, in Prussiam Germani, & contra Polonos, quamuis sedulo sollicitantibus Cruciferis, arma non sumpserūt, non tam uiribus & fortuna regis, ut equidē credo, deterriti, quam beneficētia uicti. Sæpenumero enim ij, qui aliquando uicti fractique sunt,

T iij      contra

## O R A T I O

contra uictores sese recolligunt.  
 At quos uictos seruaris ac iue-  
 ris, eos beneficij pariter & fortu-  
 næ suæ recordatio, pristinos spi-  
 ritus recipere non tam facile si-  
 nit. Neq; illud minus est, nec  
 scio an longe maius clementiæ  
 Sigismundi argumentum, quod  
 cum permagna libertate, cui re-  
 ges atq; monarchæ plæricq; om-  
 nes infensi & infesti sunt, respu-  
 blica nostra constituta sit, nun-  
 quam eam infringere conatus  
 est, quamuis impellentibus ad id  
 quibusdam, & maiore nōullo-  
 rum licentia aliquando prouo-  
 cante. Verum cedere furori pau-  
 corum, quam detrahere aliquid  
 propter eos de communi liber-  
 tate rex optimus maluit. Quod si  
 qui

Libertas  
 in Rep.

qui reprehendunt, ijdem sane reprehendant, quòd amari à suis, quàm timeri, & patrem se, quàm dominum haberi maluit.

Huc & illud pertinet, quòd Simultatum sedator. procerum simultates atq; dissensiones semper sedauit, quoad potuit: quas alere Tyranni, & qui priuata commoda sua, q̄ Rempub. pluris faciunt, solent. Nec eæ tantum (proh dolor) his extremis eius temporibus inter quosdam inualuissent, magno iustitię & iuris dicendi impedimento, scelerum impunitate, & periculo maloq; Reipub. dū ea quasi plaustrum disparibus ac diuersis iumentis, auriga cessante, aut nec quicq; laborante, distrahitur ac discerpitur: non inualuissent, in-

T v quam,

ORATIO

quam, diffensiones tam pestilentes, si senium & perpetuus fere morbus cōsuetudinem & auctoritatem pristinam retinere eum fuisset. Quo fit, ut ipsi iure quodam suo uenia danda sit, si non per omnia eum, quem debuit, quemq; florentiore ipsius ætate tenuerat, cursum Respub. pristino illo sensuum, animi, & memoriæ uigore in eo deficiēte, tenuit.

Defectus  
ex senio.

Ætatis hæc uiri Poloni & Lituanini, nō illius culpa est. Ille quidem præclaris uirtutibus suis, atq; superioris temporis administratione & fœlicitate hæc, si qua fuerunt, extremi corporis incōmoda, penitus, si modo uos æquiores & gratiores, quàm maligniores haberi mauultis, obscurauit.

Neminem

Neminem unquam mortalem inuenietis, qui omnes numeros fœlicitatis absoluat. In charissimis quoque parentibus, suauissimis uxoribus, dulcissimis liberis, atq; adeo in seruis quoq; uestris multa quotidie uos ferre necesse est, nisi humanitatem exuere prorsus uelitis.

Quæ enim ista esset iniustitia & immanitas, atq; adeo impietas, si liberi parentem suum, a quo progeniti, liberaliter educati & instituti, semper indulgenter habiti, & omni ratione adiuti & ornati, summa deniq; omnia consecuti essent, ad extremum propter olentem animam, mucidasq; nares: addo etiam, si libet, propter neglectam rem familiarem, abomina-

Senio  
condo-  
nandum

ORATIO

abominarētur, aut etiam grauius incusarent, superiorum omnium beneficiorum obliti? Non est hoc uestri moris, neque ingenij, uiri Poloni, qui non penitus malos reges, nedum bonos & bene meritos, grata memoria prosequi soletis. Verum ad institutum nostrum reuertamur. Fuit igitur in Sigismundo, quemadmodum uidetis, singularis clementia & priuatim & publice.

Cur minus largus fuit in quosdam.

At fuit is restrictior in bene merentes de se ac Repub. Fuerit sane ita. Sed quis hoc ei uitio uertat? si bene secum reputet, inane ante eum regem ararium: oppigneratas à maioribus eius possessiones plerasq; & bona regia: egentes quosdam reges, ne in quotidiana-



quotidianos quidem sumptus pecunia suppetente: non solutas a patre, ab ipso uero exactas omnium, nisi fallor, sororum dotes: dotatas duas filias, tres etiam reliquas dotandas & pro dignitate sua regniq; elocandas: persoluta militibus suis & externis supra ducenta millia florenorum, emeriti apud Ioannem Albertum & Alexandrū fratres stipendij nomine debita: denique complura bella non sine magnis impendijs gesta, & alia præterea impendentia. Hęc quisquis recte secum perpendit, simulq; cogitat, quo indignitatis illa ærarij inopia, patrē, fratresq; atq; etiam maiores eius nonnunquam impulerit, æquior multo in hac parte Sigismundo erit.

ORATIO

Magni-  
ficentia  
Sig.

erit. Et tamen nihil is præter-  
misit, quod ad splendorem regni  
& patriæ, dignitatemq; suam &  
magnificentiam pertinere existi-  
mauit. Vt enim illa quæ modo  
attigi, non repetam, ut redem-  
ptos à barbaris captiuos: resti-  
tutas res, ne belli causa essent, po-  
tenti hosti à nostris prædabun-  
dis ablatas: senas nuptias magni-  
ficētissimo apparatu factas: con-  
structas aliquot locis, & pro ue-  
teribus tugurijs regali magnifi-  
centia exornatas domos. Vt hæc,

Arces ab  
eo extru-  
ctæ.

inquam, præteream, Arces qui-  
dem Camenecensis in Podolia,  
Leopoliensis, Sandomiriensis,  
Corcinenensis, Vilnensis, Cracoui-  
ensis & hæc quidem bis, & aliæ  
quædam instauratæ & munitæ:  
comparatæ

cōparatæ & instructæ permultæ  
 & magnæ bombardæ: frequen-  
 tes legationes ad externos Prin-  
 cipes missæ, & ab eis uicissim ue-  
 nientes, splendide ac liberaliter  
 acceptæ atq; dimissæ, permagno  
 ei constiterūt. Sumptuosus uero  
 & ille fuit splendidissimusq; cum  
 Cæsare Maximiliano, & Vladis-  
 lao ac Ludouico regibus apud  
 Viennā cōgressus, quo Polonorū  
 & Lituānorū nomen, obscurius  
 antehac, & inopiæ, inertie, barba-  
 rieiq; opinione contemptibile a-  
 pud externas gentes, illustrius et  
 admirabilius esse cœpit. Post hos  
 tot tantosq; sumptus, nō in luxū,  
 delitias, & uoluptates priuatas  
 pfusos, sed ad utilitatē, salutem,  
 decus & ornamentū Reipub. fa-  
 ctos,

Regum  
 conuen-  
 tus Vien-  
 næ.

Ærarium  
 non ina-  
 ne.

## ORATIO

Etos, non est sane reprehenden-  
 dum, nec scio an ualde laudandū,  
 quod ærarium non inane reli-  
 quit, filij hæredis necessitati, &  
 futuris Reip. usibus, ut filiarum  
 dotes taceam, utiliter seruiturū,  
 belliç, si quod alicunde nobis  
 inferretur, neruum futurum.

Et tamen cum hoc sibi propo-  
 suisset, ne in priuatos quidem be-  
 nignitatē & munificentiam suam  
 clausit: & fortes, doctos, ac sa-  
 pientes uiros, aut quauis alia ra-  
 tione utiles Reipub. cum donis,  
 tum honoribus & alijs beneficijs  
 prosequutus est. Vt enim litera-  
 tos homines, nostrates pariter  
 & externos, quorum uel opera  
 honorifice in rebus magnis uti se  
 posse existimabat, uel scriptis &  
 præconijs

præconijs suum populorumq̃  
 suorum nomen illustratū iri spe-  
 rabat, ut eos igitur omittam, ac  
 de fortibus uiris aliquot modo  
 insigniores cōmemorem, nonne  
 Constantinū Ostrogensem du-  
 cem per amplis beneficijs auxit;  
 nonne Ostapheio plebeio, aut <sup>Osta-</sup>  
 obscuro duntaxat homini, sed in <sup>pheius.</sup>  
 Tartaricis bellis exercitatissimo  
 & uigilantissimo, cum alijs, tum  
 post obsessam aliquandiu & op-  
 pugnatam à Turcis atq̃ Tartar-  
 ris, ab eo uero strenue defensam  
 arcem Cercassiam, permagnum  
 honorem habuit, & multa largi-  
 tus est; multa sæpe delinquenti  
 indulgit; Quid Nicolaum Sena-  
 uium scientia & usu rei militaris <sup>Senauius</sup>  
 præstantem, excellentis uirtutis

V

ergo

ORATIO

Tarnou-  
uitus.

ergo collocupletatū, & ad eum,  
in quo nunc est, honoris gradum  
euectum? Quidue uirum omni  
laude cumulatifimum Ioannem  
comitem Tarnouium, cum alijs  
nō obscuris beneficijs ornatum,  
tum ad summum dignitatis fa-  
stigium euectum, euidentibusq;  
grati animi indicijs, & præclaris  
elogijs, cū siue à Moschico bello  
& Starodubo euerso, siue à deu-  
ctis apud Obertinum Valachis  
reuerteretur, ab ipso ornatum,  
& honorario munere, publico  
totius Poloniæ consensu binis  
grossis collatis, cohonestatum,  
commemorem? Viuunt hi duo,  
& adsunt, & hæc mea dicta nuti-  
bus renitentes approbant. Ta-  
met si longe maximum hi uirtu-

tis

tis præmium, sempiternam rerum à se gestarum gloriam, quæ eos nunquam destituet, arbitrantur. Taceo Bielscium & Laciurn Moschos transfugas perhonorifice ab eo acceptos, & luculentis possessionibus donatos, ingenij, fidei, & scientiæ rei militaris ergo. Non fuit ergo, non fuit Sigismundus, ne in hac quidem parte restrictior. Aut si quando tandem fuit, non sua uoluntate, sed necessitate, id est ingrauescente maxime ætate fuit.

Quoniam Pietas & religio Sig. autem illa quoque uel potissima pars est iustitiæ, quæ cum cœlitibus hominum quasi societatem quandam tuetur, pietas, inquam, & religio, de hac quoque iam tandem postremo loco mihi dicendum

Vñ est.

## ORATIO

est. Consulto autem in hunc eam locum seruauī, ut quæ reliquas omnes uirtutes in se continet, & quasi germina quædam ex se emit tit, hominisq; fœlicitatem perficit, eadem nobis huius optimi regis perficiat laudationem. Absq; hac enim cæteræ uirtutes, imagines uirtutum & umbræ sunt uerius, quam uirtutes: necq; omnino laudabiliter & beate, quamuis rebus ad uota fluentibus, uiuitur. Qua autē pietate fuerit, quamq; sancte & religiose Deum optimum maximū Sigismundus hic rex coluerit, si alia nulla essent, ea, quæ hæctenus persecuti sumus, satis magno essent argumento. Neque enim ita se ille tum in administrando regno, tum in omni  
uita



uita gessisset, neque tantus euasisset, neque tot bonis & foelicitatibus, quot percurrere obiter uix potuimus, aut ipse, aut ditiones eius cumulate fuissent, nisi Deum propiciam habuisset. Verissimum enim illud est, quod est in Regni foelicitas. ex cultu Dei. Epistola diui Iacobi Apostoli. Omne munus bonum, & omne donum perfectum superne descendere a patre luminum. Eum uero nemo propiciam habere potest, nisi qui agnoscit, reueretur, & colit, omnemque fiduciam suam in eo collocat. Sic enim canit Dauid Psal. 33. rex & Propheta: Inquirentes Dominum, non deficientur ullo bono. Et alibi: Psal. 124. Qui confidunt Domino, erunt sicut mons Sion, qui non commouetur in aeternum.

V ij Cum

ORATIO

Cum igitur Sigismundo tot illa  
 tantaq; bona in omni uita suppe-  
 tierint, quis negabit eum Deo cu-  
 ræ, suo nonnullo merito, fuisse?  
 Ut enim non fallitur, ita neque  
 fallit Spiritus sanctus, qui per  
 Dauidē olim locutus est: Quo-  
 niam rex sperat in Domino, &  
 in misericordia altissimi, non  
 commouebitur. Et quæ præce-  
 dunt: Desiderium cordis eius  
 tribuisti ei: Præuenisti eum in  
 benedictionibus dulcedinis. Et  
 alibi: Prope est Dominus omni-  
 bus inuocantibus se, omnibus in-  
 uocantibus se in ueritate: Volun-  
 tatem timentium se faciet, & pre-  
 ces eorum exaudiet, & saluos fa-  
 ciet eos. Custodit Dominus om-  
 nes diligentes se. Sed quoniam  
 impijs

Pfal. 10.

Pfal 144

impijs quoq; nonnunquam prospere multa in hac uita cadunt, elucetq; in eis etiam aliquando nonnulla imago uirtutis atque probitatis, age uideamus, num qua alia ratione pietatem huius regis ostēdere possimus. Et ecce occurrūt nobis templa Dei opt. max. partim instaurata, partim à fundamentis excitata, & multis magnisq; donarijs, & preciosis utēsilibus, ad splendorē, simul & usum cultus diuini regali munificentia exornata. Atq; ut Vilnensem Basilicā & Rupense siue Scalense fanū, & quēdā alia, quę nūc in mentē non ueniūt præteream, hoc quidē certe delubrū pulcherrimum & sumptuosissimū basilicę huic adiunctū, seu uerius iniun-

Templa  
magnifice culta  
extracta  
et ornata

V iij Etum,

ORATIO

Etum, quod sepulchrum & monumentum suum ille esse uoluit, cum instituto iugiter & concinne Deum colentium sacerdotū collegio, ferit oculos nostros, & quodam augusto splendore perstringit. Huic uero basilicę quā multa, & quā ampla donaria contulit?

Sedulitas  
in tem-  
plis.

Iam quis nescit, quā sedulo is, dum per ætatem & morbum potuit, & quā religiose sacris cultuiq; diuino operam dederit, nulla neq; temporis, neq; loci incommoditate, neq; occupationibus retractus? Quid ego precum eius assiduitatem? quid festorum dierum ieiuniorumq; intemeratam obseruantiam, commemorem? In quibus omittendis uix ualetudinis

ualetudinis gratia, atq; id extre-  
 mis demum aliquot annis, medi-  
 corum suafu, & Episcoporu per-  
 missu, ne dicam hortatu, sibi in-  
 dulfit. Quæ enim à teneris annis  
 cum lacte quodammodo mater-  
 no imbiberat, ad extremum usq;  
 halitum constanter & mordicus  
 ea retinebat. Externi hi sunt cul-  
 tus ritusq;, fateor, neq; in his car-  
 do religionis nostræ uertitur;  
 Vera & interior pietas in menti-  
 bus & uoluntatibus nostris pe-  
 nitus inclusa est. Ita sane. Sed cū  
 ea soli Deo perspecta & explo-  
 rata sit, tamen his externis sese  
 nobis prodit, & exerit, ut sic lu-  
 ceat, secundum authorem salutis  
 nostræ Christum, lux nostra ho-  
 minibus, ut ij uidentes opera no-

Externus  
 cultus  
 Dei.

V v stra

ORATIO

Tob. 12.

Matth. 6.

Elemo-  
synę Sig.

stra bona, celebrēt & glorificent  
 Patrem nostrū cœlestem. Bona  
 est em̄, ait Angelus ad Tobiam,  
 oratio cum ieiunio, & elemosy-  
 na. Ipse quoque Christus Iesus  
 apud Matthæū magnopere hæc  
 tria commendat, dum quomodo  
 fieri debeant, præcipit. Quid ue-  
 ro prolixam Sigismundi in ege-  
 nos, quorū uictus uestitusq; pa-  
 randi rationes uel morbus, uel  
 ætas, uel calamitas aliqua, uel de-  
 nique arctioris & addictioris  
 Deo uitę professio impediisset,  
 beneficētiam & liberalitatē per-  
 sequar; Eadem opera lucē hanc  
 diurnā accensa lucerna illustrare  
 coner. Cernitis en ipsorum tur-  
 mas nō modo templum hoc, ue-  
 rum etiā uias & plateas complen-  
 tium

tium, & orbitatē suā, tam benefi-  
 co rege amisso, miserabiliter de-  
 plorantiū. Illa uero eius in rece-  
 ptis antiquitus Dei placandi riti-  
 bus & cæremonijs, sacrosanctē  
 retinendis ac defendendis, & in  
 propugnādis Dei ministrorum  
 commodis, præclara uoluntas &  
 cōstātia, in ista præsertim nostri  
 tēporis licētia, & isto nouarū re-  
 rū, quo nūc leuissimi quicq; homi-  
 nes flagrāt, studio, seu uerius pru-  
 ritu, nōne maximū est singularis  
 pietatis argumentū. Vidit em̄ sa-  
 pientissimus rex in religione no-  
 stra nihil melius, nihil exactius  
 hoc tēpore a quoq; inueniri pos-  
 se, q̄ ab ipsis Christi seruatoris  
 nostri discipulis, eorūq; successo-  
 ribus pximis, sanctissimisq; pa-  
 trū Cōcilijs cōstitutū, et publico

Constan-  
 tia in fi-  
 de & re-  
 ligione  
 Catho-  
 lica.

ORATIO

Christiani orbis consensu tot sæ-  
culis retentum esset.

Ecclesia  
& Do-  
ctores  
antiqui.  
Matt. 24.

Didicerat non hic, aut illic, &  
in angulis omnino Christū quæ-  
rendum esse, neque uniuscuiusq;  
esse arbitrato suo uerba & insti-  
tuta Dei interpretari, sed Eccle-  
siam, Ecclesiam inquam, in qua  
certa esset ac perpetua, ut inquiunt  
uetustissimi, sanctissimi, & gra-  
uissimi doctores, Irenæus, Cy-  
prianus, & Augustinus, tot sæ-  
culis continuata, sacerdotum &  
Episcoporum successio, colum-  
nam esse, quemadmodum ait di-  
uus Paulus, & firmamentum ue-  
ritatis. In ea sola dari spiritum  
ueritatis, qui ut author, ita inter-  
pres quoque sit sacræ scripturæ:  
nō dissensionis, uerū pacis Deus.

1. Tim. 3.

1. Cor. 14

Quo



Quo quidem illis carere necesse  
esset, quibus inter ipsos non con-  
ueniret, & qui ne ipsi quidem sin-  
guli sibi constarent, sed omni Eph. 4.  
uento doctrine, quasi nebulę tur-  
bine exagitatæ, circumferrentur.

Animaduertit etiam & illud Quales  
sunt noui  
Theologi  
pius princeps, omnem nouorum  
istorum Theologorū rationem,  
inuidentia, cupiditate, ambitione,  
& effreni quadam licentia inflam-  
matam, uentri suo seruire, non  
Iesu Christo, quem dictis qui-  
dem & scriptis, ac manicis quoq; Tit. 1.  
tunicarum iactarent, factis uero,  
ut ait idem Paulus, negarent: qui  
superba & uana loquentes, ut uer-  
bis diui Petri utar, per concupi- 2. Pet. 2.  
scientias inescarent homines car-  
nis uoluptatibus, eos qui pusil-  
lum

ORATIO

lum aufugerant, eos qui in errore uersantur, dum ipsis libertatem pollicentur, ipsi serui corruptelæ. Intelligebat etiam, si qui forte abusus in mores nostros uitamq; irrepsissent, si temere ñ unius cuiusuis, aut paucorum priuatorum arbitrio submouerentur, religionē omnem sacrosanctam, cuiusuis libidine exagitatā & labefactatam, uacillaturam & in periculum uenturam esse. Vel aliam quis proferat causam, curnam sanctissimę, & ab ipso Christo Iesu institutæ cæremonię, & religionis Christianę fundamenta, Sacramenta inquam, & ipsa diuinę naturę cum humana in Christo indissolubilis copulatio, a Germanicis istis, quemadmodum

Noui  
Euan-  
gelitæ.

modum ipsi uideri uolunt, Euan-  
gelij illustratoribus, impuden-  
ter & impie cōuellantur. Nimirū  
nuscq̃ consistit impia & gygantea  
hominum audacia, ubi semel fre-  
nos excussit, & quiduis in dubiū  
reuocandi mutandiq̃ licentiā na-  
cta est. Religione em̄ & reueren-  
tia, & sacrosancta quadam atque  
inuiolabili psuasionē religiones  
omnes cōtinentur. Hæc igitur cū  
ita perspecta haberet religiosissi-  
mus rex, ad officiū suū uel maxi-  
me pertinere existimauit, ut reli-  
gionē omnemq̃ cultū diuinum,  
quemadmodū à maioribus acce-  
pisset, in regno suo cōseruaret, sa-  
cerdotumq̃ incolumitatem ac di-  
gnitatē, quibus quasi canibus qui-  
busdam sagacibus incolumibus,  
neq̃

Officiū  
Catholici  
Regis.

ORATIO

neque grex Christi lacerari à lupis, neque ab apris aut uulpeculis uinea uastari posset, tueretur. Eamque ob rem Gedanenses ciues multitudinis temeritate quadam seductos, summa cura atque diligentia, contempto omni periculo, quod ipsi inde non obscure imminebat, in uiam, & ad pristinam religionem reduxit.

Ritus  
Christiani  
in oriente

Iam uero illa, quod moribundus sacra Christi mysteria ritu Christiano expetiuit, & uenerabundus accepit, quod se totum Deo religiosis uerbis & suspiriis commendabat, quod in eius clementia & misericordia fiduciam suam omnem collocabat, quæ & isti euidentissima, nisi fallor, uere pietatis iudicia iudicant, nonne  
certa

certa sunt pie & religiose exactæ  
 uitæ testimonia? Cum igitur  
 tanta pietate, quanta genere illo  
 inelyto, & educatione optima  
 digna fuit, præditus fuerit Sigis-  
 mundus, nihil mirum, si iustus  
 quoque, clemens, magnificus,  
 & benignus: si temperans, mo-  
 deratus, pudicus, & modestus: si  
 fortis, constans, patiens, & excel-  
 so animo: si præteritorum me-  
 mor, præsentium sagax indaga-  
 tor, futurorū acutus coniector,  
 & utilium publice priuatimq̃  
 diligens & sapiens prouisor  
 fuit. Non mirum, si in hac bre-  
 uitate uitæ humanæ, magnisq̃  
 laboribus uiuendo octogesimum  
 secundum annum attigit, si uiri-  
 bus & ualitudinæ plæurq̃ firma  
 fuit,

Virtutes  
 Sig. in  
 speculum  
 Principis  
 bus po-  
 sitas.

Ætas  
 82. anno-  
 rum.

X

## ORATIO

fuit, si sensuū ingenijq; uigorem  
 ad extremum pene retinuit. Non  
 mirum, si gratia & autoritate  
 apud suos pariter & externos,  
 summos iuxta ac infimos ualuit:  
 si amplissimum regnum, elatis  
 post patrem duobus fratribus,  
 mature adeptus, bellis foelix &  
 uictoriosus, pace multa beatus,  
 uxoribus & liberis non infortu-  
 natus, ditionū aliquot accessio-  
 nibus locupletior, tam bene, tam  
 quiete, tam foeliciter, tantoq; bo-  
 norum omnium fauore uno &  
 quadraginta annis id administra-  
 uit, & florētius multo, q̄ accepe-  
 rat, non degeneri, uti cōfidimus,  
 filio reliquit. Non mirum de-  
 niq; si sempiternum optimi &  
 fortunati Principis, & patris pa-  
 triæ

trię nomen atq; gloriam, nisi me Pater  
 uanum fallit auguriū, apud lon- patrię  
 gam posteritatem celebris incly- Sig.  
 tusq; rex retinebit : quippe, qui  
 superiores omnes principes &  
 reges nostros non modico inter-  
 uallo post se reliquisset. Nam  
 quę in singulis illis singula lau-  
 dabilia fuerūt, ea hic unus omnia  
 complexus est.

Boleslai Chrobri, ut ab hoc Poloniae  
 potissimum ordiar, solertiam Reges.  
 & magnificentiam : Cazimiri  
 monachi pacis & instaurandę  
 patrię, superiorum temporum  
 iniuria afflictę, studium : Vladi-  
 slai eius filij mansuetudinem,  
 Boleslai Criuousti uictorias,  
 Crispi prouidentiam, Miec-  
 slai senis grauitatem, Cazimiri

X ij horum

ORATIO

horum duorū fratris iustitiam,  
 Lesci Albi excelsum animū, Bo-  
 leslai pudici religionem ac tem-  
 perantiam, Lesci nigri modera-  
 tionem animi, Vladislai Loctici  
 fortitudinem, & in tolerandis  
 aduersis patientiam : Cazimiri  
 magni, in ornando & muniendo  
 regno studium atq; diligentiam:  
 Jagellonis aui, si non in propa-  
 gando, certe in amplificādo cultu  
 diuino, pietatem, laborē, & mu-  
 nificentiam : Vladislai patruī ma-  
 gnanimitatē & clementiam : Ca-  
 zimiri patris facilitatē, & offen-  
 sarum perbreuem memoriam :  
 Denique Ioannis Alberti fratris  
 ad res magnas gerendas, quanti-  
 quam meliore fortuna, alacritate  
 tem, Has, inquam, omnes omnium  
 illorum



illorū uirtutes solus Sigismundus non modo æquauit, sed superauit etiam: ita, ut nulla cuiusquam eloquentia, nedum infantia nostra, satis digne & pro meritis eum laudare possit. Sed iam ipsum ex augusto illo Mausoleo, in quo heri reconditus est, nos, quibus præfuit, alloquentem audiamus. Quam iuste, quamq̄ moderate, uobis uiri Poloni (licet enim mihi uos omnes, imperio coniunctos, uno nomine appellare) imperauerim, & quanta fœlicitate regnū hoc auxerim, ornauerim, & cumulauerim, uos ipsi probe nostis, aut si qui per ætatē intelligere & iudicare adhuc non potuistis, è maioribus natu, bonis & grauibus uiris,

Sig. omnibus excellentior.

Oratio Sig. ad Polonos.

X in discere

ORATIO

discere potestis . Pro his meritis  
 meis, iure meo illud à uobis po-  
 stulo, ut si quid unquam impru-  
 dens offendi, id uel humanæ im-  
 becillitati uel ætati meæ condo-  
 netis : quam uero mihi debetis  
 gratiam , eam liberis meis dul-  
 cissimis, referatis, morte mea pu-  
 pillis. Filiū hunc meum unicum,  
 quem ipsi uobis regem, mihi suc-  
 cessorem , me uolente & postu-  
 lante , iam pridem designastis ,  
 eodem quo me, aut maiore eti-  
 am, si potestis, studio profequa-  
 mini, consilijs adiuuetis , consen-  
 tientibus animis atq; uiribus pro-  
 tegatis, ætati eius nonnihil etiam  
 indulgeatis. Ne audiatis eos, qui  
 dum suam rem agunt, uestrā age-  
 re uideri uolunt , & tamen aliud  
 alibi

Pathica  
 filij com-  
 menda-  
 t.o.

alibi præ se ferunt, utrinque ut gratiam ineant, & opes potentiamque suam augeant & stabiliant. Cernitis qualia nunc sint tempora, quousque domi progressa sit multorum audacia, quanta huic regno & communi patriæ pericula à barbaris impendeant. Mature uobis prouidendum est, ne non modo imperium uestrum & Respub. uerum etiam libertas & uita uestra uestrorumque in extremum discrimen ueniat, Id uero ita demum recte prouidebitis, si sublatis omnino quorundam factionibus, dissidijs, & simultatibus mutuis, amore & officio erga uos inuicem, erga regem uero uestrum studio & beneuolentia certabitis. Sic enim fiet,

X iij mihi

mihi credite, ut qui nūc formido-  
 losi nōnullis uideamini, formida-  
 biles uicinis uestris hostibusq̄  
 sitis. Ad te uero, fili charissime,  
 hæc mea est oratio. Illo aut̄ habi-  
 tu illoq̄ uigore, hæc tu Sigismun-  
 de Auguste patrē tecū loqui exi-  
 stimato, quo fuit, cum tibi huius  
 regni habenas sceptrumq̄ trade-  
 ret. Nihil est q̄ te una cum matre,  
 & sororibus tuis, puellis lectissi-  
 mis, p̄pter mortē meam tantope-  
 re excrucies. Mihi quidem ego  
 meo tempore, annorū, uitæ, glo-  
 riæq̄ satur, non dico mortuus  
 sum, sed ad beatiorē uitā regnūq̄  
 melius migraui. Vt aut̄ uestro  
 quoq̄ & horū omnium tempore  
 id factū esse uideatur, secundum  
 Deum in te, fili, maxime sitū est.

Tibi

Verba  
 Sig ad  
 filium.

Tibi mi fili deinceps & mater & sorores, & uero Resp. maxime curæ esse debebunt. In te spes oēs omniū, quas frustrari te æquum non est, sitæ sunt. Non nihil quidem nobis debet Polonia, quemadmodum audisti: sed nos illi multo plus. Quippe que nos sibi maioresq; nostros, posthabitis quibusdam illustrioribus & elegantioribus, atq; etiã potētioribus fortasse, reges assumpsit, & summa fide, studio, obsequioq; coluit. Te, quemadmodum ipse nosti, puerulū etiamtū, regio diademate insigniuit. Ad eius igitur salutem atq; dignitatē, uicissim te uoluntatē tuam, studia, & conatus omnes adiungere in primis æquū est. Id uero ita demū recte

Aurea  
p̄ patrie  
monita.

X v facies,

## ORATIO

facies, si omnibus te æquabilem,  
familiarem uero non nisi grauif-  
simis & sapientissimis quibusq̃  
præbebis: si nullius ius & inno-  
centiam neq̃ gratia, neque odio  
cuiusquam opprimi fines, & in  
iudicijs exercendis non cuius co-  
gnatus, necessarius, aut cliens  
quisq̃ sit, sed quam iustam cau-  
sam habeat, attendes: Si tenuio-  
res a'ui & iniurijs potentiorum  
uindicabis: Si honestatem uolu-  
ptati, publica commoda tuis pri-  
uatis antepones: Si nulla in re  
leuior, aut præceptis eris, neq̃ de  
maioribus rebus absq̃ consilio  
Senatus quicq̃ statues: Cum iu-  
uenibus uero & iuuenili ardore  
præditis, cōsilia non temere com-  
municabis: Si assentatoribus au-

res

res non accōmodabis. Blandum enim est malum, sed pestilens in primis regnis atq; regibus, assentatio; Si dissensiones ordinū, & simultates procerū inter ipsos auctoritate tua penitus extirpabis: Si deniq; pietatē atq; religionem sanctissimam sedulo & ex animo coles, neq; ab institutis maiorū, & iam inde ab exoriente religione Christiana apud omnes gētes recepto, & ad nostra usq; tempora transmissio retētōq; cultu Dei opt. max. uenerandisq; cæremōnijs atque dogmatibus te cuiusq; uel insidiosis blanditijs, assentationibus, & illecebris auocari, uel importunitate auelli sustinebis. Harū rerū omniū exēpla domestica habes, satis, nisi fallor, illustra

Non

## ORATIO

Seruāda  
religio  
antiqua.

Non ignoras fili, quo successu,  
qua foelicitate, quantaq̃ gloria  
nos tam diu regnauimus: Id nos  
totū Deo opt. max. quem sedulo  
riteq̃ coluimus, acceptum referi-  
mus. Existimare aut̃ debes, neq̃  
regnum, neq̃ quicq̃ omnino san-  
ctum & inuiolabile esse posse, ubi  
religio labefactatur. His tibi uñs  
fili suauissime ad laudem, ad be-  
neuolentiam hominū, ad salutem  
tranquillitatemq̃ ditionū tuarū,  
deniq̃ ad decus & immortalita-  
tem grassandum est. Hac certus  
est, & exploratus pijs principi-  
bus ad cœlum aditus: Hęc tecum  
Sigismunde Auguste pater: Illa  
rex uester uobiscum uiri Poloni.  
Reliquum est, utriq̃ ut sanctissi-  
mis & saluberrimis monitis eius  
obtem-



obtemperetis, eiusque præclara  
erga uos merita, assidua pietate  
& grata memoria semper pro-  
sequamini: omnesque pariter eum,  
uti debemus, uiuorum & mor-  
tuorum Deo, apud quem nemo  
satis iustus & insons est, assiduis  
precibus commendemus. Vicif-  
sim ille in cœlis, uti speramus,  
pro nobis orabit: & quorū sa-  
luti & incolumitati omni ratio-  
ne, quoad uixit, consuluit, nō ne  
nunc quidem, omni iam rerum  
terrenarum cura & molestia so-  
lutus, studium suum in pla-  
cando Deo opt. max.  
deesse patie-  
tur.

FINIS.

ERRATA.

Folio 19. a. linea 3. Legniciensi. Fol. 19 b. lin.  
ult. clementis. Fol. 47 a. lin. 7. aliud. Fol. 70. a.  
lin. 18. dubie. Fol. 79 b. lin. 13. certe. Fol. 82. a. lin.  
10. vobis. Fol. 91. b. lin. 15. hoc. Fol. 94 a. lin. 10  
sustinere. Fol. 124. b. lin. 8. Arragonie.

MOGVNTIAE DE  
nuo impressit Franciscus Bchem Ty-  
pographus, In laudem & perpe-  
tuam memoriam Opt. Re-  
gis, & in exemplum  
cunctis Principi-  
bus & pos-  
teris.



